

B. 7
Original

MONOGRAPHIA

CYCADEARUM.

SCRIPSIT

F. A. G. MIQUEL.

ACCEDUNT OCTO TABULAE.

TRAJECTI AD RHENUM,
APUD ROBERTUM NATAN,
ACADEMIÆ BIBLIOPOLAM,
MDCCCLII.

Miquel, Friedrich Anton Wilhelm
Monographia Cycadearum

VIRO CELEBERRIMO,

ADOLPHO BRONGNIART,

BOTANICES PROFESSORI PARISINO, ACADEMIE SCIENTIARUM FRANCO-GALLICAE SOCIO, REL. REL.
INDEFESSO PARITER AC VERACI ET INGENUO NATURAE SCRUTATORI;

NEC NON

AMICO PLURIMUM VENERANDO,

QUIRINO MAURITIO RUDOLPHO VER HUELL,

PRAEFFECTUI NAVI BELLICAE, H. T. CURATORI NAVALIUM REGIORUM ROTERODAMI ET AD OSTIUM MOSAE, EQUITI ORDINS
MILITARIS GUILIELMI III. CLASSIS, ET LEONIS BATAVI, PLURIMUM SOCIETATUM DOCTORUM SODALI, REL.
DILIGENTI NATURAE SCRUTATORI,

OPUSCULUM DICAT

Annotator.

LECTURIS SALUTEM.

Plures jam fuere anni, per quos Cycadearum plantis cognoscendis operam dedi; diligenter specimina colligens, herbaria comparans et partium fabricam dissectionibus perquirens. Ita fautorum benevolentia nunquam satis laudanda meaque opera factum est, ut Collectaneorum, quibus memorabilis hujus ordinis historia illustratur, magnam mihi copiam comparaverim, quibus omnium specierum icones secundum naturam vel specimina herbariorum authentica delineatae insuper adjectae sunt.

Ecquid autem mirum, me, licet tali apparatu munitum, totius ordinis historiam nondum absolvere potuisse, cuius membra remotissimas incolunt terrae regiones. Breuem itaque operis aliquando expoliendi et amplificandi synopsin Botanicis nunc obfero, tanquam concinnam imaginem eorum quae de Cycadeis hodieum innotuerunt, qua quislibet pro arbitrio suo ad familiam perquirendam utatur.

Adjeci habenter genera et plurimas species Cycadearum, quas terra olim nutriebat, quae autem nunc inter extinctae vegetationis membra vario modo mutatae reperiuntur et diligentissimo examini a Geologis merito subjectae, telluris non solum peractam historiam mire illustrant, sed quibus etiam universi Cycadearum ordinis valde necessarium complementum continentur.

Gratami porrigo dextram benevolis opusculi mei fautoribus, praclaris artis magistris, amicis, qui liberaliter herbaria aperuerunt vel propria vel publica, curae eorum mandata. Nolo heic nomina tacere cel. ENDLICHER, qui icones Bauerianas praclarissimas Cycadearum australasicarum depictas humanissime obtulit, cl. KLOTZSCH, qui Herbarii

Willdenoviani Cycadeas omnes misit, cl. BOUCHE et FINTELMANN, qui frondes omnium in Palmophylacio Regis Borussorum in insula Pavonum cultarum donaverunt, cl. DECALISNE, amici integerrimi, qui gazas Musei Parisini aperuit, cel. BLUME, qui aditum fecit ad Cycadeas Herbarii Regii Leydensis, charissimi LEHMANN, qui in promovendis meis studiis nunquam fatigatus, omnes Encephalartos Herbarii sui communicavit, cl. KICKX, cui specimina debo Cycadearum fere omnium, quae in Belgii hortis coluntur.

Utinam non plane indignum tantis auxiliis me praestitissem.

Scribebam Roterodami Calendis Augustalibus a. MDCCXL.

Auctor.

CONSPECTUS.

Characteres ordinis differentiales et naturales. Geographia. p. 1—2.

Fragmenta anatomica et organographicia. p. 3—9.

Cellulae. p. 3. — *Vasa.* p. 3. — *Caudex.* p. 4—5. — *Radix.* p. 6. — *Gemmae.* p. 7. — *Frondes.* p. 8—9.

De organis generationis. p. 9—16. — *Spadix, ovarium. Ovulum, embryo.* p. 9—13. — *Fructuum differentiae.* p. 14—15. — *Organa masculina.* p. 15—16. — *Germinatio.* p. 16.

De Cycadearum affinitatibus. p. 16—19.

Clavis generum viventium et extinctorum, secundum organa vegetationis. p. 19.

Clavis generum viventium secundum organa generationis. p. 20.

Distributionis geographicae mutatio per periodos geologicas. p. 20.

Genera et species:

I. *Cycas Linn.* characteres et generalia. p. 21—25.

1. *C. revoluta* Thunb. p. 23. — *C. revoluta* var. *planifolia*. p. 25. — 2. *C. angulata* R. Brown. p. 26. —
3. *C. media* R. Brown. p. 26—27. — 4. *C. circinalis* L. p. 27—28. — *C. circinalis* var. *javana*. p. 28. — 5. *C. Rumphii*, p. 29. — *C. Rumphii* var. *timorensis*. p. 30. — 6. *C. glauca* Hort. p. 30. —
7. *C. celebica*. p. 31. — 8. *C. inermis* Loureir. p. 31. — 9. *C. Wallichii*. p. 32. — 10. *C. madagascariensis*. p. 32. — *C. sphaerica* Hortul. p. 33. — *C. squarrosa* Lodd. ibid.

II. *Cycadites Brongn.* character et observationes. p. 34.

1. *C. Nilssoniana* Brongn. ibid. — Subgen. *Mantellia*. — 2. *C. Bucklandii*. ibid. — 3. *C. Cordaei* Sternb. p. 35.

III. *Macrozamia*. Character et adumbratio. p. 35—36.

1. *M. spiralis*. p. 36. — *M. Fraseri*. p. 37.

IV. *Zamites Brongn.* Character. p. 38—39.

1. *Z. Bechei* Brongn. p. 38. — 2. *Z. species*. p. 39.

V. *Encephalartos Lehm.* Character. — Adumbratio. — Geographia. — Observationes. — Historia. — Clavis specierum. p. 39—41.

1. *E. pungens* Lehm. p. 42. — 2. *E. cycadifolius* Lehm. p. 43. — 3. *E. Friderici Guilielmi* Lehm. p. 44. — 4. *E. tridentatus* Lehm. p. 45. — 5. *E. elongatus* Lehm. p. 46. — 6. *E. Lehmanni* Eckl. p. 47. — 7. *E. mauritianus*. p. 48. — 8. *E. brachyphyllus* Lehm. p. 49. — 9. *E. spinulosus* Lehm. p. 50. — 10. *Altensteinii* Lehm. p. 51. — Var. *angustifolia*. p. 52. — Var. *semidentata*. ibid. — 11. *E. caffer* Lehm. p. 53. — 12. *E. longifolius* Lehm. p. 54. — Var. *revoluta*. p. 55. — Var. *angustifolia*. p. 56. — 13. *E. lanuginosus* Lehm. ibid. — Var. *tridens*. p. 57. — 14. *E. horridus*

Lehm. p. 57. — A. genuinus. p. 58. — B. Hallianus. ibid. — C. latifrons. p. 59. — 15. E. nanus Lehm. p. 60. — *Species fossiles*. — a. E. Bucklandii. — *Palaeosamiae Endl.* p. 61. — b. E. pectinatus. ibid. — c. E. taxinus. ibid. — d. E. gigas. ibid.

VI. *Hisingera*. Character. p. 61.

1. H. Mantellii. p. 62.

VII. *Milsonia Brongn.* Character. p. 62.

1. N. brevis Brongn. p. 62. — 2. N. elongata Brongn. ibid. — 3. N. species. ibid.

VIII. *Zamia Linn.* Character. — *Adumbratio*. — *Distributio geographica*. — *Historia*. — *Observationes*. — *Clavis specierum*. p. 63—65.

1. Z. muricata Willd. p. 65. — Var. angustifolia p. 66. — 2. Z. furfuracea Ait. ibid. — 3. Z. integrifolia Ait. p. 67. — 4. Z. media Willd. p. 68. — 5. Z. pumila Linn. p. 69. — 6. Z. pygmaea Sims. p. 70. — 7. Z. Kickxii. p. 71. — 8. Z. debilis Willd. ibid. — 9. Z. tenuis Willd. p. 72. — 10. Z. angustifolia Willd. p. 73.

IX. *Pterophyllum Brongn.* Character. p. 73.

1. Pt. Jaegeri Brongn. p. 74. — 2. Pt. longifolium Mer. ibid. — 3. Pt. Meriani Mer. ibid. — 4. Pt. minus Brongn. ibid. — 5. Pt. majus Brongn. p. 75. — 6. Pt. dubium Brongn. ibid. — 7. Pt. enerve Merian. ibid. — 8. Pt. cretosum Rossin. ibid.

X. *Zamiostrobus Endl.* Character. p. 75.

1. Z. Henslowii. ibid.

Appendix. *De Stigmaria*. p. 76.

Excerpta de Cycadearum usu oeconomico et virtutibus medicis. p. 76—77.

Addenda. p. 77.

Explicatio Tabularum. p. 78.

Index generum et specierum. p. 81.

C Y C A D E A E.

(Cycadeae L. C. RICHARD in *Perr. Synop.* Tom. II. p. 630. *De Coniferis et Cycadeis* p. 172. R. Brown
Prodri. Fl. Nov. Holland. p. 346. BAETLING *Ordin. Natur.* p. 93. Cycadaceae LINDLEY *Introduct.* ed. alter.
p. 312. Cycadaceae ENDLICHERR *Gener. pl.* p. 70.) — An huc Stigmariae GOEPFERT die *Gattungen der fossilen Pflanzen.* Bonn 1841. ex parte?

Character differentialis. Caudex arborescens medulla ampla, sparsis vasibus instructa, cylindro lignoso e vasibus striatis, striato-reticulatis vel porosis formato cincta, radiis medullaribus separatis. Folia (spuria, rami scissi) pinnata, basibus remanentibus corticem spurium formantia. Sexus distinctus in diversis individuis. Antherae e frondium contractarum spadiciformium superficie inferiore enatae, uniloculares. Ovaria ad margines ejusmodi sed majorum frondium enata. Nobiliores inter vegetabilia simpliciora, principes inter acrobrya. Ordo solitarius, e protogaeae vegetatione quasi superstes, olim plurimis membris conflatus.

Adumbratio. Habitus Palmas humiles aemulat. *Caudex* arboreus, elatus, cylindricus, vel plerumque humilior, amplius quasi bulbiformis, lente arborescens, frondium per annum aut biennium delabentium basibus persistentibus late cicatratis obtectus, intus compositus e medulla ampla sparsis fibris ligneis instructa et ligneo cylindro eam includente, e duplicitis generis stratis concentricis contexto, interno vero e vasibus spiroideis, externo librum aemulante, formato. Deorsum plerumque in crassiorem albicanter *radicem*, fusiformem vel pauciramosan cortice lamellosa tectam, caudicis ad instar compositam, medulla plerumque vasa spiroidea striata contorta foventi, extenditur. *Frondes* caudicis apicem coronantes inter *squamulas* lato-lanceolatas hirsutas stipulaeformes erumpentes, per annum aut biennium evolutae, pinnae, *rhachidis* plerumque angulosae, *pinnis* alternis oppositis, cum rhachi articulatis vel continuis, juvenilibus et nascentibus hirsutis, adultis glabris, coriaceis, nervosis, integris vel lobatis, integerrimis vel inaequaliter serrulatis, rarius inferioribus in *spinis* mutatis. *Fernatio* rhachidis et foliorum aut verc circinnata aut imbricata.

Organa generationis dioica e frondibus, in apice caudicum evolutis, mutatis, contractis, saepe colosatis, plerumque tomentosis, strobilorum vel conorum ad instar collectis, excrescentia. *Caudex* post inflorescentiam prolifer frondosus.

Organa masculina. Frondes exiguae juxta rhachim communem plerumque pedunculatam horizontaliter insertae, patentes, planae, cuneiformes, simplices, apice dilatato, reflexo, aut e basi stipitata peltatum tumefacto. *Antherae* faciei inferiori frondium (spadicum) affixa, hanc vel totam tegentes vel in duas areas collectae, aut sub apice incrassato in duos fasciculos consociatae, sessiles, saepe binatim vel quaternatim cohaerentes, dense aggregatae, subglobosae, striatae, flavidae, demum rima longitudinali hiantes, *pollen* in massis angulosae fundo affixum, e granulis hyalinis angulosae ellipsoideis fasciat. *conflatum.*

Organum femininum. Frondes masculinis plerumque similes sed maiores, simili modo dispositae, nunc planae in formam coni terminalis imbricatae, crenatae, in crenis ovaria solitaria foventes, coloratae, demum reflexae; nunc stipitatae, peltatim incrassatae, in coni modum dispositae, utrinque sub diseo apicis peltato in fovea ovarium unum gerentes. *Ovaria* sessilia, erecta vel inverse pendentia, viridia glabra aut inde ab initio tomentosa, colorata. *Ovulum* unicum erectum orthotropum.

Fructus quasi compositus e frondibus spadiciformibus plus minus remotis aut e contractis in strobilos collectis formatus, syncarpium simulans.

Fructuum (druparum) *integumentum externum carnosum*, cute coriacea tenaci colorata tectum, tomentosum aut glabrum, *strato carnososo molli a putamine osseo duro integro vel quasi e pluribus segmentis conflato separatum*, quod intus induit membrana spermopermidis arida vasorum fibris inde a basi (*hylus*) praedita, in apice convergentibus (*chalaza*). *Albumen magnum*, albicans, carnosum, demum corneum basin occupans. *Hilus* chalazae oppositus; haec impressa, foramina plura fovens, in cavitates steriles ducentia, materia resinosa plena vel rarius fertiles embryones (1) gerentes. *Embryones* plures (an semper) sed unus tantum maturus axilis aut subaxilis inversus, albumini immersus, ejus fere longitudine, radicula, ex albumine plus minus protuberante, *funiculo subspirali* complicato affixa, e membrana intima spermopermidis excrescente. *Cotyledones* duae inaequales apice coalitae, basi fere discretae, *plumulam* conicam squamuulosam, ante germinationem conspicuam, includentes. *Germinatio hypogaea* (2).

Succus amylaceus, gummosus per totam plantam dispersus, nutriendis. In strobilis plus minus resinosus.

Distributio geographica. Arbusculae singulares, Palmis aemulae, in *Novi Orbis* tropicis vel subtropicis, in *Africæ* australis regione subtropica, in *Asiae* terris tropicis et *Nova Hollandia* extratropicis nunc crescentes, olim latius dispersae, *Angliam v. c.* et regiones nunc frigidiores, *Sueciam* (3) inhabitanteres, ut testantur hodie earum exuviae in protogaeæ stratis variis sepultae, vix multum a formis nunc viventibus recedentes.

Cycadæ fossiles in *formationibus geologicis antiquioribus*, in inferioribus stratis imprimis occurserunt, et quomodo explicari possit, plantas tropicas ac subtropicas in regionibus illis frigidioribus tales invenisse conditiones, quibus nunc carere nequeunt, geologis explicandum relinquimus.

In formatione conchiliifera (*Muschelkalk* et *Keuper* geologorum) Cycadæe una cum Coniferis primum vegetationis characterem sistunt. Formatio oolithica plures etiam Cycadæe et Coniferæ continent, et quod mirum, Martelliac adscendunt usque ad formationes cretaceas, ubi cum Lycopodiaceis, Filicibus, Coniferis et cum quibusdam Dicotyledoneis adhuc vixisse videntur Pterophylla, Nilssoniae, Encephalartii caet. (Conf. de his BRONG. *Lethaea* Tom. I. p. 10. p. 134. p. 196. Tom. II. p. 554 et 557 et eximiam cl. NILSSON Dissertationem in *Act. Holm.* 1831. p. 341—347 et 348—350).

Cycadæs autem ita in terris frigidioribus effossas, revera ibi vixisse, probaverunt eximii harum rerum scrutatores, BUCKLAND et DE LA BÈCHE (*Transact. of the geolog. Society of London. A. S.* Tom. 10): caudices scil. in silicam transformatos in insula *Portland* inventos immediate infra lapides *Portlandicos* et *Purbicos* dictos, positos viderunt in humo infiro simul cum Coniferarum truncis, plerumque adhuc erecto situ sitos, radicibus in solum descendenteribus (4).

(1) Reliquæ embryones etiam singulæ iachnæ in canalibus brevibus, qui respondent punctis in area depressa apicis seminis cernendis; canales gelatina homogenea repleti et membrana propria investiti sunt.

(2) Haec omnia tenuissimæ speciem viventes spectant.

(3) In *Suecia v. c.* jau effossæ: Cycadæ Nilssonianus Brong., Pterophyllum majus, Pt. minus, Pt. dubium Brong., Nilsonia brevis Brong., N. elongata Brong. (cf. *Esquisse d'un Tableau des Petrifications de la Suède*, par HISTRE. Stockh. 1829.)

(4) Cf. RICHAUD primus Cycadæis propriæ familie titulum impertivit (Pensær *Synops.* Tom. II. p. 630): » Cycadæe familiam quasi intermedium sistant Palmas inter et Filices; cum his habitu et praesertim foliis ab initio convolutis convenient, ab illis vero spathæ absentia et antheris unilocularibus dissentiant. *Flor.* dioici in amento seu cone eiusquam vel peltatae vel spathulatae subtus antheris bivalvibus numerosis lectæ. *Germinus* duo, quinque plura. *Styli* et *stigmata* totidem. *Drupæ* monospermæ. *Frondes* vaginantes.»

FRAGMENTA ANATOMICA ET ORGANOGRAPHICA.

Cellulae (1).

Textus cellulosis Cycadearum ab illo reliquarum plantarum vix differt; saepissime perquam regulares (sectiones hexagonas) tum in caudice tum in frondibus vidi; in caudicibus nascentibus, imprimis versus ambitum cellulas observavi minus regulares, fere formam mere globosam induentes. Saepe cellulae singulæ non adeo intime junctæ sunt, ut ope lentis duplœ inter illas membranam videre, imo coctione per breve tempus continuata cellulas juveniles caudicum a se invicem posses separare.

Praeter cellulas merenchymaticas et parenchymaticas regulares, elongatores occurunt, brevi-prismaticæ, longitudinales, faciebus longitudinalibus sibi arcte applicitæ, basibus horizontalibus vel obliquis et sic transeuntes ad cellulas prosenchymaticas; tales v. c. in radicibus Zamiarum semper vidi in vicinitate cylindri lignosi.

Inter materies inorganicas in cellulis contentas, crystalla rhomboedrica in cellulis rhacheos Cycadis revolutæ recensenda, quæ cl. MEYER invenit quæque verisimiliter e Carbonate Calcis composita sunt (*Neues System*. Tom. I. p. 237).

Vasa.

Vasa quæ in Cycadeis occurunt, perquam singularia. Utrum cellulae porosae elongatae an vasa dici mereantur, quaestio est nostro tempore minoris momenti. Cl. MEYER eas ad cellularum prosenchymaticarum propriam sectionem simul cum iis Coniferarum dicit.

His vasibus arctissime secundum longitudinem inter se junctis et coadunatis (nullis aliis cellulis vasibus adjectis) lignum caudicum, fibrae stipitum lignosæ, nervi foliolorum cæt. componuntur.

Adulta haec vasa omnino eum iis Coniferarum esse comparanda, eximie probavit cel. AD. BRONGNIART (*Annal. d. sc. natur.* 1829. *Recherches sur la structure des tiges des Cycadées*). Nequaquam vasibus spiralibus comparanda esse statuit, et KIESERUM secutus, cellulis elongatis annumeravit. — Alio modo cel. MOHL rem explicavit, lignumque Cycadearum unice e vasibus spiralibus et spiroideis formari contendit. (*Über den Bau des Cycadeen-Stammes* p. 17. et in *Act. Acad. Monac.* Tom. X. p. 397.) — Hac phytotomorum dissensione cl. MEYER usus est ad novam de membranae cellularis e spiris coalitis ortæ hypothesis promovendam. (*Neues System*. Tom. I. p. 78—79.)

Sunt haec vasa tubuli extremitatibus clausi (itaque potius cellulae elongatae) cylindracei, prismatico-angulati, membrana striis (fibris?) transversis horizontalibus, obliquis, vel areolis elongatis aut circularibus notata, aperturis seu majori membranae tenuitate iis in locis explicandis. Sunt autem striarum areolarumque tot series longitudinales quo facies adsunt. Pori illi seu areolæ ampliæ valde similes sunt illis Coniferarum; MEYERUS autem eo diversas putat, quod in Coniferis rotundæ sint areæ,

(1) De cellulis et vasibus Cycadearum cf. J. P. MOLLENBRAUER *Beyträge zur Anatomie der Pflanzen* 1812. p. 111 seqq. — TREVIRANUS *Vom inwendigen Bau der Gewächse* 1806. p. 130. — LINNÉ *Element. Phil. bot.* p. 73. — MOHL *Über die Poren des Pflanzenzellengewebes* 1828. — MEYER *Neues System der Pflanzen-Physiol.* Tom. I. Tab. I. fig. 3 et 4. — ERNST *Über die neuesten Fortschritte* p. 81. — TREVIRANUS *Physiol. d. Gewächse* Tom. I. p. 34—36. p. 111, 112, 114. — LINNÉ *Element. edit.* 2. Tom. I. p. 118. — MALPIGHII *Oper. omn.* Lugd. Batav. p. 27. Tab. VI. fig. 25. — KIESER *Mémoire* p. 295. — MOHL in *Linnæa* Tom. VI. p. 593. Tab. VII. — LINNÉ in *Nouv. Ann. d. sc. natur.* Tom. V. p. 130. Tab. III. fig. 4. — A. BRONGNIART in *Annal. d. sc. nat.* 1829 Avril. — MOHL *Über den Bau des Cycadeen-Stammes* in *Act. Acad. Monacensis*. Tom. X. p. 397 seqq. — MEYER *Neues System*, Tom. I. pag. 78—79. Tom. II. p. 89, 196. Tab. II. fig. 4—8. — LINDL. *Introd. to Botan.* p. 16.

in Cycadeis magis ellipticæ et obliquæ, sed ut in illis annulo transparenti cinctæ. Poris striae transversæ vel fibrae plerumque interpositæ sunt. MERENUS eximis iconibus hoc illustravit. (*Nouæ System. Tom. I. p. 89. Tab. III. fig. 4—8.*) Monet poros illos tum in Cycadeis tum in Coniferis solummodo in illa parietis parte adesse, quae radiis medullaribus adjacet (p. 96). Reliquæ parietes iis omnino carent. Vedit in caudice Cycadis ex insula *Manilla*, 4 pollices crasso quatuor vel quinque pulchras series areolarum majorum ei transverse parietem vasis secans, e plurimis stratis formatam et valde crassam observavit. Quamvis MOHLIUS contendat (l. c. p. 407.) in Cycadeis has areolas non adeo regulariter esse dispositas ac in Coniferis, MERENUS nullam hac in re differentiam observare potuit. Plerumque duas areolarum series vidit (conf. l. c. Tab. III. fig. 6 et 8). — Majoris momenti cl. auctoris observatio est, (l. c. p. 96.) in vasibus quibus fasciculus ligneus rhachidis formatur, in toto parietis ambitu areolas invenire, quod in Cycade revoluta vidit (Tab. III. p. 7.) et ipse semper confirmatum reperi.

De structura vasorum in Zamiis americanis cel. BRONGNIART nuper disquisitiones instituit Botaniconrum pariter ac Geologorum attentione dignissimas. Vasa quae in candice Zamiae integrifoliae reperiuntur, non uno latere quod radiis medullaribus adjacet, sed in toto ambitu areas vel reticulationes exhibent. Nec tamen hic negligendum, abundantia textus celluloso regularem vasorum dispositionem esse quasi perturbatam et haec magis a se invicem remota esse. — Quomodo hac ratione Cycadearum cum Stigmaria (fossili genere) affinitas declaratur, infra exposui. Accurate cl. BRONGNYART descripsit ac delineavit haec vasa Zamiae integrifoliae, in toto ambitu amplis areis ovalibus praedita, quae circumdatae sunt fibris transversis reticulatis vel transversas lineas parallelas formantibus. (Conf. *Archives du Muséum d'Histoire naturelle*. Tom. I. p. 424—425. Tab. XXXIV.)

Etsi antiquam illam Phytotomorum de origine vasorum spiroideorum seu de vasorum metamorphosi item heic lubenter silentio transeam, narrandum tamen quid in gemma radicali Encephalari horridi viderim. Harum structuram infra descripsi, fibrae autem molles quae per textum cellulosum decurrent et ad squamas tendunt, sub microscopio cante examinatae, constant e tubulis plurimis arcte longitudinem sibi appositis, transverse striatis. Qui si leniter tenduntur, membrana in fibras spirales evolvitur plures sibi adhaerentes, ita ut extra omne dubium positum habeas, rem heic tibi esse cum vase spirali quod laminaeformē KIESERUS vocavit. Nullam autem inter haec vasa reperi cellulam elongatam porosam quales in adultis inveniuntur.

Caudex.

De vera structura caudicis inter auctores multum disputatum est, nostro autem tempore diligentissimis acutissimorum scrutatorum disquisitionibus, difficilis materia multum illustrata est. Cel. BRONGNIART (*Annal. d. sc. natur. Tom. XVI.*) caudicem Cycadearum omnino comparat cum truncu Coniferarum, dum cel. MOHL e contra eum inter Coniferas et Filices arborescentes intermedium esse statuit, ea ratione ut organa elementaria omnino cum illis Coniferarum congruerent, magna vero medullæ copia, strati lignosi simplicitas et stratorum annuorum defectus magnam cum Filicum structura affinitatem declarant (*Act. Monac. Tom. X. p. 31 seq.*) Huic vero sententiae ab aliis opposita est Tabula Horti Malabarici, qua sectio transversa caudicis Cycadis circinalis exhibetur, circa angustum canalem medullarem septem strata lignea exhibentis, imo dubia a celeberrimis illis naturae scrutatoribus contra illam tabulam proposita, caudices ejusdem arboris, a cl. WALLICH ex India orientali missi, teste cl. TREVIRIANO (*Physiol. d. Gewächs. Tom. I. p. 188.*) omnino refutant, cum in his eadem, quam Hortus Malabaricus indicat, structurae ratio inventa sit, e quibus cl. auctor concludit, caudicem Cycadearum minime cum illo Filicum esse comparandum, sed multo magis ad truncum Coniferarum accedere. — Cl. LINN caudicem Cycadearum cormum vocat, i. e. caulis incrassatus. »In Cycadeis vero, inquit, *Zamia* (Encephalarto?) praesertim superue in medio cormo cessant (vasorum fasciculi) et stratum sistunt annulum lignosum Dicotylearum aemulans. Secundum longitudinem spectatum vero interruptum est, nec integrum, secundum latitudinem radiatum, radiis ex alternante parenchymate et vasis spiroideis productum. Affi-

nis igitur cauli Dicotylearum videtur cormus Cycadearum" (*Element. Philos. bot. ed. 2. Tom. I.* p. 306.) — Eximiis iconibus caudicis structuram in *Encephalartis* illustravit, et simul vasorum per medullam decurrentium praesentiam demonstravit. In sectione longitudinali caudicis *Encephalarti* Altensteinii distinxit tanquam stratum extimum rudimenta petiolorum seu basium stipitum, dein stratum fere regulare formatum e fasciculis vasorum spiroideoorum (porosorum), quod includit medullam, vasibus spiroideis sparsis ac flexuosis instructam (*Icones anatomico-botanicae. fasc. II. Tab. IX. fig. 1.*) Segmentum ejusdem caudicis transversum eundem partium situm explicat: nempe extus foliorum rudimenta, et dein, ut dicit, corticem exteriorem scil. insertiones stipitum adhuc vivas, porro corticem interiorem, deinceps lignum externum, quae ambo unum ligni stratum efficiunt, atque denique lignum internum medullare, quod nobis medulla est fasciculis vasorum plena (l. c. *Tab. XV. fig. 1.*) — Eximie vasorum porosorum fabricam illustrat (*Tab. IX. fig. 2.*); cellulæ communes pinguntur magnæ hinc inde granulis amylaceis replete. Vasa porosa ipsa nullis cellulis angustis et elongatis comitata sunt ut alias semper fieri solet; pori vasorum sunt vel simplices vel areolati ut in Coniferis; imo in uno vase ambac pororum species observantur. (*Tab. XV. fig. 3.*)

Cf. C. H. SCHULTZ *Encephalarti caffri* caudicem exploravit (*Sur la circulation et sur les vaisseaux laticifères dans les plantes. Paris 1839. 4°. p. 93. Tab. XVII, XIX, XX*), nec tamen eam rationem quam auctor in explicandis partibus sequitur, nostram facere potuimus. Bene monet praeter ligni stratum adhuc fasciculos vasorum exteriores i. e. in libro ac interiores in medulla adesse. (Idem et in Cycade testibus MOHLIO et BRONGNIARTIO ita esse, jam monui). — Extus caudex tegitur squamis petiolaribus; sequitur stratum fasciculorum vascularium, in quibus oculo non armato distinguitur pars interior quae tracheas continet et exterior e vasis laticis conflata; fasciculi a se invicem interposito textu celluloso separati sunt (radiis quasi medullaribus) et etsi caudex virginis esset annorum, unum modo stratum observavit. In sectione longitudinali patet, hoc stratum ad basin caudicis esse perquam crassum, superiora versus sensim decrescere et ad apicem ubi folia erumpunt, filii tenuitatem acquirere. Incrementum non stratorum in modum sed fasciculis obtinet, qui per totum stratum formantur. — Intus medulla ampla includitur, in qua plures vasorum fasciculi inordinate positi sunt. — Extus lignum circumdat strato celluloso, per quod plures fasciculi ad stipites frondium percurrent. Radios medullares ab iis aliarum plantarum differre perhibet, ita ut alii vasa laticis alii tracheas a se invicem separent. Caeterum fasciculi medullares et corticales eandem fabricam ac lignum exhibent. Canales gummiferi in medulla ac libro multi inveniuntur. Porro constat vasa non recto tramite decurrere, sed flexuosa esse; quae e medulla ad ambitum decurrenti saepe horizontalem situm tenent. — Vasa punctata saepe in laminas evolvi possunt.

Cf. MEYER vasa caudicis *Encephalarti caffri* explorans, horum parietes satis crassos invenit. Vasa in fasciculos complanatos conjuncta (*Neueste Fortschritte p. 309. Tab. VIII. f. 21.*)

Cel. BRONGNIART (*op. cit. p. 425.*) caudices *Zamiae integrifoliae* examinavit; ejus cylinder lignosus formatur fasciculis ligneis angustis, secundum series radiantes medullam inter et parenchyma corticale dispositis, a se invicem radiis medullaribus separatis. Sed in hac planta vasorum dispositio non adeo regularis est ac in aliis Cycadeis observatur.

Cel. DE CANDOLLE (*Organogr. Tom. I.*), RICHARD (*Mémoire p. 117.*) aliique antores caudicis structuram endogenam vocaverunt, cuius opinionis ex habitu palmaceo saltē petitac falsitas observationibus phytotomicis satis demonstrata est. Nec autem vere exogena vocanda videtur, nam nec strata regulariter annue apponuntur nec vagina medullaris, inde ab initio bene formata, immutata manet. Medulla ipsa, saltem in radicibus, sensim anguli videtur, et vasa nova inter antiquiora excrescere conjiciendum, exceptis scil. iis quae extus accrescunt, quando nova frondium corona efformatur.

In horto Parisino *Cycas* exstat ex insula Mauritii allata, cuius caudex constrictus est ea parte quae tempore quo advecta est, excrevit (*TURPIN Iconographic Tab. III. fig. 7.*); cel. DE CANDOLLE (*Organogr. Tom. I. pag. 219.*) eo explicat, quod fibras externae prius quam par est, induratae sint, ideoque perperam concludit, esse caudicem endogenum.

Radix.

Singularis est radicum fabrica. In universum compages mollior est, sed aetate tamen lignescit. Rhizoma aut breve aut fusiforme-elongatum (*Zamia*) aut cito in plures longosque ramos partitum. Hi non omnino cylindrici sunt, sed paullo compressiores (*Cycas*, *Encephalartos*). — Cl. SCHULZ sectionem transversam radicis *Cycadis circinalis* pinxit (l. c. Tab. XXI. fig. 2); in centro duo fasciculi vasorum oppositi cernuntur, dissepimento celluloso a se invicem separati, medio angusto, extrorsum latiore. Quivis fasciculus versus ambitum flabellatum augetur, et e fasciculis singulis per radios medullares separatis componitur. — *Cycadis glaucae* Hort. radix constat e plurimis ramis rhizomaticis e basi caudicis progredientibus, non valde longis, inordinate vel furcatim ramosis, albidis, firmis, sed non valde duris, extus tenui cuticula vestitis. Ramuli ultimi facile separandi cicatrices circulares tumidulas relinquent. Ramus major transverse sectus haec obfert: intus medulla satis ampla e cellulis exiguis regularibus amyrum non includentibus composita; haec inclusa est strato ligneo crasso, lutescenti, formato e segmentis flabellatum dispositis tella cellulari a se invicem separatis. Haec segmenta non vaginam medullarem regularem vere circularem sistunt sed irregularem, quia quaedam profundius in medullam penetrant. Prope medullam singulum segmentum ex una vasorum serie componitur, una cellularum serie a reliquis separatum. Versus ambitum duae, tres pluresve vasorum series sibi appositae. Strata vix distinguo; saltem maxima (interna) strati lignei pars est omnino continua, sed haec a parte peripherica pallidiore separatur linea cellulari. Itaque duo fere strata distinguenda, forte propria evolutione increscentia. Segmenta singula ad peripheriam linea arcuata circumscripta, non ut in Dicotyledoneis plurimis omnia una linea circulari inclusa. Vasa magnitudine admodum varia et hac ratione nullam regulam inveni. Parietes crassi, ter quaterve crassiores ac cellularum. Sunt *vasa punctata* vel areolis oblongis transversis notata, sed haec ut et pori ad facies connatas desunt. Plura vasa longitudinaliter conjuncta fibram ligneam sistunt. — Stratum ligneum ambit tella cellularis peripherica corticalis, e cellulis regularibus iis medullae majoribus, formata, parcum amyrum includens. In hac etiam aliqui vasorum fasciendi prope stratum ligneum inveniuntur. — Kamuli minores eandem structuram obferunt sed *medullam exilissimam* vix in strati lignei centro discernendam. — Epidermis radicum lamellosa. — Similis omnino in *Encephalarto horrido* et *E. Altensteinii* structura obtinet. E parte crassiore brevi rhizomatrica statim rami longi subcompressi, bac vel illa parte nodoso-tumentes, exoriantur, in quorum laevi ac sicco cortice lamelloso cicatrices plures circulares impressae medio et ambitu tuberculatae cernuntur e radicillis ramisve emortuis ac deciduis. Rami furcatim deviduntur. Radiocellulas iteratim bifurcatae, tumidas, carnosas, subcompressas, in apices rotundatos desinentes, (his aliquando supra terram excrescentibus), e tela cellulari formatas, intus cylindrum ligneum includentes, pulchre observavi in *Enc. spinuloso*. Structura radicum *Encephalartorum* anatomica in universum fere eadem ac Cycadis specierum. Segmenta lignea flabellata. Medulla perquam exigua, in ramulis fere nulla. Extimum lignum colore pallidiore, textu laxiore ab interno diversum et tanquam stratum proprium fere separatum. Vasa sunt pulcherrima pellucida, seriebus longitudinalibus arearum (pororum) subcircularium, ovalium, aliquomodo irregularium et magnitudine diversarum, tot notata, quot facies sunt. Facies coalitae omnino poris carent. Areae singulæ in medio punctum lucidum habent. Parietes vasorum satis crassi; ubi duo vasa conjunguntur, non adeo intime parietes coalescant, ut omnino unam membranam efficere videantur; nam linea transparens intermedia superest.

Zamiarum radix primaria fortis, longa, fusiformis, perpendicularis, albicans, in ramos subcompressos divisa. Ejusmodi ramus extus e cellulis componitur librum quasi efformantibus, quarum extimae sectiones quadrangulares, interiores potius pentagonalis vel hexagonas obferunt. Tunc sequitur stratum multo angustius e fibris ligneis rectis formatum, quo quidem strato medulla includitur, sed haec non simplici textu celluloso componitur verum totum ipsius spatium occupant vasa spiroidea striata porosaque non recto tramite decurrentia sed flexuosa, varie et absque ordine torta; imprimis hoc in *Zamia integrifolia* observatur.

Adnotatio. Conf. quae ad calcem de *STIGMARIA* proposui.

Gemmae.

Tres gemmarum species distinguendae sunt: 1. *gemma terminalis*, cuius ope caudex increvit, frondes promens vel alternis plerunque in adultis annis per vices in axem florentem efformata: 2. *gemmae laterales vel adventitiae*, et 3. *gemmae radicales vel hypogaeae*.

Gemma terminalis plurimum est solitaria, et rarius saltem caudex apice in duos ramos partitur (*Cycadis species*). Magna haec gemma in centro frondosae coronae evolvitur, squamis crassis circumvestita, tomentosis, brunneis. Quovis anno aut post biennium evolvitur, frondes includens varie dispositas.

Gemmae laterales rarius occurunt, quare caudices simplices manent. Quandoque vetustae *Cycadum* caudices in ramos dividuntur, et coni *Zamiarum* lateraliter evoluti huc etiam referendi.

Gemmae radicales cum bulbis tum situ tum structura comparandae sunt; iis naturaliter et artificiis hortulanorum Cycadeae multiplicantur. Ad caudicem basin ex axillis squamarum e frondium lapsarum basibus superstitione evolvuntur, initio sub terra reconditae (*Encephalartos, Cycas*), vel aliquando inde ab initio supra terram ad partem caudicis epigaeam. Sub terra reconditae per plures annos lente incrementantes denique frondem unam emittunt, radices longas proprias formant et a planta materna solvuntur (Tab. II.). Haec evolutio imprimis in plantis morbosis obtinet, aut si gemma terminalis casu vel arte extincta fuerit. Sic olim in *Cycade revoluta* (BUCKLAND, *Op. Cit.* I. p. 439) observabatur, et ipse in *Encephalarto horrido* sex ejusmodi bulbos inveni, obiter caudici sub terra adhaerentes; sunt quasi bulbo-tubera, composita corpore carnosu centrali crasso, extus in squamas carnosas imbricatas (1) tomento denso obtectas, partito. His bulbis forma ovata est, basi appianata, apice acuminata; textus cellulosus crassus, cellulis hexagonalibus vel rotundatis, materie viscida et amyacea repletis, constans, in quo fibrae decurrent sparsae, initium ab insertione radicum facientes, sursum evanescentes, ramosae, in squamas extensa; constant e tracheis veris, longitudinaliter in fasciculos conglutinatis, spiris facile evolvendis. Postquam bulbis a materna planta solvi incepit, frondem emittit unicam per plures annos, sed quamvis diversam; omnes minores et minori numero foliorum instructas. — Quae e caudicibus *Zamiarum* oriuntur gemmae, saepe sunt epigaeae, tuberculiformes, intumescentes, mox deciduae.

Frondium *vernatio quadruplex* est, de quibus conf. generum descriptiones. — (*Bullet. d. sc. phys. et natur. en Néerl.* 1838. p. 129 et *Nouv. Annal. d. sc. natur.* Tom. XI. p. 61—62, ubi errore Enceph. affinis pro caffro legitur.)

Propagatio saepe ope gemmarum adventitiarum obtinet, qua de re observationes publici juris fecit FALDESMANN, Petropolitanus (*über die Vermehrung der Cycadeen aus den Schuppen ihrer bereits abgestorbenen Stämmen, in Verhandl. zur Bef. des Gartenb. in Preuss.* Tom. III. p. 312 seqq.). Si frondes Cycadearum dependent, mors sese adpropinquare solet. Putredo in centro caudicis incipit, et sensim radices pereunt. Tunc autem in caudicis squamis adhuc quaedam vis vitae remanet. Videl *Encephalartum horridum* (quod et nos olim) cuius totus caudex putredine excavatus, non nisi squamis compositus erat; cavum arenā implevit, calidæ temperaturæ exposuit per tres menses; cum ad squamas gemmas orientes viderit, has terrae imposuit et hae nunc cito frondes evolvabant. Icone rem illustrat, exhibente squamam ex opposito latere, quo frons enascitur, seu e facie externa radiculam proutudentem.

De propagatione *Cycadis* speciei RUMPHIUS loquitur (*Herbar. Amboin.*). Arbor haec, inquit, propagatur, si superius molle caput abscissum, in terram sabulosam ponitur. Post annum tunc frondes evolvuntur.

De *Cycadis circinalis* propagatione experimenta instituit exp. NEUMANN, Horti Regii Parisini Hortulanus; caput *Cycadis* $1\frac{1}{2}$ pedes altæ, Martio mense abscissum, per quatuor dies fornaci imposuit, adeo ut vulnus ac frondes exsiccarentur; jam per duas dies caput aquae imponitur, et dein solis radiis expositum propaginum in modum tractatur; Majo radiculas formaverat et paullo post quatuor frondes emisit. — Caudex superstes per longum tempus tanquam mortuus perstitit; ab eo separavit sectiones $1\frac{1}{2}$ pol-

(1) Hac squamæ eadem esse videntur, ac illæ quæ bases frondium stipant.

lices crassas quae radicellas efformabant (*Annales de la Société d'Horticulture royale de Paris.* Tom. XXII. p. 176.)

Jam autem antea Japonenses e frustulis caudicis Cycadum revolutam propagaverant.

Observatio. Cl. MEYEN (*Annal. d. sc. natur. nov. ser.* Tom. IV. p. 141.) in superficie caudicis Cycadis in insula *Manilla* lectae reperit prope stipitis insertionem exiguae cryptas, quarum cellulae stellatae sunt, juniores vero ellipticæ. Has cellulas laxe cohaerentes pro germinibus habet. Similia organa in filicibus occurrere cell. MOHL et MARTIUS olim exposuerant (*MARTIUS Icon. select. pl. crypt.* Tab. 49. fig. 5).

Frondes.

Stipes dicitur pars rhacheos infima aphylla; stipes et rhachis caeterum structura non differunt. In universum tetragoni sunt, angulo postico obtuso, vel rarius magis applanato, rarissime acuto; angulus anticus plerumque paullo prominens costae ad instar, utrinque canali munitus, et hinc in angulos laterales decurrentes. Quodsi pars rhacheos antica valde applanata est, rhachis fere semicylindrica evadit; sin magis elevata, vel teres vel tetragona. Pars antica postica semper minor est. Transversa sectione (v. c. in *Encephalarto caffro*) componitur textu celluloso, per quem fasciculi vasculares regulariter decurrent, inter quos canales gummiferi exstant (conf. etiam SCHULTZ I. c. Tab. XX. fig. 3). *Macrozamiae spiralis* et *Encephalarti horridi* stipites cl. BUCKLAND examinavit et similem conformatiōnē reperit (conf. *De la Géologie* cael. vers. gall. Tab. 62); in *Protogaeae* speciebus eandem fere ac in hodiernis structuram invenit.

Forma stipitis ac rhacheos ab omnibus anctoribus ad species distinguendas adhibetur; non autem magni hac in re momenti videtur, cum forma nec adeo constans nec pro variis speciebus valde diversa sit. Facilis a forma tetragona ad semicylindricam vel trigonam transitus est.

Cellulae epidermidem formantes plerumque crassos habent parietes externos ita ut in transversa sectione cuticula quasi homogenea supra extimas cellulas jacere videatur. Imprimis in *Encephalarto horrido*, *caffro*, *elongato*, *Cycade revoluta* tales existunt. MEYENUS iconē epidermidem folioli *Enc. horridi* exposuit (*Neueste Fortschritte*, Haarlem p. 47. Tab. II. fig. 19, 20 et 21.). In *Zamiis* et plurimis *Cycadis* speciebus multo tenuiores sunt, quemadmodum et compages mollior exsistat. — In pagina inferiore pori sunt cum subjacentibus caritatis communicatae (stomata) MEYEN I. c. fig. 21.

Foliola vel articulatum vel continue cum rhachi junguntur, qua differentia Cycadeae novi orbis ab Asiaticis et Africanis satis bene differunt. (Conf. generum descriptiones). Articulatio satis evidens est, et talis ut foliolum senescens facile cadat. Cellulae foliolii baseos tumidae sunt et vasa unientia fragilia. Infima ad rhachim vel stipitem foliola saepe in spinas mutata sunt. — Nunquam omnino aequalia sunt foliorum latera. — Magni momenti sunt nervorum distributionis, marginum, apicum, serraturarum differentiae pro variis generibus.

Foliola moritura sensim colorem viridem amittunt, pallescunt; hic autem non in alios colores transit. — Ad basin frondium biennium crena formari incipit qua deinceps solutio continuu obtinet. Basis frondium lapsarum in caudicis superficie manet, vita in earum parte interiorre superstite. Forma primum rufa et diversa sensim absoluta evadit, ita ut caudices, imprimis Encephalartorum, satis regulariter locricatas invenias. — Inter has squamas tomentum copiosum, parcum, vel nullum. Inter frondes, imprimis nascentes, plerumque *squamæ* e basi lata lanceolatae crassae, extus tomentosae, intus glabrae ad-sunt, e quarum axillis quasi frondes prodeunt. Harum squamarum natura morphologica ulterius investiganda. Sunt autem eaedem quae in gemmis radicalibus prima organa appendicularia sistunt, eaedem etiam ut videtur ac squamae gemmulae embryonis. — An itaque haec squamae folia rudimentaria?

Frondes, respectu morphologico, sane cum vulgaribus foliis Dicotyledonearum non comparandæ. — An rami fissi certis intervallis morientes? — Itaque haec etiam ratione Cycadeae cum Coniferis comparandæ.

Frondium numerus e gemma terminali explicatarum in plantis adultis satis constans nec exiguis est. In plantis juvenilibus autem (in Cycade teste DE PETIT-THOUARS et in *Encephalartis* nostra observatione)

quotannis una tantum frons evolvitur, quo fit, ut persistentibus iis annorum praecedentium, frondes variae magnitudinis ac formae reperiantur. In *Zamiis* quotannis etiam evolvuntur sed non adeo numerosae. — In nostris caldariis inenite aestate plures frondescentes vidi, imprimis *Cycades* et *Encephalartos*.

Magna materiae gummosae quantitas in omnibus Cycadearum organis continetur, ut variis locis indicavi. Peculiares ductus gummiferi hanc materiem includunt, quorum admodum regularis dispositio est in stipitibus et rhachidibus. Cl. MORREN hos proprio examini submisit (*Bullet. de l'Academie Royale de Bruxelles* Tom. I. n°. 8). Cum e dissectarum rhachidum apicibus gummi evacuari videret, contendit gummi adscendere e caudice in folia nec oppositam viam sequi ut Physiologi statuissent. Cel. MEYEN, qui haec experimenta repetit, illam evacuationem absorbta inferius aqua effici contendit (*Jahresbericht* 1839. p. 115); nam e frustulorum inverse in aqua collocatorum apicibus (itaque inferioribus) gummi effluere observavit. — In rhachidibus *Cycadis* et *Encephalartorum* facillime in sectionibus transversis ductus gummiferi cernuntur, in peripheria et in centro; in foliolis *Cycadis* specierum prope nervum medium decurrent. Magna copia quoque in textu celluloso externo et medulla caudicis prope stratum lignenum adsunt, teste cl. MOHL, qui *Cycadem revolutam*, *Encephalartum longifolium* et *Zamiam integrifoliam* examinavit. Horum canalium structura eadem est ac reliquorum ductuum vel cavitatum, in quas materies propriae in cellulis vicinis formatae, transfunduntur. (Conf. quae p. 12. de spadice monui).

Cl. DE CONINCK gummi illud *Cycadis revolutae* chemico examini exposuit; cum autem purum gummi non adhibuerit, experimenta haud magni fecerim.

Singularis est materies rorida glanca quae quarundam specierum generis *Encephalarti* frondes obducit, imprimis juniores uti *E. horridi* et *E. Lehmanni*. Aetate sensim diminuitur. Hujus materiac secretio tamen a plantae vigore quodammodo pendet; etenim eadem specimenna vidi uno anno rore glauco obducta, alio laevia. — Videtur materies ad *cerinam vegetabilem* pertinere.

De *materie colorante*, in pulpa fructuum efformata, nihil adhuc apud Chemicos cognitum est.

DE ORGANIS GENERATIONIS.

Auctorum in explicandis partibus generationi inservientibus vehementer dissentientium sententias breviter exponam.

Inflorescentia feminea Cycadis in *Hort. Malab.* Tom. III. pag. II. vocatur „fructipromus conus” et phylla ejus plana fructus gerentia „linguiformia involucra, veri fructuum loculi” appellantur „aut retinacula.” Fructus ipsi cum pruni comparantur, et partes singulæ: *cortex mollis*, *cortex durus lignosus*, atque *contentus nucleus*. *Cortex durus* etiam *putamen* audit.

RUMPHIUS utrumque sexum in *Cycadis* specie amboinense exploravit (*Herb. Amboin.* Parte I. a. 1750. pag. 87.) nec tamen sexum differentiam bene perspexisse videtur. Phylla inflorescentiae femineæ *petiolas* vocat. Fructus accuratius describit. Sub cortice externo lignosum putamen latere, duas suturis connexum, superne foraminulis apertum, in quo reconditur albicans, crassus et oblongus nucleus, ab una parte fovea impressus; inter nucleus vero ac putamen alia sicca et spongiosa locatur substantia. De inflorescentia masculina refert, squamis componi imbricatis separatis se aperientibus uti Pini strobili, quas inter squamas arenosa farina locata sit. Addit, eandem arborem, quae inutiliter ejusmodi fructum producerit, dein verum fructum efformare. Videtur autem, si RUMPHIUS de *Cycadis* specie celebica dissenserent audiamus, eum revera hanc inflorescentiam pro masculina habuisse, imo in *appendice operis* a. 1694. l. c. pag. 89. disertis verbis dicit: „Prima videtur femina, altera autem mas.”

LINNEAUS, licet sexum differentiam intellexisset, in explicandis et dijudicandis partibus masculinis sibi non constat, raro sane exemplo. Primum enim, *Zamiae* generis characterem cruens, utramque

inflorescentiam vocat *spadicem*, squamasque flosculos pedicellatos, antheras sessiles in mare gerentes; in femina squamas dicit perianthium peltatum pedicellatum germina duo absque stylo et stigmate gerens (*Gener. pl. ed. VI*). In *Cycadis* genere antheras illas tanquam grana pollinacea nuda et inflorescentiam feminineam tanquam spadicem habet, quod profecto eo magis mirandum cum in *Suppl. pl. pag. 68*. *Zamiae* antherae polline farinoso repletæ vocentur.

THUNEERGIUS primus *Encephalarti* speciei organa generationis accurrate descriptis, eaque in universum eodem modo ac LINNAEUS *Zamiae* organa, consideravit; antheras in squamis sessiles vocat, confertissimas, ovatas, supra rima longitudinali dehiscentes, uniloculares, glabras, et pollen in iis album vidit. Is primus pollen bene observasse videtur. (*Nov. Acta Societ. reg. sc. Upsal.* Tom. II. p. 283—288 et *Flor. Capens.*)

JACQUINUS satis accurate utrumque sexum exploravit, nec improbanda quae cl. GRISEKE de structura ovariorum *Cycadis revolutae* disseruit (LINNAEI *Ordin. natur.* p. 641—643. Tab. VII).

Cel. MIRBEL ovarii structuram in Coniferis et Cycadeis eandem credidit, eaque esse veros flores, praeter perianthium adnatum, adhuc externum integumentum gerentes, quod cupulam dicit (*Nouvell. Bullet. des sc.* Tom. III. p. 73). Nostro autem tempore, quo ovuli vegetabilis cognitio tot tantisque inventis illustrata est et summo auctori permultum etiam debet, aliam certo sententiam amplexus erit. L. C. RICHARD similem sententiam professus est, sed MIRBELLI cupulam potius pro perianthio habet, cum pericarpio plus minus coalito. Ovulum simplex esset ex unica tantum membrana formatum (*Dictionn. class. d'Hist. natur.* Tom. VI. p. 208). Antheras uniloculares in inflorescentia masculina agnoscit (l. c. Tom. V. p. 216. *De Conifer. et Cycad.* p. 172).

Celebris ROBERTI BROWN de ovulo Cycadearum sententia magnopere inclinavit (*Append. ad Itiner. King.* p. 555 seq. et edit. German. Tom. IV. p. 110 seq.). Duo argumenta sententiae opposuit, florem Coniferarum et Cycadearum nudum vel calyce cinctum pistillum (carpellum) declaranti: 1. perforatio ejus stylis; nimis punctum insertionis embryonis in ovulo tunc immediate actioni pollinis esset expositum. 2. Nimis simplicitas structuræ illius ovuli RICH., cuius fabrica melius cum structura nuclei aliorum ovulorum potest comparari. Florem itaque RICHARDII tanquam ovulum nudum habet, quod, imprimis inflorescentiam Cycadis ante oculos habens, carpophyllo nudo aperto affixum putat. RICHARDII calyx esset testa vel extima ovuli membrana, ovarium alterum integumentum, et ovulum esset ovuli nucleus. Cum autem inflorescentia masculina, imprimis in *Zamiis*, adeo feminae analoga, simili etiam ratione, ex organogeneseos legibus, explicanda esset, cel. auctor partes, quae a RICHARDIO antherae habebantur, nudum pollini declarare coactus est (l. c. ed. *Londin.* p. 557. germ. p. 113 seqq.). Quae autem ejusmodi hypothesis vehementer oppugnant, plura sunt, v. c. fabrica partium, omnino illæ antherarum et nequaquam illæ pollinis aequiparanda, genesis in superficie, præ omnibus vero, quae mea observatione extra omnem dubitationem posita est, veri pollinis in earum cavitate contenti praesentia.

Omnis fere Botanici BROWNI sententiam acceperunt (1), paucis exceptis, ex. c. cel. BARTLINE, qui dubia quaedam movet in *Ordin. natur. plant.* p. 32—93. — Cel. autem LINDLEY (*Introduct. natur. System. of Botany* ed. 2. p. 312) et ENDLICHER (*Gener. plant.* p. 70—71.) BROWNI theoriam omnino suam fecerunt, antheras RICHARDII grana pollinica, et squamas strobilorum antheriferas folia pollinifera vocantes. Cl. ENDLICHER autem ovula nuda vel carpidio circa circum protuberante quasi cupulae immersa, apice attenuato pervia dicit.

Quodsi autem ovuli ejusmodi Cycadearum fabricam compares cum ovulis aliarum plantarum, difficultates plures exoriuntur. Sic jam L. C. RICHARD (*De Conif. et Cycad.* p. 206.) monuit, sententiae Brunonianæ id obstarere, quod ovuli exostomium tunc esset productum atque elongatum, endostomium non esse in membrana interna, et nucleum membranae internæ apice adhaerere (2).

Cel. HOOKER satis accurate organa generationis *Cycadis* descriptis, et in iis exponendis RICHARDIUM sequutus est (*Botan. Magaz.* Tab. 2827).

(1) In *Prod. fl. Nor. Holl.* p. 347. edit. germ. p. 202—203. in exponendo charactere ordinis RICHARDI potius hypothesis sequitur.

(2) Omnino legenda eximia dissertatio, qua sententia RICHARDI defenditur contra Brownii hypothesis, ad calcem *Comment. de Conifer. et Cycad.* p. 203 seq.

Magni momenti sunt, quae de ovulis Cycadearum et Coniferarum polyembryoneis nuper scripsit cel. R. BROWN (*Report of the 4. meeting of the British associat.* p. 536). Ovula enim caute perquirens, in singulis plurimarum embryonum vestigia vidit, quorum aliquando plures bene efformantur. Cl. MIREB in *Cycadis* ovulo idem viderat (*Elém. Tom. 1. fig. 10.*) atque L. C. RICHARD descripserat (l. c. p. 181). In omnibus autem Cycadeis normaliter ovula esse polyembryonea cel. R. BROWN probare conatus est (*On Kingia* p. 25).

Ne autem in tanta virorum acutissimorum dissensione, incante judicium feram, varia ratione haec organa esse consideranda et exploranda putavi.

Quodsi evolutionis horum organorum viam persequutus eris, nullum dubium erit, conos illos vel strobilos nil esse nisi simplices elongationes areos candicis, imprimis in *Cycadis*, *Macrozamiae* et *Encephalartis* generibus, subinde fortasse axes laterales, ut in *Zamiis*. Occupant in illis omnino frondium locum, et gemma haec fructiproma aequa ac gemma frondosa, squamis dense tomentosis tecta est. Unica plerumque gemma frondosa in caudicis apice, unica etiam fructifera; haec per vices illam excipit, suum locum occupat. Frondium enim evolutio non perficitur, quando gemma fructiproma seu conus protruditur. — Sic morphologice spadices conos tum mares tum feminineos componentes in *Cycadeis*, squamae pedicellatae ovariferae et antheriferae *Encephalartorum* et *Zamiarum* (quae sunt contracti abbreviatique spadices *Cycadis*) sunt frondes, quoad formam et functionem mutatae, generationi scilicet dicatae. Compara spadicem feminineum *Cycadis* cum ejus fronde foliolifera, et perfectissimam videbis similitudinem, analogiam, identitatem. Porro spadices feminineas cum masculinis comparans, eadem organa esse videbis, hos modo abbreviatos et a forma originaria jam magis distantes. Eadem res est, si *Encephalartorum*, *Macrozamiarum* et *Zamiarum* inflorescentias seu conos species; spadices solummodo abbreviati, minus explicati, tanquam squamae aut phylla peltata horizontaliter dispositi supra axem communem, duo fructus gerentes; forma complanata foliacea mutata est in formam basi contractam apice expansam. Evidentior in spadicibus masculinis similitudo est, imprimis si *Cyeades* cum *Encephalartis* comparas.

Quodsi jam spadices *Cycadis* ovariferos et spadices antheriferos reliquorum Cycadearum generum, qui in eodem metamorphoseos gradu positi sunt, comparaveris, et si porro frondes Cycadearum cum foliis reliquarum plantarum composueris et easdem organogeneseos leges, quibus hodie carpellorum ortum explicit botanici, etiam hac in re vigentes statueris, sequitur, spadices Cycadearum esse pericarpia plana aperia, marginibus ovula nuda gerentia. Similiter ex analogia quam certissime patet, spadices masculos esse antheras apertas magnas, pollinis grana nuda aperta in superficie gerentes.

Sic igitur leges organogeneticae sententiae Brunonianae facient, quod si species feminineos spadices. Observatio autem directa eorum quae in fabrica spadicum masculinorum observanda sunt, illae obstant, quia analogia inter organa feminine et masculina deest; obstat, licet non admodum vehementer, structura ovulorum illorum, quae nec cum ea pericarpiorum uniovulatorum nec cum ea ovulorum vegetabilium in universum ab omni parte potest comparari.

Cum autem quam evidentissime spadices femininei *Cycadis* eadem organa sint ac frondes, ita ut ovaria cum foliis mutatis aut foveae e quibus erumpunt, cum axillis foliolorum et ovaria cum gemmulis ibi latentibus comparari possent (vides enim in apice frondoso spadicis aliquatenus redditum ad frondis evolutionem), jure rursus concludendum videtur, frondes Cycadearum cum foliis reliquarum plantarum non posse comparari, et potius organis axilibus adscribendas esse, ramis quasi fissis, post annum vel biennium renovatis, cum foliis Coniferarum (conf. p. 8). — Antherarum in Cycadeis ortus et dispositio sententiam confirmat; in tota superficie spadicis evolvuntur nec in parenchymate ipso folii antheriferi.

Vix ego dubito, quin natura in Cycadeis (et Coniferis) tum universae structurac tum propagationis organorum alias propriasque sequatur rationes ac in reliquis vegetabilibus. Quod sane non unicum exemplum. Jam novimus generationem in plantis cellularibus, dualismi equidem legibus plerumque subjectam, sed simplicem, in multis diversam. Filices porro reputes, Equisetaceas, Lycopodiaceas. Quis generationem per fecundationem negaret, sed quis non agnosceret etiam, hic rem perfici ratione cuique harum classium peculiari. Coniferas habemus tamquam plantarum classis exemplum tum a Monocotyledonis tam phanerogamis quam cryptogamicis, tum ab omnibus reliquis Dicotyledoneis quoad totam

iudicem valde diversae, cum Equisetaceis non nisi habitu comparandae, omnino sui generis. — Simile exemplum sectionis parvae peculiaris, ab omnibus reliquis longe distantis, habemus in Cycadis.

Partium autem generationis indeoles, ut mihi videtur, melius intelligenda est, si cum spadicis fructum gerentis anatomica structura comparatur. Quodsi *spadicem Cycadis* longitudinaliter dissecutum videris, vix dubium erit quin ovarium sit nūl nisi mutatum foliolum, idem itaque quod dentes cristaevae spadicis supra ovaria locata (1). — Hoc situs jam indicat, sed demonstratur telarum identitate et pilis in ovario iisdem ac in toto spadice; cutis externa ejusdem compagis ac illa spadicis, immo nūl est nisi ejus continuatio; porro stratum cellulare sub cute vel epidermide jacens omnino idem, ejusdem flavi coloris, eodem modo gummosae materiae acervulos includens; nec differt stratum ligneum vel putamen quod est *expansio fibrarum* e spadice lateraliter progredientium, excavatus quasi folioli nervus. Hic prope apicem tanquam in acumen finitur, positus infra tubulum ovarii externum qui est apex folioli, hec cavus tubulosus factus. Nunc ovulum sequitur quod mihi fingo tanquam germen in nervi mediani cavo celluloso excrescens. — *Ovulum Cycadis revolutae* examinavi. Spadicem ovarii juvenilibus sed variae magnitudinis onustum, aquae imposui; qua absorbita tumet, elasticus evadit. Longitudinaliter disseceni ita ut simul ovaria secundum longitudinem dissecarem. Per spadicem e tela cellulosa fusca floccosa conflatum duo pluresve maiores decurrent vasorum fasciculi et plures ductus gummiferi, e quibus dissecatis gummi tumescens ut gummi Tragacantha propellitur, subdiaphanum. Nullum amyolum in spadice invenio. — Vasorum fasciculi constant e vasis plurimis longitudinaliter coalitis absque aliis fibris texture celluloso. Vasa sunt perquam tenuia, cylindrica, transverse striata, et plerumque in fibras evolvi possunt (Tab. I. fig. q, r, s.). *Ovarium affixum* tuberculo excavato spadicis extus iisdem pilis vestitum, his jam partibus constat (Tab. I. fig. q.):

1. *Stratum cellulare* (fig. r, a.) e cellulis densis exiguis firmis materia flava colorante impletis compositum et ductibus gummiferis cavitatibusve instructum; interior strati pars magis albicans imprimis versus ovarii basin usque in spadicis compagem amylo copioso adimpleta, adeo ut iodio tota violacea evadat. Stratum hoc extimum in apice ovarii tubulum format cylindricum nitentem fuscum ore aperto suberenulato. — Cellulae hujus strati crassos parietes habent.

2. immediate sequitur (fig. r, b.) *stratum durum albicans lignicum* sed adhuc flexible, tenue, formatum e fibris vascularibus vere spiralibus e spadice progressis, ad basin ovarii coēuntibus, multiplicatis. Hoc putamen format cavum ovale. In juvenili tantum parcae fibrae inveniuntur, in adulto copiosae, sed, ni graviter fallor, omnes vere spirales; nullus textus cellulosus.

3. putamen intus investitur *textu celluloso floccoso fuso*, imprimis versus basin copioso et majorem cavi partem implente, colore etiam a reliquis textibus perquam distincto. Parietes ejus cellularum sunt tenuissimi, transparentes, papyracei. (fig. r, c. et fig. s.)

Has omnes partes *pericarpium* voco, et textum hunc floccosum tanquam *placentam* vel *funiculi partem cellularem expansam* haberem; etenim ad basin cavitatis copiosissimus, versus apicem sensim diminuitur et ibi tenuissimum efficit indumentum cavitatis.

Huic incumbit et eo pro parte circumdata est *ovulum* (fig. r, d. et fig. s.), quod ovatum est, apice acuminatum, basi cum textu floccoso placentari confluens. *Apex* liber coloris est fusci, nitens et tanquam tubulus extenditur usque ad apicem cavi pericarpici infra tubulum mox descriptum. Cavum hoc vacuum crescenti ovulo continuo diminuitur et in ovarii magis adultis vix reperitur. *Exostomium* evidenter apertum. *Membrana ovuli externa* (fig. s, a.) dissecata (testa) est fusca e textu crasso compactiore formata. Ejus cavum replet (excepta fere $\frac{1}{2}$ vel $\frac{1}{4}$ parte superiore) *textus cellulosis albicans* intus cavum relinquens laevis superficie membranosa (secunda membrana) (fig. citata o.), cui adhaeret ad latus versus superiora *textus compactus sphaericus* (fig. citat. p.) amyli grana jam primis, quae vidi, evolutionis stadiis continens, itaque recie pro *nucleo* habendus. *Endostomium* distinctum invenire non potui.

(1) Satis jam mihi probatum videtur originem placentae non semper e marginibus foliorum carpicorum quaerendam esse, sed persaepe hoc organon ad axiam ordinem referendum esse, uti col. viri KURTZ, AGARDI, ENDLICHES, A. RICHARD demonstare conati sunt. Cycadearium autem carpogenesis non directe cum ea aliarum plantarum vascularium comparanda est, quia frondes, e quibus fractus evoluantur, ut jam monui, vera folia haberet nequeant.

Singulares sunt evolutionis, quas in ovarii non fecundatis persequutus sum metamorphoses. Nucleus scil. increvens in albumen globosum vel fere semiglobosum apice impressum durum aut aliquando plures cavitates intus fovens, extendit ovi membranas; testa cum textu floccoso placentari confluit, et sursum adeo extenditur ut tangit internum parietem ovarii superiorem non autem cum eo coalescit; forma acuminata evanescit; membrana interna tanquam tenuis papyracea ac alba pellicula investit testam.

Mutationes partium peracta fecundatione. — Ipsius fecundationis actum observare nondum potui. Veri autem simile est, grana pollinica per tubum ovarii penetrare, et fortasse etiam per exostomium ovi apertum, quod immediate infra illum tubulum positum est. Cum ad endostomium pervenerit pollen, tubulum evolvi ac in nucleus penetrare non improbabilis conjectura videtur. Penetrant autem in nucleus plures tubuli pollinici, nam plures embryones in cavitatibus singulis nuclei efformantur. Unus illorum embryonum evolvitur, albuminis fere longitudinem adaequans, in hoc axilis, radicula paullisper ad ejus apicem extuberante. *Haec filo suspensorio* (conf. p. 15.) connectitur cum membrana apicem albuminis obtengenti, quae est pars libera endopleurae, cuius major pars in fundo pericarpii simul cum testa cum corpore placentari et endocarpio coailuit. Adeo *nux vel putamen* intus obducitur testa pro maiore parte cum ea ope intermedii textus placentaris concreta, tanquam laevi siccaque membrana quae vasis e basi divergentibus ramificatis (raphe) instructa est. In Zamiis textus intermedius placentaris (excepto nucis apice) fere totus evanescit, et perspicue tum observatur, testae basin ope *fibrarum vascularium* conjungi cum basi nucis, quae ibi fovea intus impressa est. *Hilus* itaque hic basin pericarpii spectat, et raphe explicata undique semen ambiens in apice *chalazam* constituit. — *Nux lignea* crassa aut tenuior, homogenea vel e duobus pluribusve (Tab. I. fig. v. et u*) segmentis coalitis formata, apice poris pertusa. — Includitur nux *carne* crassiore colorato epidermide tenaci vestita. Fructus maturi rubentes vel aurantiaci-rubri.

Haec omnia egregie confirmata reperi observationibus iteratis vicibus a me institutis, nec minus eximis iconibus organorum genitalium *Cycadis mediae* a cel. FERD. BAUER pictis. Has accurate explicare non praetermittam (conf. Tabulam nostram I. et ejus explicationem). Eximie haec icones situm seminis in pericarpio, decursum vasorum umbilicalium illustrant (fig. b, c, d, e, f, g.). Apex semiuis liber, cum endocarpio ope textus placentaris non coalitus cernitur in fig. c, d, et f. In hoc apice itaque solo vera testa libera, coalitione vicinarum partium non mutata, restat; haec in fig. g. rescissa est, appareat nunc *area porosa* ad quam tendit unum majus vas funiculi umbilicalis ejus plures fibrae ad apicem vix pertingunt. *Albumen* juvenile fig. h. exhibet, et cavum quod continet embryoblastanon, cum duabus adjacentibus cavitatibus sterilibus; fig. k et j. hacc ulterius eximie illustrant, embryoblastini ortum et situum pingentes, et membranam propriam steriles cavitates investientem. Ex his facile intelligitur, semen continuo crescere et magis cum endocarpio ope placentae magnae explanatae coalescere; apicem autem semper liberum manere. Embryo continuo auctus, sensim profundius in albumen penetrat (fig. l.). Pericarpii tubulus clauditur, subtus putamine increcente.

Ovarium dissecui e spadice *Cycadis circinalis* var. *javanae* (conf. infra), dimidium circiter centimetrum longum (Tab. I. fig. t, u.). Profunde foveae infixum est et in basi quo affigitur plures fibrarum *vascularium* fasciculi cernuntur. Pericarpium glaberrimum laeve fusco-violaceum est. Pars carna satis crassa ductibus pluribus gummiferis instructa. Stratum lignosum tenue aperte e confluentibus vasis e spadice progressis constructum. Hoc excipit satis crassum stratum floccoso-cellulare fuscum (placentare) cui incumbit *ovulum*. Hoc exostomium offert satis productum et tubuli ad instar adscendens usque ad dimidiad altitudinem tubuli pericarpici, sed non cum hoc connexum. Secundum longitudinem dissecui: invenitur endopleura *alba cellulosa crassa*, humectatione tumefacta, sed absque ullo amylo. Inter hanc et externam membranam disperguntur vasa umbilicalia. Facile a testa solvitur endopleura, penetrans in exostomii tubulum, ubi reperi endostomium. Est autem testae apex, qui cum pericarpio non coailuit, valde crassus, ut e sectione longitudinali patet. — Endopleurae cavum est omnino vacuum, nec nucleus nec embryonem reperi. Anne itaque sterile ovulum?

Fructum Differentiae.

Fructus *Cycadis* specierum a variis anctoribus descripti, non multum a se invicem differunt, nec ab illis recedunt quos in Hortis europaeis vidi, nisi defectu embryonis et earum proprietatum quae ex embryonis evolutione in illis observandae veniunt. Cel. AUBERT DU PETIT THOUARS primus eos bene descripsit, ut disquisitionibus FERD. BAUER ac ROBERTI BROWN dein confirmatum est. Drupam vocat, enjus testa dura carne tenui circumdatur, in cavitate nucleus inest, $\frac{2}{3}$ partes adimplens, basi truncatus; inferius spatium substantia fungosa (*placenta nob.*) replet, quae etiam ejus apicem tanquam tenuius integumentum circumdat; alterum integumentum ex hoc oritur, quod internum tubuli parietem investit; versus basin delitescit ita ut haec nuda maneat; tertium integumentum adest, valde tenue, quod solummodo in juvenili fructu distinguendum (*spermodesmis*); nucleus (*albumen*) albus, carnosus est, apice impressus, ubi plurimum quinque vel sex pori adsunt, materie viscida pleni absque embryonis vestigio; in aliis seminibus embryo facillime adparet, totam perispermii longitudinem penetrans; extremitas ejus superior acuta est, inferior in duos inaequales et obtusos lobos excurrevit, qui vero in germinante semine non reperiuntur (verisimiliter coaluerunt). Apex in *filiformem appendicem* excurrevit, qui in styli tubum penetrasse videtur (?); infra apicem rima est longitudinalis, in qua squamulae (*gemmula*) observantur. Haec rima, ut germinatio probat, separat bases duarum cotyledonum coalitarum, et radicula et plumula apicem occupant.

ROB. BROWN se has THOUARSI observationes confirmasse testatur (*Prod. fl. Nov. Holl.*). Negari autem nequit, acutissimum illum observatorem errasse in explicando filamento suspensorio. Icones THOUARSI hac in re etiam aliquatenus a veritate aberrant.

Cl. HOOKER (*Botan. Magaz.*) fructum maturum *Cycadis circinalis* descripsit, nucis Iuglandis circiter magnitudinis, ovato-sphaericum, glabrum, rubro-aurantiacum, apice perforatum; pulpa externa $\frac{1}{2}$ lineam crassa, quam sequitur corneum vel subosseum tenue putamen, in cuius cavitate, sed libera nec adhaerens pulchra membrana brunnea, venis longitudinalibus instructa; circumdat albumen apice cum ea cohaerens coloris albo-lutescentis, apice impressum; embryo in parte albuminis superiore jacet, cohaerens ope filamenti longi albi membranacei cum interno pariete. Cotyledones duae cylindricae sunt, una altera paullo longiore. — Haec jam a veritate non multum recedunt, nec autem multum conserunt ad rem illustrandam.

Encephalartorum fructus (v. c. *Encephalarti Friderici Guilielmi*, *E. cycadifolii*, *E. horridi*, *E. caffri*) sunt glabri, rubicundi, parciore pulpâ, ovato-angulosi, ampla et circulari cicatrice instructi; *nucem* includunt ligneam, duram, ovato-obliquam, subcompressam, angulosam, basi mucronulatam, et *segmentis* 12 fere inaequalibus connexis compositam, apice pluribus (plus quam 12) *poris* majoribus centralibus et minoribus periphericis perforatam, qui ad *canales resiniferos* ducunt, seminis cavitatem non perforantes. Nucis *E. cycadifolii* e Promontorio B. S. advectas $2\frac{1}{2}$ centimetris longiores, obliquins ovatas, putamine ligneo duro, e 12 segmentis conflato, quod *totum* e fibris spiralibus coalitis formatur. Aperta nux haec obseruit: ad basin tenuis est, intus ibi fossam formans, unde progreditur membrana vasibus crebris reticulatis instructa, laevis, quae testa est seminis, quae nunc undique cum textu spongioso placentari tenui ac compresso coaluit, ad ipsum putaminis apicem usque. Ibi verrucae observantur e materie resinosa testam inter et putamen e canalibus istis protrusa. — *Testa* ipsa accuratius examinata in duas membranas solvi potest, quarum extima vasis instructa est. *Nucleus* albuminis (Tab. I. fig. y, z.) sequitur liber in cavo contentus, durus, corneus, basi truncatus, *radiculam* embryonis sursum mammillae ad instar exserens; apex investitur membrana tenui, qua sublata nuda radicula adparet, cum interna ejus membranae parte connexa ope *fili* spiraliter contorti. *Extus albumen* griseum est, intus albicans, sordide fusculum. *Embryo* fere ad basin usque extensus, clavatus, parte inferiore versus basin sita; totus stria canaliculove notatus e cotyledonibus coalitis; albicans est ac mollis. Prope cavum embryoniferum tria cava minora in albumine adsunt, instructa rudimentis embryonum abortivorum. *Embryo* circiter 2 centimeta longus.

Zamiarum fructus vix nisi minore magnitudine a reliquis differunt. Drupam *Zamiae pumilae* nomine ex insula Cuba missam examini subjiciens, video obovatam, extus laevissima cute splendenti tectam,

sub qua pulpa ochracei fere coloris valde tingens. Haec *putamen* includit laeve, tenuem, griseo-fuscum, oblique ovatum, subangulatum (fere trigonum) parte superiore paullo producta et sub lente tres fossulas vel foramina monstrante inaequalis magnitudinis. Pars inferior mucronulata brevi-pungens. Intus membrana arida splendente subdiaphana obducitur (testa). Cavum non totum *albumen* ellipticum implet, in cuius parte superiore *embryo* invenitur, qui ope filii spiraliter contorci cum membrana illa arida connectitur. *Embryo* cylindricus, apice paullo tumidulus, inferne ubi cum filo cohaeret, umbonatus, ad $\frac{1}{3}$ altitudinem circulari constrictione imbutus. Corpus cotyledonare cylindricum obtusum, rectum, basi fissum, inque fissura fovens *plumulam* fuscam, compressam, valde perspicuam, squamosam. Filum suspensorium finitur in corpus gelatinoso-spongiosum humiditate transparens.

(Tab. I. fig. v—x.)

Observatio. *Filamenti*, radiculam embryonis cum endopleura connectentis ortum cel. RICHARD (*Mémoire p. 194.*) sic explicat: »Sacculus membranaceus, foramen albuminis intrans, post adductam materiem perficiendo embryoni necessariam, flaccescit, gracilescit in formam filamenti; quod sensim a granadcente embryone versus ostium foraminis propulsum, tortuose contrahi cogitur.” — »Materies subfungosa et humectatione emollienda, obturans foramen endospermii et mediante filamentulo embryonem adnectens, mihi videtur analoga materie summi endospermii Coniferarum, quae a caetero dissimilis adnectit embryonis radiculam.“

Postquam diligentissimis Botanicorum disquisitionibus meliorem notitiam ovuli vegetabilis et eorum quae post fecundationem sequuntur, mutationum accepimus, filamenti hujus natura majori cum veri specie explicari potest. Profecto cel. auctor rem non false explicuit; videtur autem filamentum illud (quod in pluribus aliis seminibus invenerunt Phytotomi) exsiccata series cellularum quae post immisum tubum pollinicum, in sacco embryonifero efformantur et quarum infima cellula embryonem sistere videtur; est itaque hoc filum nequaquam tubus pollinus anctus, sed isto stimulante productum.

Opusculi nostri ratio fusiorem de hoc organo disputationem excludit. (Conf. MEYER *Neues System.* Tom. III. p. 308 et seqq.). Vocarem *embryoblastanon*. Cel. MIRBEL primus organi indolem intellexisse videtur (*Annal. des sc. natur.* 1829. p. 310), et conferri merentur quae cl. TREVIRANTS (*Physiol. d. Gew.* Tom. II. Tab. II. fig. 19—25.) hac de re doenit.

Adnotatio. Praeter alias differentias, v. c. ex embryonis forma derivandas, putamina *Cycadis* bivalvia, *Enecephalarti* e plurimis segmentis conflata, *Zamiarum* homogenea (fortasse etiam *Macrosamiae*) eximios characteres obserunt. sed adhuc iterato partium examine confirmandos.

Organa Masculina. (Tab. II. fig. a—c, f, g, b*, f*, g*, et Tab. V).

In universum organorum masculinorum non tantae differentiae observantur, quam quae inter feminea pro variis Cycadearum generibus intercedunt.

Spadices mares Cycadearum in conos minores, angustiores plerumque magis elongatos, dispositi sunt. Sunt colorati, spathulati vel peltati, facie inferiore tota vel pro parte saltem antheris tecta.

Hi spadices omnino eadem organa sunt ac spadices feminei, sed magis contracta. Semper in singula spira plures spadices mares quam in conis femineis inveniuntur.

Antherae ex earum superficie pullulant tanquam verruculae subglobosae, substantia spadicis ipsa in antheram extumescente, adeo ut epidermis spadicis saccum formare videatur.

Antherae sunt sessiles, globosae vel obovoideae, semper ad basin inaequales, solitariae, binatim, ternatim vel quaternatim ad basin conjunctae, pallide flavidae, e textu fibroso (cellulis fibrosis) satis crasso formatae; maturae in apice aperiuntur fissura ad unum latus profundius (fere ad basin usque) descendente, ad alterum latus minus profunde.

Cel. RICHARD monet (*Mémoire p. 178.*) *Zamiae* antheras fissura unicā laterali aperiri, *Cycadis* vero in duas valvas dissolvi; hanc autem differentiam constantem non vidi. Revera in *Zamiis* plerumque non adeo profunde fissuræ penetrant. Si antherac plures conjunctae sunt, fissura major introrsum ob-

tinet. Dehiscentia non subito obtinet sed lente incipit et progreditur. Apertae antherae, si aquae exponuntur, iterum clauduntur. — Margines dehiscentiae sunt paullo transparentes, nitentes, quare LINNAEUS in errorem ductus, ibi annulum elasticum Filicum reperire sibi videbatur (Tab. II. fig. b*, c.).

Pollen cavitatem totam antherarum implet; examinavi pollens *Cycadis Wallichii* et *Zamiae Kickxii*, *pumilae* aliarumque et omnino ejusdem conformatioonis vidi. Pallide flavum fere albicans est. In cavo antherae apertae globum format parietes non tangens sed basi adhaerens vel potius innixum; globus leviter concussus in massas subglobosas vel ovatas satis regulares, superficie granulosae, solvitur. Has si concutias vel aquae imponas, solvuntur, ab uno latere incipientes, in granula pollinica transparentia, sicca, elliptica, humectata elliptica vel subglobosa, ut plurimum longitudinali stria notata, raro duabus vel una circulari; per exigua sunt haec grana, fere $\frac{1}{12}$ lineae. E paucis saltem ex uno apice tubulum pollinicum protrusum vidi, ejusdem fere diametri. Iodio tractata nulla amyli indicia dederunt. — *Encephalarti horridi* pollen siccum utrinque magis acutum est, sed alioquin non differt. (Tab. II. fig. f—g.)

Germinatio. (Conf. Tab. II. fig. i).

Cel. DU PETIT THOUARS primus in insula *Madagascar* *Cycadis* germinationem observavit, descripsit et iconem illustravit (conf. Eius *Histoire des Végétaux recueillis sur les îles de France* etc. Paris 1804. p. 1 seq.). Cel. RICHARD ulterius rem examinavit (Comment. citat. p. 181). — Putamen satis fragile est. Embryo humiditate tumefactus, e putamine, parte superiore in duas valvas fissa, prorumpit, radicula e cavitate albuminis paullo egreditur et secum foras dicit partem corporis cotyledonaris, cuius basis nunc hiat, scil. bases cotyledonum apice coalitarum semicylindricarum a se invicem recedunt, adeoque in conspectum venit squama carnosa ferrugineo-tomentosa, et porro plures similes, quae ita *plumulam* constituant; e basi harum squamarum radix egreditur perpendicularis in terram penetrans aliaeque minoris radices; post quintam sextamque squamam frons sequitur pedem circiter longa, pinnarum jugis 5—6 et ad basin quibusdam spinulis munita. Totum semen nunc embryoni germinanti adhuc ita affixum est, ut, si disruptum semen conspiceris, embryonis apicem ex apicibus cotyledonum coalitarum formatum, infixum videoas in cavo albuminis.

Eximie, observata germinatione, indeoles partium embryonis explicatur. Nullum etiam dubium ex albumine nutrimentum in germinantem embryonem transire. — Semina *Cycadis* tarde germinare RUMPHIUS testatur, multo tamen citius in naturali solo ac in hortis.

Encephalarti spinulosi germinationem ipse observavi in Horto Roterodamensi, nec diversam reperi ab illa *Cycadis*. Unica differentia est quod putamen in hoc genere e segmentis compositum, post peractam germinationem citius rumpatur. Plures menses in terra latuerunt semina antequam germinatio inciperet. — Squamae illae, quibus plumula constat, omnino ejusdem indolis et naturae esse videntur ac illae quae in caudicibus postea inveniuntur et integumenta sistunt gemmae terminalis. Pro frondibus abortivis non haberem.

Zamias et *Macrozamias* simili modo germinare similis seminum structura suadet.

DE CYCADEARUM AFFINITATIBUS.

RUMPHIUS Filicibus affinem vocat Cycadem. «Arbor haec neutequam affinis est generi Palmae indicae, sed potius species videtur arborescentis filicis.” — »Junioris rami germen, pedem circiter longum, superiori parte convolutum refert vermem, qui certus est character omnium Filicium.” — LINNAEUS, constantis alioquin judicii, sententias prorsus diversas ac contrarias de Cycadearum in systemate loco emisit.

In Gener. plant. edit. VI. a. 1764. p. 572. Cycadem inter Palmas enumerat, sed absque charactere, et addit: »de hujus charactere nihil etiamnum ab auctoribus traditum reperi.“ Zamiam ad eandem planitarum classem refert, characterem ex observationibus TREWH adjiciens: plantam vocat dioicam. — Postquam deinceps generationis organa observasset, has plantas Filicibus annumeravit, et sequentem characterem concianavit: *Mas.* Amentum strobiliforme, squamis spathulatis, coloratis; corolla deest; pollen inspersum paginae superiori squamarum amenti, sessile, dissiliens ad longitudinem. *Femina* in alia stirpe, spadix simplicissimus, anceps, acuminatus, corolla nulla, germina solitaria, spadicis angulis ultra medium immersa; stylus cylindricus; stigma simplex; drupa ovalis, nux lignea (*Mantiss. plantarum altera, generum editionis VI, et specier. II. Holmiae 1771. p. 166.*) Intellexit fortasse, hanc sententiam valde oppugnaturum iri et ideo verisimiliter addit: »Filia est, nec Palma. Pollen nudum absque anthera; adeoque pulvis in aversa frondium Filicum pagina est pollen nudum. Anne sorilla (pulvis inter pollen Filicum, inter quas Equisetum) viva seu motu vitali gaudens e polline foecundandis germinibus prodeat, quod pulvis, ex Marchantia exiens et se movens videtur indicare? Aperit hoc pollen januam Cryptogamiae. Adeoque Cryptogamia haec gaudet polline absque anthera“ l. c. Similem sententiam defendit in *Mémoires de l' Acad. d. scienc. de Paris 1775. p. 518.* »Pulvis floridus in Cycade minime pro antheris agnoscedus est, sed pro nudo polline, quod unusquisque, qui unquam pollen antherarum in plantis examinavit, fatebitur.“ — Videtur LINNAEUS inspectis tabulis Horti Malabarici, in quibus vernatio circinnata Cycadis frondium delineata est, primum adfinitatem Cycadeas inter et Filices defendisse.

N. J. JACQUIN probare conatus est, Cycadeas nequaquam Filicibus annumerandas esse, cum flores marces in specimine Cycadis Horti Schoenbrunnensis observasset. Fructum etiam satis bene describit. Nec tamen quid de loco, quem hae plantae inter reliqua vegetabilia occupare debeant, sentiat, explicat. (*Act. Helv. Phys.-med. Vol. VIII. Basil. 1777. p. 58 seq. (1).*)

CL. GISEKE LINNAEI sententiam laudat et omnibus bene perpensis concludit: »In systemate autem, quod non fructui, sed sexui et staminibus inadäquatum est, non aliud potest habere locum quam inter Filices, cognita antherarum structura“ — — »mallem tamen, non ex systemate solum artificiali, sed ex omnibus reliquis characteribus, asserere Filicem existere drupam ferentem, quam Palmam sine flore perfecto completo.“ — *Nexum* vidit in Polypodio bulbifero (*Ordin. Natur. LINNAEI p. 601.*)

Auctores, qui post LINNAEI fatum Systematis Vegetabilium editiones curaverunt, parum hanc rem illustraverunt. VITMAN Cycadem et Zamiam inter Filices enumerat, post Equisetum (*Summa plantar. Tom. VI. Mediol. 1792.*). SCHERER inter Palmas (*Gener. pl. Tom. II. p. 778.*). Auctores qui Classem Linnaeanam Dioeciae suppresserunt, ad Polyandriam Monogyniam has plantas retulerunt. N. J. DE NECKER (*Element. botan. Tom. III. p. 306.*) inquit: »Zamia et Cycas, quas filicibus anumeravit Cel. Eques LINNAEUS, palmis associanda secundum sistema omologicum: hinc Pocilmophyta [Palmae L.] et Sphaeroophyta [Filices] inter se maxime connectuntur.“ Sic auctor sententias auctorum praecedentium contrarias conjunxit. — Cel. SMITH eandem sententiam amplius est.

Tali modo alii ex habitu Palmis, alii ob circinnatam frondium vernationem Filicibus Cycadeas annumeraverunt. Cum autem partium floralium cognitio eo usque plane deesset, ex his judicium ferre nemo poterat. VENTENATIUS autem propriam familiam Cycadis et Zamiæ genera componere monuit. (Conf. JUSSIEU *Gener. pl. ed. USTEKI p. 451.*)

C. L. RICHARD, quæc has plantas inter et Coniferas intercedentes differentiae non fugiebat, propriam familiam constituit Cycadæ dictam (PERSOON *Synops. Tom. II. p. 630*), inter Palmas et Filices intermedium (*Comment. citat. p. 174 seq.*). »Ordo habitu structuraque stipitis interna ad Palmas referendus; sed embryo vere dicotyledoneus; et fabrica florum, fructuum seminumque Coniferis

(1) »In Horto Caesareo Schoenbrunnensi duas istiusmodi Palmae sunt, quæ jam a pluribus retro annis sappiæ florire, et fructus dedere numerosos maturos, sed non foecundos, quoniam nullus germinaverit status; scil. utraque foemina est, et mas desideratur. Fide Martulani 80 aetatis annum jam transgerunt, ante 24 annos, quod scio grandes jam ex Hollandia Vietnam translatae. Oporac pretium existimo, characterem in figuris expondere, feminine ex vivo planta desuntum, marces ex squamis aliquot, quas literis inclusas, dum integrum strobilum non poterat, mihi miserat JL. LINNAEUS.“ — Plantæ viennenses pertinent ad *Cycadæ rotolutæ*; spadix rusc a LINNAEUS misus, virisimiliter ad *C. circinalis* vel affines.

consimilis. Ab his differt: habitu Palmaceo, foliis pinnatis, junioribus spiraliter involutis; embryonis cotyledonibus inter se connatis; radicula funiculo spirali terminata" l. c. p. 196.

Quae immortales viri VENTENAT, JUSSIEU et RICHARD jam intellecta habuerunt, ROBERTI BROWN ingenium ac solertia confirmavit, anatomicis disquisitionibus analogiam ac similitudinem inter organa floralia Cycadearum et Coniferarum optime illustrantibus. Illas ob embryonem pseudo-dicotyledoneum et caudicum habitum tanquam ultimum Monocotyledonearum membrum consideravit, quo hae cum Dicotyledoneis connexae sint (1). Ccl. DU PETIT THOERS embryonis structuram jam antea perquisiverat (R. BROWN *Bot. App. to the Narrat. of a survey of the coast of Australia* p. 554).

Cl. BARTLING Coniferarum Classem in quatuor familias dividens, Cycadeas, Abietineas, Cypressineas et Taxineas, arctam inter has necessitudinem sibi agnovisse videtur (*Ord. Natur.* p. 93).

Ex numero eorum, qui arctam cum Coniferis affinitatem negant, cl. HOOKER est. Habitum, caudicum fabricam ac frondium formam summam cum Palmis affinitatem declarare perhibet, et minoris momenti differentias in organis fructificationis repertas minime sufficere, ad arctum cum Coniferis connubium demonstrandum (*Botanical Magaz.*).

Cel. MARTIS Cycadeis et Coniferis classem majorem constituit, *Tymponochetae* dictam, ob cellulas porosas (*Conspect. Regni vegetabilis caet.*)

Cel. ENDLICHER organorum vegetationis rationes in disponendis plantis non negligens, viam monstrantibus cel. H. MOHL inventis phytotomicis, sectionem acrobrya vegetabilia amplectentem constituit, quorum caudices apice tantum increscant; tali modo Cycadeas Filicibus, Lycopodiaceis et Protogaeae Lepidodendreis proximas constituit, Zamiarum dictam classem formans, quae hujus sectionis maxime evolutum membrum est (*Gener. pl. p. 70*). — Profectio variae unius familiae affinitates cum proximis aut remotioribus ordinibus difficile conspicienda exhibentur: hae enim saepe sunt per quam multifariae. Auctiorem autem illa ordinandi ratione multum contulisse ad varias Cycadearum affinitates indicandas gratus fateor.

Cl. C. H. SCHULTZ nec inter Dicotyledoneas nec inter Monocotyledoneas has plantas collocandas esse perhibet, sed proprium ordinem constituit *Synorgano dichorangoidea* (l. c. p. 98).

Quosdi e vegetationis ratione judicium feramus de Cycadearum affinitate, illa *acrobrya* est, adeoque ab omnibus Dicotyledonibus ac Monocotyledoneis hic ordo removetur nec in vicinitate Coniferarum collocari potest. Accedunt hæc ratione ad *Filices*, *Equiseta*, *Lycopodiaceas* et *Lepidodendra*. At vero ab his longe recedunt organorum generationis magis composita fabrica et organorum elementarium structura, caudicis stratis ligneis radiis medullaribus a se invicem separatis, habitu. — Si reputas organorum elementarium, vasorum imprimis punctatorum vel striatorum indolem ac situm, cum nullo alio ordine aptius possunt comparari quam cum Coniferis et Lepidodendreis nunc extinctis; in nullo enim alio ordine tales cellulae tubulosae reperiuntur. Haec affinitas valde confirmatur singulari fabrica organorum generationis, omnino sui generis et solis Coniferis similis, ut facile intelligitur si disputationem nostram de organis genitalibus Cycadearum comparaveris. Antherae etiam vario modo bene cum antheris plurium Coniferarum comparari possunt. — Ab altera parte autem indumento caudicum, horum incremento, frondibus pinnatis caet. insignem differentiam obserunt. Externus Cycadearum habitus ob caudicis simplicitatem et frondes pinnatas coronantes cum RICHARDIO palmaceus vocandus est. Nec tamen alio modo cum Palmis conveniunt. Caudicis anatomia diversissima, exogena; folia circa caudicem non vaginantia amplectentia; uno ex alio quasi emergente, sed a se invicem bene separata, secundum lineas spirales circa caudicem disposita; quarvis frondescentia simul circulus vel spira foliorum protruditur, nec continuante vegetatione efformantur. Nulla similitudo inter Palmarum et Cycadearum organa generationis.

(1) »Habemus igitur in hoc ordine, saltem quoad structuram externam embryonis, transitum a Monocotyledonibus ad Dicotyledones: plumulae autem evolutio in eudem non tam Dicotyledonibus quam Monocotyledonibus accedit, in quibus omnibus, Gramineis Aroideisque exceptis, folioli primariae hujus organi semper abortiva et squamuiformia, vel mereae vaginae sunt, dum in D. enectis folia perfecta evadunt. Aliud forsan discrimen est inter plumulas diuarum Classium, utpote quarum foliola primaria in D. cum cotyledonibus alternant: in Gramineis et Aroideis contra, in quibus solis e M. classi plumulae foliola distinguimus, cotyledoni opponuntur. Cycadeas, quantum de re tam mirata judicare licet, hac ratione cum D. convenienti.» *Prod. R. Nat. Holl.*

His fere argumentis ductus, cel. RICHARD inter Filices et Coniferas posuit hunc ordinem, et imprimis magni fecit affinitatem cum Coniferis (1). Projecto unica haec familia est cum qua apte comparari possunt; organa generationis secundum eundem typum facta, organorum clementarium eadem fabrica magni sunt habenda momenti; et quae obstant differentiae non adeo graves omnes habendae sunt: nimirum foliorum compositio; si foliola Cycadearum comparas quoad structuram, epidermidem, indolem ut ita dicam, cum Coniferarum (v. c. *Agathis*, *Cunninghamiae*, *Podocarpi*, *Phyllocladi* caet.) foliis latioribus, quaedam similitudo adpareat; nascentia etiam Coniferarum non raro pilis deciduis vestita. — Manet autem differentia ex acrobrya vegetatione Cycadearum petenda et quae e compōsitis foliis derivari potest; his revera longo intervallo Cycadeae a Coniferis removentur, nec vacuum hoc spatium ordinibus plantarum nunc viventium implere valemus.

In systemati, quod plantas secundum organa sexualia disponit, difficile esset, graves characteres eruere, quibus utraque familia distingueretur et petendi essent e cotyledonibus connatis et radicula in filum spirale terminata.

Cycadeae sistunt ordinem solitarium, nullo alio proximum et vere propinquum, solis Coniferis e longinquo accidentem. Anne omnino improbanda eorum sententia qui Cycadeas tanquam inter hodiernas plantas peregrinas recenseant, tanquam vestigia vegetationis quae olim tellurem ornavit quaeque formis giganteis, evolutione organorum vegetationis luxuriosa et generationis partium simplici typo excellebat?

CLAVIS GENERUM CYCADEARUM VIVENTIUM AC EXSTINCTARUM, SECUNDUM ORGANA VEGETATIONIS.

A. foliola nervo unico fortii praedita.

- a. linearia vel lanceolata, acuta, basi contracta. *Cycas* LINN.
- b. " " basi non contracta, sed hac tota rhachi affixa. *Cycadites* BRONGN. (*Mantellia* Ejusd. ex parte.)

B. foliola absque nervo mediano, nervis tenuibus compluribus parallelis fere omnibus simplicibus.

- a. " basi contracta, calloso-articulata, apice inaequaliter serrulata, raro integerrima. *Zamia* LINN.—LEHM.
 - b. " basi auriculata aut cordata, apice acuminata, nervis divergentibus. *Zamites* BRONGN.
 - c. " basi tota affixa, apice truncata. *Pterophyllum* BRONGN.
 - d. " apice rotundata. *Nilssonia* BRONGN.
 - e. " apice subacuta, nervis validioribus cum tenuibus alternantibus. *Hisingera*.
 - f. " apice acuminata, integra vel lobata, basi contracta non articulata, vernatione imbricativa. *Encephalartos* LEHM. (*Mantellia* BRONGN. pro parte. *Palaeozamia* ENDL.)
 - g. " linearia, basi callosa, rhachis vernatione torta (?). *Macrozamia*.
 - h. " foliola incognita. Inflorescentia spadicibus unifloris. *Zamiostrobus* ENDL.
-

(1) « Cependant nous convenons que la famille des Cycadées forme une exception remarquable dans la série des ordres naturels. Elle y constitue une sorte de groupe isolé, un point central d'où partent en rayonnant les trois grands embranchemens du règne végétal. Elle montre plus qu'aucune autre que dans les plantes les rapports naturels sont souvent croisés et ont lieu entre des familles appartenant à des classes différentes. Si l'on veut s'astreindre à suivre rigoureusement les lois qu'imposent toutes nos classifications, les Cycadées forment par leur rapport avec les Palmiers, le passage naturel des dicotylédons aux monocotylédons et par leur affinité avec les Fougères, le lien qui unit ces deux groupes avec les cryptogames. » C. L. RICHARD.

CLAVIS GENERUM VIVENTIUM SECUNDUM ORGANA
GENERATIONIS.

- A. Spadices feminei pluriflori. *Cycas* LINN.
 B. " biflori.
 1. spadices masculi basi in pedicellos contracti, apice dilatato utrinque antherifero. *Zamia* LINN.—LEHM.
 2. " " spathulati, in tota superficie inferiore antheriferi. *Encephalartos* LEHM.
 3. " " spathulati, antherae in duos fasciculos vel areas collectae. *Macrozamia*.
-

DISTRIBUTIONIS GEOGRAPHICAE MUTATIO PER
PERIODOS GEOLOGICAS.

<i>Cycas</i> ,	nunc in tropicis et subtropicis Asiae et Novae Hollandiae.	in Protogaea terra Portland.
<i>Macrozamia</i> ,	in Nova Hollandia.	in Protogaea defuisse videtur.
<i>Encephalartos</i> ,	in promontorio Bonae Spei, regione interiore ad tropicam vegetationem transeunte.	in Portland in terra oolithica, et in terra jurassica Galliae; 15° proprius ad polos accedens quam nunc.
<i>Zamia</i> ,	nunc in Americae regione tropica et subtropica.	
<i>Zamites</i> ,	nunc extinctus.	in Protogaeae terra oolithica et Lias, in Gallia (Mamers) et Anglia (Lyme Regis).
<i>Zamiostrobus</i> ,	nunc extinctus.	in Anglia effossus.
<i>Pterophyllum</i> ,	nunc extinctum.	in terra oolithica inferiore insulae Schoonen et in Wuertembergia prope Stuttgart.
<i>Nilssonia</i> ,	nunc extincta.	in terra Lias insulae Schoonen.
<i>Hisingera</i> ,	nunc extincta.	in regione Sussex Angliae.

Observatio. Generibus, quorum nullae species hodie vivae reperiuntur, in sequentibus crucem praefixa.

Nota. Characteres generum ordinis naturalissimi et arctissimis limitibus circumscripti non ex organis primariis generationis unice petendi sunt, sed ex organis secundi ordinis quos Taxonomici vocant, hau-riendi, aequo ac in aliis ordinibus maxime naturalibus, i. e. simillimas plantas continentibus, factum est.

I. CYCAS LINN.

(*Cycas Linn. Gener. pl. n^o. 1222. Nomen jam in Hort. Clifft. p. 4. Jussieu Gener. p. 16. Richard Comment. p. 197. Endlich. Gener. p. 71. — Olus Galappoides Rumph. Herb. Amboin. Tom. I. p. 86. Toddia Panna Reede Hort. Malab. Tom. III. p. 9. (1682)).*

(Tab. I. fig. a-u et Tab. II. fig. a-e*).

Spadices antheriferi dense imbricati oblongo-cuneati, apice sursum flexo, facie inferiore antherifera. *Antherae* dense aggregatae pilis setosis intermixtis, binatim ternatim vel quaternatim in foveolis conjunctae. *Spadices ovariiferi* magni foliacei laxe imbricati demum reflexi, crenati, basi angustati, sursum in spicem foliaceum plerumque acuminatum exentes, marginibus utrinque ovaria plura foventes. *Ovaria* colorata, glabra vel tomentosa. *Embryo* clavatus.

Arbores procerae vel humiliores, longaevae, Palmis habitu, caudicibus ac succorum indole quodammodo aenulae, gummosa et amylacea materie scatentes. *Caudex* cylindricus, delapsarum frondium vestigiis squamosus aut annulatus, simplicissimus, raro demum apice ramosus, medulla ampla ligno inclusa, quod strata plus minus distincta format, concentrica (?), e spiralibus vasis veris spuriisque formata, radiis medullaribus percursa. — *Frondes* apicem caudicis (aut ramorum) eleganter coronantes plerumque post annum vel biennium renovatae, basi *squamis* stipulaeformibus crassis tomentosis stipatae, rhachi foliolisque vernatione circinnatim convolutis, frondium Filicum ad instar, tunc et nascentes etiam *pilis* deciduis imprimis in dorso vestitae, basi tunefacta cum caudicibus connexae; *stipes* tri-trigono-teres inferne utrinque spinulis e foliis abortivis ortis munitus; *foliola* linearia, lanceolata, acuminata, marginibus planis aut revolutis, membranacea aut coriacea, nervo mediano crasso simplici praedita, integerrima.

Organa genitalia non nisi in plantis complures annos natis evolvuntur, nec deinceps quotannis efformari videntur, sed aut alternis annis, ita ut frondium corona cum frondibus floriferis alternet, aut pluribus annis non nisi frondes foliiferas promentibus inter annonam intercedentibus. Frondes fructigerae ex apice caudicis evolvuntur in centro coronae frondosae, quae tunc reflectitur aut subinde perit, denso squamarum tegmine circumdatae, admodum lente increcentes.

Conus e spadicibus masculinis compositus breviter pedunculatus vel sessilis, oblongo-ovoideus, saepe bi-pedalis et ultra, spadicibus plus minus dense imbricatis, elongato-cuneatis, demissis faciebus ancipitiibus, apice quasi truncato, disco truncaturae medio gibbose protuberante et acuminato, acumine sursum flexo, coloratis, carnosis.

Conus femineus spadices fert grandiores, primum arete imbricatos, in corpus ovoideum amplum collectos, apicibus curvato-inflexis et sibi accumbentibus, dein a se invicem recedentes, denique reflexos ac pendulos, basi contractos, medio ad sinus e foveis lateralibus profundis vel obsoletis ovariiferos, sursum frondoso-dilatatos in apicem serratum longe acuminatum; carnosos vel coriaceos, nervis mediis percursos, griseo-vel rufo-tomentosos, coloratos. Numerosi spadices non evoluti subulati extus fertiles stipant. *Ovaria* colorata, tomentosa, et demum glabrescentia, aut (plerumque) inde ab initio glabra, in tubulum nitidum exentes. Putamen bivalve crassum laeve. Albumen corneum. *Embryo* clavatus, filamento longo appensus, subcurvus, subcompressus, cotyledones inaequales, totae vel pro parte connatae. Embryones abortivi; plures.

OBSERVATIO. *Conf. de antheris ac polline* p. 15. Forma spadicum masculinorum non semper eadem. In omnibus exstat corpus cuneatum dorso planum glabrum, deorsum e duabus faciebus coëuntibus declivibus antheriferis formatum. Antherae sunt binatae, ternatae vel quaternatae, raro plures, et in fossulas collectae pilis rigidulis circumdatas; in centro fossulae verrucula elevatior cernitur vel cicatrix insertionis antherarum; quasi filamentum commune. An singulæ dñae antheræ tanquam sacculi unius considerandæ et comparandæ cum loculis antherarum discretis in pluribus Coniferis observatis? Apex acuminatus adsurgens spadícis longior breviorve est, ad quod in speciebus distinguendis bene attendum. Textus internus spadicum marium cellulosus, laxus, hic illic cavitatibus irregularibus instructus; vasorum fasciculi plures et canales gummiferi. — Singularis est foetidus horum spadicum odor, de quo RUMPHIUS et THOUARS loquuntur.

Inter spadices feminineos satis magnæ differentiae observantur, non praetervidentæ, quibus *Cycadis* genus in sectiones dividere posses. In universum spadix est frons mutata, in qua pedunculus sursum ovariferus, lamina explanata et acumen distinguuntur. In cono sunt omnes imbricati inque facie interiore plus minus concavi. Demum reflectuntur. Omnes quantum novi, tomento denso vestiti. Hoc autem in *C. revoluta* etiam pericarpium, tubulo excepto, tegitur, in speciebus autem aliis, ut *C. circinali*, pericarpium nudum est; accedit tunc alia differentia: ovaria nuda sita sunt in foveis profundis in sinibus ad latera spadicum exsculptis, adeo profunda ut fere dimidia pars junioris ovarii in fovea abscondita sit; margo foveæ inferior in tuberculum acutum durum protractus est.

Ovaria matura omnia carne colorata includunt nucem, verisimiliter e duobus segmentis conflatam, saltem in germinante semine bivalvem.

Albumen recens candidum est, duracino-carnosum; cxsiccatione maturum corneum evadit. In seminibus non fecundatis albumen integrum, nulla fovea impressum est. — Fertile ac maturum in vertice offert cavitate umbiliciformen, ad embryonis cavum ducentem, et occlusam singulari substantia, quæ humiditate emollita expanditur.

Embryo fertilis in axi albuminis positus, ejus fere longitudinem aequans, est albicans, molliusculus, plus minus compressus et aliquomodo curvatus. *Radicula* subturbinato-obtusa, perquam brevis, cum corpore cotyledonari confluens, extremitate sua protracta in filamentum flacidum, membranaceum, fasciatum, plicato-tortum, connexum cum interna tuberculum apiculare occidente materie. *Cotyledones* dñae, basi fissura brevi discretae, caeterum in oblongum corpus connexae ad apicem usque, vel usque prope ad apicem, hinc bilobum. *Plumula* in fissura basilari latens, ovoidea, e squamis imbricato-amplexantibus formata. (Hæc spectanti imprimis *Cycades australasicas* et *C. madagascariensem*.)

Crescant in *Asiae australis*, *Oceaniae* atque *Novae Hollandiae* regionibus tropicis, in insula *Madagascar*, in *Asiae orientalis* terris subtropicis rariores; cultura nunc latius dispersæ, ip *Novum Orbem* translatae. Limes borealis constituitur Cycade revoluta in *Japonia* et *Sina*, et australis in *Novae Hollandiae* regione tropica. — Ob imperfectam plurium specierum cognitionem singularum limites difficulter indicari possunt. — *C. circinalis* et affines vere tropicæ et plerumque in planities habitantes. — Cl. DUMONT D'URVILLE *C. circinalem* dictam vidit in *Nova Hibernia* (ad *Havre Carteret*) aequatori proximam, inter tropicas Mimosas, Pterocarpos, Terminalias, Caryotas, Arecas (*Voyage de l'Astrolabe, Botanique*. p. XV), porro ad *Portum Dorei Novae Guineæ* (l. c. p. XXIII), caet.

ADNOTATIO. Num medicis graecis arbor, deinceps a LINNAEO Cycas dicta, cognita fuerit, omni dubio non caret. Palma a THEOPHRASTO (*Hist. Plant.* lib. II. c. 8.) *Kύας* dicta, a SPRENGELIO *Cycas circinalis* L. habetur (*Hist. rei Herb.* Tom. I. p. 106), imprimis ob panificii usum, de quo graecus auctor loquitur. Cum autem aliae Palmarum species multo magis hac in re valeant et Cycas in remotis *Asiae* regionibus huic usui non nisi rarius inserviat, SPRENGELII sententiam valde dubiam habeo. — Ea etiam mihi dubia sunt, quæ Arabes physici WAHABUS et ABEZERDUS sacculo IX. iter in orientales *Asiae* regiones facientes, de arboribus panificio inservientibus scripserunt (*Anciennes relations des Indes et de la Chine* 1718. p. 17). — Quum primum Europæi ad *Asiae* insulas remotasque regiones pervenerint, citius fortasse utilis pulchraque Cycas innotuit. Nec tamen arbores Sagou grana promentes omnes

huc citandae. **ANTONIUS PIGAFETTA** (*Ramusio* I. p. 394), **LOPEZ DE CASTAGNEDA** de Sagou arbore scripserunt. — Certiora sunt, quae de arbore farinifera insularum Moluccensium retulit autopia **FRANCISCUS DRAKE**; haec verisimiliter Cycadem spectant. Dubia vero habeo quae de arbore *Sago* narrat **CHRISTIANUS HENRICUS BRAAD** (*Kongl. Svenska Vetenskaps Academiens Handling*. 1775. p. 142). — Optimam notitiam Cycadis dedit **RHEEDE** tot **DRAKENSTEEN** in *Horto Malabarico*. Eximiis his iconibus **LINNAEUS** usus est ad characterem generis eruendum. Est vero *Cycas circinalis*. — Insularum moluccensium Cycadem diligentissimus **RUMPHIUS** descripsit. **LINNAEUS** perperam ad Cycadem circinalem retnuit; propriam autem speciem exhibet. **THUNBERGIUS** (*Flor. Japon.*) Cycadem revolutam, plantam japonicam, invenit et descripsit quae antea jam in Hollandiae hortis adfuisse videtur, ex auctorum ejus temporis testimonio (*Prodrom. Paradis. bat. Index alt. Hort. Lugd. Bat.* Tom. II. p. 170). — **LOUREIRO** Cycadem inermem in Cochinchina detexit (*Flor. Cochinch.* Tom. II). — Cycadis speciem a C. circinali bene distinctam, in insula Madagascaria detexit et delineavit cel. **AUB. DE PETIT-THOUARS** (*Plant. Afr. austr.* Tab. I). — **ROB. BROWN** duas species Novo-Hollandicas determinavit (*C. media* et *C. angulata* in *Prod.*). — Multa profecto in hoc genere adhuc detegenda ac emendanda restant.

CLAVIS SPECIERUM.

- a. foliola linearia revoluta. — *Cycas revoluta*.
- b. » plana lanceolata. Species Cycadi circinali affines.
 - α. frondes basi spiniferae.
 - 1. stipes tetragonus, spadices 6-10-flori. — *Cycas angulata*.
 - 2. » ac rhachis antice plani, spadices 2-9-flori, apice frondoso grosse serrato. — *Cycas media*.
 - 3. rhachis subteres, spadicis apex frondosus argute serratus. — *Cycas circinalis*.
 - 4. » » » cristato-serratus. — *Cycas Rumphii*.
 - 5. stipes subtrigonus antice plane excavatus. — *Cycas glauca*.
 - 6. » » foliola multo angustiora, antherae cylindricae. — *Cycas Wallichii*.
 - 7. » semiteres, spadices obtuse serrati. — *Cycas madagascariensis*.
 - β. inermes.
 - Species dubiae. — *Cycas celebica* et *C. inermis*.

I. CYCAS REVOLUTA THURE.

C. Caudice humiliore squamato subannulate, stipite subtetragono utrinque spinulifero, rhachi tetragono-terete, foliolis confertis suboppositis linearibus spinoso-acuminatis revolutis, infra saepe subpubescensibus, spadicibus masculinis . . ., feminis oblongo-lingulatis, griseo-tomentosis, ovariis utrinque duobus ad quatuor tomentosis, apice frondoso grosse serrato.

SYN. Vera Japouensis Palma prunifera **PAUL. HERMANN**. Palma japonica, spinosis pediculis, Polypodii folio *Parad. batar.* *Prodri.* p. 361. **BOEREAU** *Lugd. Bat.* Tom. II. p. 170. Palma farinifera japonica, Soitsu Japonensis **BREYN**. *Prodrom.* p. 2. Tessio vulgo Soitsou **KAEMPF**. *Amoenit. erot.* p. 897. Arbor Calappoides Simensis **RUMPH.** *Herb. Amboin.* Tom. I. p. 92.

Cycas revoluta **THUNBERG** *Flor. Japon.* p. 229. (a. 1784). **ARROW** *Hort. Kew.* Tom. III. p. 471. **PERSOON** *Synops.* Tom. II. p. 631. **WILDEBR.** *Spec. plant.* Tom. IV. p. 844. *Hort. Berol.* p. 1022. **SPRENG.** *System. Veget.* Tom. III. p. 907. **SCHNEIDER** in *Transact. Linn. Societ.* Tom. IV. p. 312. **HOOKER** in *Botan. Magaz. Nov. Ser. Volum. IV.* Tab. 2963-64. *Nob. in Bull. d. sc. phys. et nat.* 1836. p. 84.

HERBARI. **WILDEBRONI**. N°. 18528! (frons culta a cl. WENDLAND MSSA).

ICOS. Tab. nostra I. fig. 9-8. (ovaria et ovulum). SMITH. I. c. Tab. 29. 30. ROMPE. Herb. Amb. Tom. I. Tab. 24. SEBA Thesaur. Tom. I. Tab. 25. fig. 1? Botan. Magaz. I. c. BRICKLAND I. c. Tab. 58, 59. JACOTIN Act. Helv. Tom. VIII. Tab. II. fig. b. spadicem femin. GISELS in ordin. natur. LINNAEI Tab. VII. idem.

HABITAT in *Japonia*, unde in vicinas terras, imo in insulam *Madeira* et *Americanam* translata, copiose in caldariis europeis culta. Teste THUNBERGIO in *Japonia* »saeppe prope domos colitur; etiam in *China*.« — Monente MILLERO a. 1758. in *Angliam* introducta per navarchum HUTCHINSON.

FLORET apud nos verno tempore (1). Masculina exemplaria in Europa rarius coli videntur (2).

DESCRIPTIO et OBSERVATIONES. *Caudex* adultus humanam altitudinem attingit, $\frac{1}{2}$ ad 1 pedem in diam. (3), cylindricus, inferne glabrescens subannulatus, superne frondium superstribus basibus dense tectus. Plerumque specimina culta minora sunt, et omnino basibus illis tecta. Maxima vidi in caldario Domini VAN DER MAELEN Bruxellensis, florentia, feminea. Ejus frondes eximie quadrant cum illis quas ex specimine quod *Magdeburgi* floruit, misit cl. LEHMANN. Hac longitudine 1 metrum superant, quorum *stipes* tantum 12 centim. metitur; hic obsolete tetragonus angulo antico satis argute prominente; spinae breves, 2 mill. longae, e basi lata acutissimae; crassities stipitis $1\frac{1}{2}$ centim. *Rhachis* tenuior, versus apicem adhuc multum attenuata, glaberrima ut tota frons, costa antica satis acuta ac prominente duo plana separante, postice rotundata, ut pars rhacheos postica omnino semiteres sit. *Foliola* ad utrumque latus tanquam in canali inserta. Utrinque circiter 125, infima minima, 3—4, media maxima 17—18, suprema 10—11 centim. longa; omnia fere opposita, suprema alterna, valde approximata, $\frac{1}{2}$ centim. distantia, erecto-adscendentia, basi inferiore decurrentia, linearia, 6 mill. lata, basi angustata, versus apicem attenuata et in spinam obliquam brunneo-sphacelatam terminata; margines revoluti; nervus medius crassus, deorsum imprimis pronubens, cum revolutis marginibus, inferiorem paginam bicanaliculatam reddit; haec pallida et absque nitore est; superior nitens fere vernicea, amoene viridis. — Specimen ex Horto regio insulac Pavonis vix differt; solummodo rhacheos costa antica non adeo acuta prodit; foliola non omnia recta sed plura ad superiora plus minus falcata.

Frons plantae ut videtur adultae, in ipsa *Japonia* a cel. DE STEBOLD lecta et in Museo Botanico Lugduno-Batavo servata, a cultis differt foliolis brevioribus, stipitis brevioris spinis approximatis et superiora versus sensim in foliola transeuntibus. — *Frons* circumscriptione lanceolata, tota 75 centim. longa, quorum *stipes* metitur 14 centim; hic basi dilatata hirsutus est cacterum tetragonus, angulo postico obtuso, antico acuto utrinque in canalem demisso, ad ejus marginem utrinque circiter 28 *spinae*, oppositae, antrorsum directiae; infimae brevissimae $\frac{1}{2}$ millim. longae; superiora versus sensim longiores 5 millim. ad centimetrum fere longae tunc foliaceae. *Rhachis* ejusdem fere formae ac stipes, sed pars postica semicylindrica; anticus angulus obtusior; canales obsoletiores. *Foliola* utrinque circiter 95, infima brevissima opposita, media longissima et haec cum supremis alterna; maxima 9—10 centim. longa, 5 mill. lata; omnia apice acute spinosa; marginibus revolutis incrassatisque et in pagina inferiore non splendente fuscescente hinc illinc pilosula. *Rhachis* inter extrema foliola in acumen pungens desinit.

Plantae artificis Hortulanorum in *Japonia* celeberrimis, *pygmaea* factae feminae florentis *frons* in Museo Botanico Lugduno-Batavo servata, vix spithamea, circumscriptione obovata, *rhachi* fusce hirsutae

(1) Plura in variis diariis de Cycadis hujus florentibus speciminibus feminis relata sunt, v. c. a Cha. LUNCKE, in Horto Comitis HARACKI in Bruck ad Leitham. Planta juvenilis accepta per decem annos culta, deinde in caldarium posita cito increvit, frondes 5 pedes longas reflexas evolvit. Quavis anno non tantum novam frondium coronam efformavit, sed Zamiarum more etiam ad caudicis basin gerimas efformavit. Deinde autem, loco coronae frondosae, initio m. Februario spadices griseo-tomentosos pedunculatos utrinque 3—4 ovaria pisiformia gerentes prodixit. Eisi non fecundata, tamen in ovalis obcordatos ac medio impressos fructus, castanearum vescarum ad magnitudinem, increverunt. Nunc illi spadices, pedunculis 6—7 pollices longis affixi, 5 pollices longi, numero 250, reflectantur et 6—8 fructus gerunt, quorum ornamen numerus ad 1000 computatur, constantes e materia carnosa secca, tenui exus membrana pulore rubenti vestitos, cui lana crista facile amovenda inhaeret. Intus putamen includunt (Verhandl. z. Ber. d. Gartenz. in Preussen Tom. IV. p. 227—28). — Ipsa in Horto D^r. VAN DER MAELEN feminam florentem et jam fructus promentem vidi initio m. Aprilis. — Conf. porro BEEKE I. c. BUCKLAND I. c. p. 439.

(2) Mas his floruit in Hort. Imper. Petropolit. Loco frondosae coronae evolvebatur conus; pollen collectum ad fecundanda specimina feminina, sed frustra, adhibebatur (Otto et Dietr. Allgym. Gartenz. Tom. VII. 1839. p. 24).

(3) »Caudex teres, ramosus, argyralis et ultra, crassitiae feminis, a case feliorum ferrugineo-hirsutis« THUNBERG. I. c.

utrinque 25 foliola affixa, angusta, minuta. *Spadix* ovarii juvenilibus instructus, 14 centim. longus, stipite laminam aequante, uno margine tria, altero duo ovaria gerente. Lamina utrinque in 16 serraturas cristatas, quarum superiores maxima, divisa, in acumen terminata. Totus spadix tomento denso floccoso griseo pallide lutescente vel albicante vestitus, exceptis pericarpiorum tubulis et spinosis cristatum apicibus. — Adeoque in plantis his pygmaeis frondium magnitudo plus diminuitur quam spadicum.

Satis insignes sunt differentiae aetatis; speciminum scil. juvenilium frondes video $\frac{1}{2}$ metro paullo longiores, foliolis utrinque 40—50, quorum maxima 9 centim. longa, et 4 mill. lata sunt. Reliqua congrunt, imprimis apex spinosus curvatus.

Spadices feminae ex apice caudicis verno tempore numerosissimi prodeunt, demum omnes reflexi. Quem a cl. LEHMANN accepi eandem formam habere intellexi ac speciminis in Horto MAELENI florentis; 19—20 centim. longus; parte angustata pedunculata e fossulis utrinque duos fructus gerit; supra fructus in laminam expansus cristata, utrinque 12—15 linearibus cristis instructam, sursum minoribus, et quarum maxime 5—6 centim. metiuntur; totae ut totus spadix densissimo tomento griseo-fusco vel griseo tectae, apicibus cristarum spinosis, brunneis, nitentibus. Fructus sunt ovato-subcompressi, obcordati, aurantiaci, tomento griseo-brunneco facile amovendo tecti, 3½ centim. longi, 3 transverse crassi. — Immatura ovaria utrinque plerumque tria vidi in Horto MAELENI; de his conf. p. 12. THUNBERGIUS, qui foecundatos fructus vidit, p. 231 *Florae japonicae* dicit: «Drupa ovata, compressa, rubra, sesquipollucis. Drupae comeduntur a Japonensibus.»

Spadix ab HOOKERO pictus differt: colore obscuriore, magis in castaneum vergente, parte inferiore pedunculata longiore, ovarii 6, lamina breviore nec in circumscriptione lanceolata, sed potius spathulata, segmentis minus numerosis, obcurioribus; lamina rectius palmato-cristata dicenda.

Sed in eadem arbore numquam omnes spadices omnino eadem forma gaudent. — Duos vidi spadices in *Japonia* lectos et in Museo Botanico Lugduno-Batavo servatos. Minor plantae pygmaeae mox descriptus. — Alter 19 centim. longus. Ovaria utrinque tria remotiora. Serraturae laminac triangularis utrinque 18, subteretes, horizontales. Tomentum obscurius, magis sordidum, imprimis versus apicem. (Conf. supra).

Quae THUNBERGIUS de *frondibus* refert, optime in nostra specimina quadrant: «*Folia* omnia pinnata stipite inferne spinoso. Foliola subopposita, linearia, versus interiora subsalcata, spina simplici terminata, integra, margine revoluto lineaque media elevata, glabra, duas lineas lata, erecto-palentia, infinis supremisque brevioribus.» De caudice addit: «medulla autem caudicis, supra modum nutriendis, imprimis magni aestimatur: asseverant enim, quod tempore belli frustulo parvo vitam diu protrahere possint milites; ideoque ne commodo eodem fruatur hostis extraneus, sub capitib poena vetitum est, Palmarum e regno japonico educere.»

De propagatione hujus arboris video RUMPH. l. c.

CYCAS REVOLUTA THUNB. *Varietas planifolia*.

C. Caudice cylindrico, tomentoso, squamoso, frondibus gracilibus, stipite opposite spinuloso rhachique tetragonis, antice argote costatis postice semiteretibus, foliolis omnibus fere aequilongis alternis aut rarius suboppositis, breviter linearibus, planis, vix aliquid revolutis, in mucronem mollem rectum vix sphaciatum terminatis.

ADUMBRATIO. *Frondes* $\frac{1}{2}$ met. longae, in specimine jam 1½ pedes longo, graciles, *stipite rhachique* tenuibus. *Spinæ* stipitis omnes oppositae, ad $\frac{1}{4}$ centim. longae, complanatae; utrinque saepe 20, omnes rectae: *foliola* utrinque 60, 11 centim. longa, 7—8 millim. lata, plana, mollia, non rigida, nec apice pungentia. In pagina superiori parum nitentia.

Hac varietas, quae in caldario Horti Roterodamensis colitur, et cuius similem ex India occidentali inter alias plantas accepimus, adeo differt a vera Cycade revoluta, ut fere propriam speciem declararem: differt frondium forma in universum, stipite, spinis, imprimis foliolis brevioribus, latioribus, pla-

mis, mollibus, non rigidis vel pungentibus, caet. Fortasse ad hanc, quae verisimiliter et alibi colitur et e Japonia ad nos venit, pertinet icon in *Botan. Magaz.* quam citavimus (exhibens plantam, quae in insula *Madeira* sub dio floruit), et icon in *Herb. Amboin.* l. c.

2. CYCAS ANGULATA R. BROWN.

C. Caudice elato, frondium stipite tetragono spinuloso, rhachi fere ad apicem usque ancipite, foliolis muticis supra concaviusculis, infimis abbreviatis, spadicibus masculis basi cuneatis, parte antherifera apice acuminato longiore, antheris globoso-ovatis binatim quinatinque conjunctis, spadicibus feminis modice pedunculatis 6—10-floris, lamina frondosa ovato-deltoidea inaequaliter dentato-serrata mucroni integerrimo longe acuminato fere aequilonga, ovarii glabris globosis apiculatis.

Syn. *Cycas angulata* R. Brown *Prodr. Flor. Nov. Holland.* p. 348. edit. germ. p. 205. SPRENGEL *System. veget.* Tom. III. p. 907. *Comment. phytogr.* p. 128.
Icon. FRED. BAUER *Illustr. Fl. Nov. Holl. ined.* N°. 264 et 265. Tabula nostra II. fig. a-e. (organagenerationis).

HABITAT in *Nova Hollandiae* intratropicae regionibus mari vicinis (R. BROWN).

OBSERVATIO. Iconibus splendidissimis, quas mox citavimus et quarum fidas delineationes benevolentiae cel. ENDLICHER debemus, persuasum habeo, arborem hanc summo jure tanquam propriam speciem esse enumerandam.

DESCRIPTIO. Arbor satis alta. Frondium *rhachis* antice anceps, *stipes* tetragonous, *foliola* hand acuminata. *Strobilus mas* ovato-ellipticus, basi squamis linear-lanceolatis vestitus. *Spadices* apice acuminata sursum recurvati et imbricati. *Pagina inferior* pilis tecta, eamque totam *antherae* occupant, fere globosae, paulo oblongae, quae sursum et subintrorse aperiuntur fissura dimidiata antherae longitudinem non aequante. *Spadices* masc. 7 centim. longi, latitudo maxima $2\frac{1}{2}$ —3. *Strobilus feminus* multo major, obovatus, fere globosus. *Spadices* lati, lancolati, parte inferiore seu pedunculo paucis per compresso ejusdem longitudinis ac pars ovarifera. *Lamina* foliacea est deltata, basi rotundata, irregulariter dentata aut potius serrulata et in acumen integrum terminata, cuius longitudine ipsam laminam fere aequat (secundum R. BROWN superat). *Ovaria* utrinque 3—5, fere globosa glabra. — *Longitudo* spadis 22 centim.

3. CYCAS MEDIA R. BROWN.

C. Caudice elato simplici vel ad verticem pauci-ramoso, frondium reliquiis annulato, frondibus erecto-patentibus recurvatis circumscriptione lanceolatis obtusis basi attenuatis, stipite brevi-spinuloso rhachitis supra medium antice planis, foliolis oppositis basi contracta decurrentibus; spadicibus feminis que supra medium longe pedunculatis, supra medium 2—9-floris, lamina frondosa rhombiformis grosse serrata acumen multum superante, ovarii glabris, fructibus ovoideis obsolete angulatis.

Syn. *Cycas media* R. Brown *Op. cit. ed. Lond.* p. 348. edit. germ. p. 204. SPRENG. *Syst. veget.* Tom. III. p. 907. *Notis* l. c. p. 130.
Icon. FRED. BAUER l. c. N°. 283 et 286. Tab. nostra I. fig. a-p. (organagenerationis), et Tab. III. (tota planta).

HABITAT ut praecedens species (R. BROWN).

DESCRIPTIO. Arbor 3—4 metra altitudine attingens, caudice satis erasso, versus apicem attenuato, non semper omnino recto, rarius vertice ramificato, frondium superstifibus basibus annulato; *Frondis*

des numerosae, 20—40, coronam fere globosam efformant, quae fortasse e duorum annorum frondibus componitur; sunt 13 decimata longae, circumscriptione lanceolatae, latiores, obtusae versus apicem et versus basin contractae. Stipes brevis, 3 decim. longus, 10 exiguis spinulis utrinque munitus. Rhachis crassa, antice ut et stipes, applanata, leviter convexa, angulis acutis duas facies separantibus. Foliola approximata, utrinque 120, inferiora minuta, 6 centim. longa, maxima 20 centim., apicis 10 centim. longa. Omnia linearia, diametro maximo 1 centim. non superante, basi contracta et deorsum juxta rhacheos marginem decurrentia; apex spinose acuminatus; nervus medius fortis; margo levissime revolutus. — Spadices femininei adulti singulare forma insignes. Tres quartae partes vel dimidia pars penduculum refert, dum pars fructificans quartam modo longitudinis partem occupat; haec in laminam rhombiformem foliaceam terminatur, ejus duo margines inferiores concavi integri sunt; margines superiores multo maiores profunde et acuminatae serrati. Apex acuminatus brevis serrulatus. Totus spadix 22-23 centim. longus. Fructus 2—4 in spadicibus adultis, ovi gallinacei magnitudine.

R. BROWN valde affinem prædicat *Cycadi circinali*. Icones autem Bauerianae, cum iis *Horti Malab.* comparatae quae *C. circinalis* referunt, graves obferunt inter utramque differentias.

4. CYCAS CIRCINALIS LINN.

C. Caudice elato annulato, frondium lanceolatarum stipite angulato utrinque spinuloso, rhachi terebre, foliolis oppositis alternisve horizontalibus anguste lanceolatis lucari-subfalcatis; strobilo mare oblongo, spadicibus feminis linearis-lingulatis, in laminam deltoideam argute serratam et longe acuminatam terminatis, fructibus utrinque 1—4, ovoideis, glabris.

SIX. *Todda Panna RHEEDE Hort. Malab.* Parte III. p. 9. *Palma indica*, caudice in annulos protuberante RAJ. *Hist. plant.* Tom. II. p. 1306. (RHEEDE excerpit).

Cycas frondibus pinnatis, foliolis caet. LINN. *Hort. Cliffort.* p. 482. *Flor. Zeyl.* p. 185. (exclus. synn. præter *Hort. Malab.*). *Cycas frondibus pinnatis circinalibus caet.* LINN. *Mat. med.* p. 224. *Cycas circinalis* LINN. *Syst. nat.* ed. X. et edit. XIII. p. 729. excl. synn. præter *Hort. Mal.* — GISEKE in LINN. *Ord. nat.* p. 604. *Cycas circinalis* auctt. excl. synn. plur. — HOOKER *Botan. Mag.* Vol. II. №. 2826—7. excl. syn. RUMEN. — BULLER. *d. sc. phys. et nat.* 1838. p. 84. — *Comment. phytogr.* p. 114. except. var. B.

HERBARI. WILDERNOV. fol. 18527. №. 6. HERRAR. HERMANN. №. 53. *Madoe*.

ICON. *Hort. Malab.* I. c. Tab. III—XXI. — HOOKER in *Bot. Mag.* I. c. An hoc spadix mas ab JACQUINO pictus in *Act. Helv.* Tom. VIII. Tab. 2?

HABITAT in locis montanis petrosis et arenosis in *Malabarica* (RHEEDE I. c.) In hortis et plantationibus maritimis provinciarum australium *Malabaricae vulgaris* (BECHERAN *Travels in the Misore* Tom. II. p. 469). In *Ceylonia* (HERMANN.). — Reliqui loci natales ob dubiam synonymiam dubii. — Anno 1700 in Angliam introducta (HOOK. I. c.)

NOMINA VERNACULA: *Todda-panna* v. *Mouta-panna* Malabarensibus, *Andexa Motha-panna* Brachmanis (RHEEDE), *Indu* in *Malabarica australi* (HAMILTON).

OBSERVATIO. LINNAEUS hanc speciem tabulis citatis *Horti Malabarici* superstruxit; postea ad eandem etiam RUMPHII speciem amboinensem retulit, quae tamen plurimis notis differt. Cum autem post *Horti Malab.* descriptionem nemo hanc speciem fusius descripscerit, imo plures species ab auctoribus nomine Cycadis circinalis dein confusae sint, non mireris perfectam ejus notitiam in libris botanicis adhuc desiderari.

Caudex quadraginta circiter pedum altitudinem attingit, plerumque simplicissimus, raro apice in ternos quaternos vel quinos ramos divisus; sesquipedem crassus. *Frondes* octo pedes longae, foliola utrinque 90—100. *Foliolum* adultum 21—24 centim. fere longum, ut video tum ex iconē *Hort. Malab.*, tum in sicco specimine *Herb. Willdenoviani*, tam in specimine in *insula Peponis* prope Potsdamum culto. — *Conus*

masculinus, in *Horto Edinensi* efformatus et ab *HOOKERO* descriptus, sere sessilis, 4—5 poll. longus, ovoideus, *spadicibus* latis laxe imbricatis, ferrugineo-hirsutis, quorum pars dimidia inferior pyramidata horizontaliter inserta, pars dimidia superior sursum curvata et in acumen erectum longum producta. *Antherae pollen* includunt rotundatum, angulatum et pellucidum. — *Spadices femininei* ex iconē *RHEEDII* noti, dense imbricati strobilum componunt oblongo-ovoideum, 25 centim. longum, medio 15—16 crassum. Ipsi *spadices* adulti e basi stipitiformi linearis-lanceolati, ex utroque margine tres plures fructus efformant; eorum lamina frondosa subconcava rhombiformis longe acuminata argute serrata. *Fructus prunis* non absimiles, cortice glabro viridi tecti, postea subflavi et dein rubescentes. — »In *Cycade circinali vera*, auctoritate iconis, descriptione explicatae, quam ed. *ROXBURGH* ex India orientali nuper transmisit, cavitatem albuminis replet substantia quaedam carnosa seu vitellus, a funiculo contortuplicato suspensus, et embryonem includens" *R. BROWN Prod. fl. Nov. Holl.* (1). De reliquis conf. *Comment. phytogr.* l. c.

In *Herbario Zeylanico HERMANNI*, nunc Lugduno-Batavo, exstat pars frondis (Nº. 53. *Mandoe*, (*Herb. Zeyl. matr. Oltmans*) *Herb. Herman.*) quam hue referre audeo. *Foliola* sunt lanceolata, paullo curvata, marginibus subundulatis; apices acuminati molles; 18—19 centim. longa 1½ centim. lata.

OBSERVATIO. »Recus ramus terrae vel levius commissus in novam arborem progerminat" — »rejectum trunci frustum novas radices emittit" — »si vel per annum vel etiam plures annos e terra evulsa servetur sicca arbor, postea terrae commissa, revirescit" *RHEDE*. — Conf. *Comm. phyt.* p. 117.

CYCAS CIRCINALIS LINN. *Varietas javana*.

C. Caudice annulato, frondium stipite subterete brevi-spinuloso, foliolis alternis suboppositis horizontalibus linearis-lanceolatis subfalcatis deorsum concavis, subpungentibus, viridibus, spadicibus feminis longe pedunculatis, pedunculis obtuse-tetragonis, parte ovarifera paullo latiore, lamina angustissima in acumen longum cristato-spinoso-serratum glabrescens sursum serrulatum denique integerrimum excurrente, ovariis utrinque 3—4 glabris.

Icos. Tabula nostra II. fig. 1. (spadix), et Tab. I. fig. 7 et 8 (ovarium).

HABITAT in insula *Java* (*BLEME*); an et in *Sumatra* et *Borneo* insulis (*fide Herb. Lugd. Bat.*)?

DESCRIPTIO. *Stipes* subteres, antice paullo appianatus ad basin tumidus, inde ab ½ altitudine *spinis* brevibus curvatis alternis suboppositis utrinque 17 instructus. *Foliola* infima sequentibus non multum breviora sed basi omnino petioli in modum contracta; reliqua foliola ad basin decurrentia. Caeterum quoad formam medium tenent inter *Cycadem circinalem* et *Cycadem Wallichii*; omnia linearis-lanceolata, in apicem pungentem terminata, marginibus subrevoluta, falcata ad marginem inferiorem concava, in pagina superiore nitentia. Maxima 28—29 centim. longa, et 13 millim. lata; superiora 1 centim. lata.

Spadices femininei 30—31 centim. longi, obtuse tetragoni inter angulos canaliculati, *pedunculus* 15 centim. longus, 1½ latus; pars ovarifera 6 centim. longa, *arcubus* tribus ad latera alternatim excisa in *foveas* decurrentibus, deorsum tuberculo suffultas. *Reliqua pars* 8—9 centim. longa, lanceolata, cristato-serrata in acumen longum spinosum antice serratum serraturis accumbentibus terminata. Totus exceptis serraturis et ovariis dense ochraceo-tomentosus. — De reliquis conf. p. 13.

ADNOTATIO. Ad hanc referenda videtur *Cycas*, quam lib. *Baro de WURMB* descriptis, quem citavimus in *Comment. phytogr.* p. 123. — Ad *Cycadem Rumphii* cum dubitatione olim relatam, nunc inspectis his speciminibus javanis hoc referre consultius credidi (Conf. *Acta Societ. Bataviana* Tom. III. p. 261—262).

(1) An haec eadem substantia, quae in *Zamiis* imprimis observata, apicem radiculae exsertae obtegit? conf. p. 15.

5. CYCAS RUMPHII.

C. Caudice squamoso, frondium lanceolatarum stipite terete, inferne utrinque spinuloso, foliolis oppositis horizontalibus, linearie-lanceolatis in durum acumen productis, strobilo masculino ovoideo-elongato, femineis spadicibus demum reflexis, in laminam rhomboideo-spathulatam parvam, cristato-serratum, brevi-acuminatam terminatis, fructibus 3—5 subcompressis aurantiacis.

Syn. *Olus Galappoides*. *Sajor Galappa RUMPH.* *Herb. Amb. Lib. I. Cap. XX. Tom. I. p. 86—87. excl. pl. Celeb.*
Cycas circinalis Auct. ex parte ex. c. SPRENG. Syst. Veget. Tom. III. p. 907. Cycas Rumphii Nob. in Bullet.
d. sc. phys. et nat. en Néerl. 1839. p. 45. Comm. phytogr. p. 120.
Icon. RUMPH. I. c. Tab. XXII et XXIII.

HABITAT in insulis moluccensibus fere omnibus, *Amboina*, *Ternate*, *Banda*, teste RUMPHIO.

NOMINA VERNACULA: malaice *Sajor Calappa*, *Utam*, amboinice *Uta Niwel*, *Uta Nuer*, ternatice *Djundjara*, *Madjong utu*, hoc est matta foeminea, in Moluccis ad austrum sitis *Sajor Radja*, javanice *Pakis Rady* (RUMPH.).

OBSERVATIO. LINNAEUS, qui primus Cycadem circinalem ex *Toddiae Pannae* iconibus in *Hort. Malab.* pictis condidit, postea RUMPHII plantam tanquam synonymon adscripsit; hanc vero satis differe supra jam monuimus. — Cum autem haec vix nisi ex opere Rumphiano nunc cognita sit et itineratores eam pro *C. circinali* bene cognita planta habentes, nihil de ea moneant, incerta plura relinquere debeo. — Fusiorum descriptionem conf. in *Comm. phytogr.* I. c.

Differentiae autem ita exponendae:

C. circinalis.

Caudex altior, 40 pedum, extuberantiis crassis annularibus undique circumdatus, cortice intus purpureo.

Frondes longiores (8 pedes) majore spinularum et foliolorum numero instructae.

Spadicum juvenilium apices inflexi, eorum pars inferior latior et magis compressa. *Laminae longiores*, longius acuminatae, serraturae numerosiores.

Fructus magis globosi, iisque virtus adstringens, alvumque compescens tribuitur.

Disquisitio posthac accuratius instituenda certo hos characteres emendabit et verisimiliter meliores assertiores inveniet.

C. Rumphii.

humilior, 12, raro 24 pedes altus, irregulariter fissus, sursum frondium vestigiis difformibus obsitus.

breviores erectae (5 pedes) parciore spinularum et foliolorum numero instructae. apices recti videntur, pars inferior angustior magis teres. *Laminae breviores*, sursum ovales, serraturae parciores.

ovoidei, virtute alvum excitante pollent (1).

ADNOTATIO. Magni momenti et autoptarum disquisitioni commendanda RUMPHII observatio videtur, quamvis arborem semel bisve conum masculum producere, sequentibus autem annis feminineos spadices. RUMPHIUS, hujus rei admiratione captus, se ipsum id observasse, expressis verbis declarat.

(1) Conf. *Itiner. Cookii. edit. german.* p. 224.

CYCAS RUMPHII. *Varietas Timorensis.*

C. Caudice stipite, rhachi gracili e semiterete compressa, antrorum bicanaliculata, foliolis approximatis, inferioribus oppositis, superioribus alternis multo brevioribus, lineari-lanceolatis, subfalcatis, margine inferiore concaviusculo ad basin vix contractam decurrente, apice acutissimo non pungentibus.

Syn. Cycas Rumphii Var. Timorensis Nob. in *Comm. phytopr.* p. 125.

HABITAT in insula *Timor* (fide specim. Musci Parisiensis).

DESCRIPTIO. *Frondis* adultae pars superior, quam coram habeo, unam quartam partem paullo superans *rhachin* habet gracilem inter foliola binam supremam non excurrentem, simiteretem, laevissimam, non rigidam, antrorum planam, bicanaliculatam et e foliolorum margine inferiore decurrente fere alatam, *foliola* infima opposita, superiora omnia alterna, inferioribusque duplo breviora, omnia erecto-patentia, lanceolato-linearia, imprimis inferiora ad marginem inferiorem falcata, basi parum angustata obliqua, margine scil. inferiore ad *rhachin* decurrente, apice in acumen subtilissimum, fere piliforme, mollissimum, fragile, terminata, marginibus integerrimis levissime revoluta aut potius marginata, nervo medio flavicante nitente, in pagina inferiore parum, in superiore non prominente, pallide viridia, in pagina inferiore pallidiora, utrinque nitentia. *Foliola* speciminis nostri infima (itaque vix in fronde media) 15 centim. longa, in medio 2 lata, suprema 8 longa, 1 lata.

OBSERVATIO. Etsi a Cycade Rumphii hoc specimen multum differat, foliolis brevioribus, non in acumen obliquum firmum terminatis, basi obliqua vix contractis rel., nolui tamen propriam speciem declarare, cum ne integrum quidem frondem vidisem.

6. CYCAS GLAUCA HORTOR.

C. Caudice glabro cylindraceo, stipile subtrigono, antice obsolete excavato, postice semiterete, rhachi tetragona, foliolis numerosis lineari-lanceolatis, falcatis aut fere rectis, glaberrimis, marginibus, imprimis in junioribus, subundulatis, subrevolutis, glaucescentibus.

Syn. Cycas glauca Hort. — *Comment. phytopr.* p. 127.

HABITAT — fortasse in *India Orientali*.

OBSERVATIO. Speciem Cycadis, quae *glaucae* nomine in hortis colitur, ob difficultem speciminum viventium cum antiquiorum Botanicorum iconibus comparationem, ad nullam reliquarum huc usque referre potui. *Cycadi circinali* aut *C. Rumphii* proxima videtur. Differt autem ab illa: foliolis paucioribus, multo latioribus, v. c. 2 centim. latis, multo magis lanceolatis, versus basin scil. et apicem multum angustatis. Proprius ad *C. Rumphii* accedit, imprimis ad ejus var. timoreensem. — Ex DESCRIPTIO tum juxta specimen in *insula Pavonis* prope Potsdamum cultum a D. PARMENTIER ematum, quam juxta specimen Horti Roterodamensis ex insula *Java* advectum. *Caudex* glaber (1—1½ ped. alt.) cylindricus, vix squamosus. *Frondes* e gemma *squamis* fusce tomentosis tecta erumpentes, nascentes brevibus pilis deciduis tectae, adultae glaberrimae, rectae, 2—2½ metra longae. *Stipes* subtrigonous, antice plano-excavatus, postice semiteretes, spinulis utrinque 30—40 compressis. *Rhachis* tetragona: parte postica obtusa fere semiterete, planis duobus anticis sub angulo acuto valde prominente conjunctis et singulis a postica facie canali impresso diremis, ubi *foliola* affiguntur utrinque 50—60, quorum inferiora 13 centim. longa, 1½ lata: media eaque magis approximata multo longiora 27—28 centim. longa, 1½ lata; su-

prema his non multum breviora; omnia linearis-lanceolata, falcata, inferiora magis recta, imprimis juniora marginibus aliquomodo undulata. *Nervus* medius fortis, imprimis in pagina inferiore lutescens. *Color* laete viridis, in universum glaucescens, sed deorsum multo pallidior quam in pagina superiore. *Margo* subrevolutus.

ADNOTATIO. In hujus Cycadis specimine in Horto Roterod. culto ac morbo pinnam vidi, raro sane exemplo, bilobam, nervo medio bifurcato et lobam dentiformem ad marginem inferiorem intrante. Quo mirum in modum plurimorum foliorum in *Encephalartis* ratio imitatur.

7. CYCAS CELEBICA.

C. Caudice squamoso, frondium brevi-lanceolatarum stipitibus non spinuligeris, foliolis anguste lanceolatis horizontalibus aliquomodo divaricatis in obliquius acumen terminatis, spadicibus coni masculini rhomboideo-pyramidalis, spadicibus feminis paucifloris

Syn. *Olus Galappoides* insulae Celebes RUMPH. i. c. p. 87.

Cycas Celebica Nob. *Comment. phytogr.* p. 126.

Icon. RUMPH. *Herb. Amboin.* i. c. Tab. XX et XXI. (pl. masculina).

HABITAT in parte boreali insulae Celebes, ex. gr. in Gorontalo et Manado, ubi mas *Patuku*, femina *Lagogogo* vocatur (RUMPH.).

OBSERVATIO. RUMPHIUS ipse hanc speciem non nisi e scripto commentario gubernatoris ROBERTI PADD-BRUGGE coguovit, nec hodie plura comperta habemus; sed speciem adeo gravissimis dubiis veratam transire silentio nolui, ut itineratorum animos ad illam investigandam impellam. — Quodsi ea, quae RUMPHIUS refert, ita sint, haec ab affinis differret: frondibus inermibus, brevioribus, subflexuosis, foliolis paucioribus, brevioribus, latioribus, magis irregulariter patentibus, accederet vero ob spinularum in stipe defectum ad *C. inermis* Lour. — Cum autem ambae ad species valde dubias merito pertineant, non concludendum est, frondes vere inermes in hoc genere existere quales in *Encephalartis* ac *Zamiis* novimus.

8. CYCAS INERMIS LOUREIRO.

C. Caudice simplicissimo scabro, frondium stipitibus inermibus subteretibus, foliolis oppositis linearis-lanceolatis planiusculis obscure viridibus, spadicibus masculis oblongo-turbinatis crassis, feminis linearibus in apicem laciniatum terminatis, paucifloris, drupis ovatis subcompressis.

Syn. *Cycas inermis* LOUREIRO *Flora Cochinchinensis* edit. Willdenow. Tom. II. p. 776—777. exceptis *synon. omnibus*. SPRENG. *System. Veget.* Tom. III. p. 907.

HABITAT agrestis, cultaque ob pulchritudinem in Cochinchina, et China? (LOUREIRO). — Incolis City San Tué dicta.

ADNOTATIO. Species dubia et post LOUREIREUM a nemine reperta. An cum *Cycade revoluta* var. *platifolia* comparanda?

Haec LOUREIRO habet: »Palma *Caule* quinquepedali, simplicissimo, femur crasso, scabro, fusco. *Frondes* pinnatae, 5 pedes longae, ascendentes: stipitibus inermibus, subteretibus, foliolis linearis-lanceolatis,

serpollicaribus, glabris, obscuro-viridibus, planiusculis, oppositis, sessilibus. Flos dioicus: masculus; conus terminalis, solitarius, erectus, ovali-oblongus, diametro 4-pollicari, strobiliformis, fusco-luteus, imbricatus, subcaulus, spadiceis oblongo-turbinatis, crassis, fungosis, staminiferis. Filamenta nulla. Antherae plus quam 100 in quolibet spadice, sparsae, globosae, semiui Raphani aequales, apice dehiscentes. Pistillum nullum. Feminus in alia planta: spadicibus variis, linearibus, reflexis, paucifloris, subterminalibus, simplicibus, lamina lacinata terminatis. Germen ovatum. Stigma simplex. Drupa sesquipollucaris, ovata, subcompressa, laevis, rufa: nuce lignosa ejusdem formae; nucleo simplici."

»Semper inermem inveni," »ramosam nunquam nec monoicam."

»Usus cibarius in Cochinchina nullus. Tunkini incolae mihi retulerunt in sua patria fieri panem Sagu sat bonum ex trunko hujus Palmae."

9. CYCAS WALLICHII.

C. Candice frondibus... rhachi semiterete subtrigona antice bicanaliculata, foliolis alternis oppositivis approximatis erecto-patentibus, linearibus, subfalcatis, basi angustatis et subdecurrentibus, spadicibus masculis deorsum dense fusco-tomentosis, antheris cylindraceis.

Syn. *Cycas circinalis* Linn. var. *angustifolia* Nob. *Comment. phytogr.* p. 119.

Icon. Tabula nostra II, fig. g. (pollen).

HABITAT.... culta in *Horto botanico Calcuttensi* (fide specim. Musei botan. Parisiensis).

DESCRIPTIO. *Frondis* saltem partem supremam vidi, cuius *rhachis* non valde crassa, semiteres, positiue valde prominens, antice magis complanata. *Foliola* alterna vel opposita, sed suprema fere omnia opposita, inferiora unam quartam metri partem superantia, subfalcata, omnino linearia, basi paulisper contracta, decurrentia et inde plus minus inaequalia, apice acuminata sed *vix* aliquid pungentia; *vix* 1 centim. lata, plerumque angustiora; margines non omnino recti, sed aliquomodo undulati sub-erosi, plus minus incrassati. Utraque pagina in secco transverse subuplicata. Nervus medius in utraque pagina satis prominens versus apicem multum angustatur. — *Spadices* masculi maturi ex angusta et quasi stipitata basi formam pyramidis inversae complanatae referunt, cui sursum *acumen* lanceolatum reflexum affigitur. *Pagina* pyramidis *inferior* e duabus faciebus costa crassa direntis, tomentosis totisque antheriferis constat. *Superior* simili ratione in duo plana divisa glaberrima est. *Margo* spadicem ambiens acutus leviter crenulatus. *Pars superior* spadicis acuminato-reflexa, in pagina inferiore quac nunc extus adpareti, tomentosa, in superiore glabra. *Acumen* proprie ita vocandum, in ejus pagina inferiore infra apicem erumpit e costa media spadicis quasi productum. *Tomentum* inter antheras densissime dispositum fuscum nitens. *Antherae* in foveis pilis cinctis collocatae, fuscae, oblongae vel dein cylindricae, apice bilabiata fissae, dein ulterius apertae fissura ad unum latus, quod adjacentibus oppositum est (quatuor vel quinque enim plerumque sibi appositae) usque ad basin continuata. *Pollen* conglobatum pallide flavescentes (conf. p. 16). Spadices 3—4 centim. longi.

10. CYCAS MADAGASCARIENSIS.

C. Candice elato, frondibus confertis, stipite semiterete spinuloso, foliolis alternis, linear-lanceolatis, subfalciformibus, spadicum masculorum apice reflexo quater corpore breviore, antheris quaternatim quinatinque conjunctis globosis, bivalvibus. spadicibus feminis lanceolatis sursum explanatis obtuse

serratis, ovariis utrinque 2 vel 3, tubulo orevi apiculatis, fructibus ovoideo-globosis, subimpressis, albumine basi truncato substantiae fungosae (textu placentari) innixo.

SYN. *Cycas circinalis* AUBERT DU PETIT THOUARS *Histoire des Végétaux recueillis sur les îles de France, la Réunion et Madagascar.* 1804. p. 1 seqq. RICHARD *Comment. de Conif. et Cycad.* p. 187 seqq. excl. synon.

Cycas madagascariensis Nob. *Comment. phytogr.* p. 127.

ICOS. AUBERT. I. c. Tab. I et II. RICHARD *Comment. cit.* Tab. 24—26.

HABITAT in insula *Madagascar*. Ex opinione R. BROWN haec arbor etiam in *India orientali* cresceret.

OBSERVATIO. R. BROWN jam obiter monuit, *Cycadem* in *Madagascaria* inventam et a THOUARSIUS descriptam differe a vera *Cycade circinali*. Quia de re nullum dubium esse potest, si aliqua fides descriptioni et iconi est habenda, quas ille Botanicus dedit. — De his conf. *Comment. phytogr.* p. 128—129. Magni momenti sunt, quae auctor de seminis evolutione ac structura fusius refert.

DESCRIPTIO. Cel. DU PETIT THOUARS primus hanc speciem descripsit, imprimis de organis generationis et de germinatione disserens; quas observationes olim in *Comment. phytogr.* l. c. fusius laudavi et hujus opusculi parti organographicae variis locis inserui. Cel. RICHARD l. c. eandem omnino plantam nomine *Cycadis circinalis* descriptis, nec tamen monet, unde specimina acceperit; veri tamen simile est, ipsum THOUARSIUM, cuius amicus erat, et qui plura ei suppeditare solebat, ei hanc plantam obtulisse. Eximiam RICHARDI organorum generationis descriptionem supra pro parte exposui. Heic ea tantummodo repetienda videntur quae ad speciem a reliquis cognoscendam faciunt. — *Arbor* 40—70 pedes alta, *caudice* tereti, simplice, rarius versus apicem ramoso, cortice cinereo intus purpureo, ligno molli albicante. *Frondes* nascentes lanuginosae, adultae 8 pedes longae, *foliolis* oppositis linear-lanceolatis, rigidis, acutis, subfalciformibus. *Rhachis* postice convexa, antice subcanaliculata, inferne (stipite) incrassata utrinque spinulosa. *Conus* ex media corona frondosa protritus brevi-pedunculatus oblonge ovoideo-cylindraceus, subbipedalis et ultra, 5—7 uncias crassus, ingratior odoris. *Spadices* summitate externa subtiliter lanuginosa rutili, subcarnoso-coriaci, 2—3 uncias longi, oblongo-cuncati, demissis fasciis ancipites, ad summitatem exterius truncati, disco truncaturae transverse sublanceolato-rhomboideo, convexi scuto, medio gibbose protuberante in acumen inflexo-ascendens. *Facies* superna planiuscula nudaque; inferna utriusque a medio crassiore leniter declivis et inde planiuscula dibedra, antherifera. *Antherae* ovoideo-globosae, solitariae, geminatae, ternatim vel quaternatim approximatae. *Pollen sulphureum.* *Conus femineus* grandis, turgide ovoideo-conoideus; spadices subincurvo-accumentes, subpedales, spathulati, elongati, ad summitatem lanceolatam et acuminatam obsolete crenati, crassius coriaci, tomento rufo fulvo dense obsiti. Infra summitatem aliquot excisae sunt ad utrumque latus sinibus arcuatis, qui margine subintrorsum canaliculati desinunt inferne in totidem foveolas profundius concavatas, utrinque 1—4, floriferas. — Numerosa spadicum *rudimenta* sterilia subulata extus fertiles stipant. *Ovaria* pisiformi-subglobosa, in vertice depressiusculo tubulo laevigato instrucia. *Fructus* ovi gallinacei magnitudine, paullo compressi, tubulo apiculati, laevigati, flavide rubenes.

ADNOTATIO. *CYCAS SPHERICA* HORTUL. est species, e nostra sententia mere fabulosa, et nihil aliud nisi *Cycas glauca*. (Conf. *Comment. phytogr.* p. 132).

CYCAS SQUARROSA LODDIG. Catalog. mihi non nisi nomine nota.

† II. CYCADITES BRONGN.

(Cycadites BRONGNIART *Prodr.* Mantellia Eus. pro parte. Cycadeoidea spec. BUCKLAND) (1).

Frondes pinnatae, foliolis distantibus, linearibus, basi tota latitudine rhachi insertis, apice acutis, uninerviis.

Observatio. Foliolorum forma hae Protogaeae Cycadeac satis recedunt ab omnibus quae nunc adhuc existant, ideoque in proprium genus collocandae videntur. Ad idem retuli *Mantelliae* speciem, rationibus infra monitis.

1. CYCADITES NILSSONIANA BRONGN. Species unica certa.

Syn. Cycadites Nilssoniana AN. BRONGNIART in *Prodr.* p. 94 et 204. Phyllites Nilsson in *Act. Holm.* 1824. Tom. I. p. 147. Conf. *Eskissse d'un Tableau des Petrifications de la Suède par HEDINGER.* Stockholm 1829.
Icon. NILSSON l. c. Tab. II. fig. 4 et 6. — et anni 1831. Tab. I. fig. 9.

INVENTA in creta inferiore insulae Schoonen.

OBSERVATIO. Cl. NILSSON una cum hujus speciei frondibus reperit spadicem, iis *Cycadis* similem, 5—6 pollices longum, qui ad hanc speciem verisimiliter pertinet. Conf. *Act. Holm.* 1831. Tab. II. fig. 4, 5, 6, 7.

Subgenus MANTELLIA. — *Mantellia* BRONGN. Cycadeoidea BUCKL. in *Geol. Transact.* Tom. II. 1826. nunc *Cycadites* in *op. supra laud.* pro parte. (Conf. *Ann. d. sc. nat.* 1829. Tom. XVI. p. 389—402. Tab. XX—XXI).

2. CYCADITES BUCKLANDII.

Caudices subcylindracei, axi indistincto, cicatricibus frondium rhomboideis, latis exsculpti.

Syn. Cycadites microphyllus BUCKLAND. *Mantellia cylindrica* BRONGN. *Prodr.* p. 96.

Icon. BUCKLAND l. c. Tab. 61. exhibens caudicem silicicum ex insula *Portland*, cum multis gemmis e squarum axillis protrusis; porro sectiones eximiis stipitum, et denique caudicem. Tab. 62. (2).

REPERTA in terra cochiliifera insulae *Portland* et *Lunéville* (conf. BRONN *Zetbaea* Tom. I. p. 153.) sed potius ad formationem cretaceam nunc referenda, teste cl. FIRTON (BRONN. l. c. Tom. II. p. 577.) et quoad exemplar *Lunévilleanum* ad terram *Lias* teste VOLTZ apud BUCKLAND l. c. Tom. I. p. 432.

(1) Nonendum *Mantelliae* nomen jam fossili Zoophytorum generi impositum esse (PARKINSON *Introduction to fossil organic remains* p. 53).
(2) Cl. BUCKLAND adhuc videt tomentum stipitum, et intus fasciculos vasorum interpositis canalibus guarnitferis.

Cum hujus frondes numquam repertae sint, vix ullus est valor speciei, sed ex anatomicis disquisitiōibus satis bene concluditur, genus esse nostrae Cycadi perquam propinquum. — Alias *Mantelliac* Brongn. species ad alia genera retuli.

Observatio. Num ad hoc genus pertinet *Cycadeoidea pygmaea* Lindl. *Foss. Flora Tom. III.* 1835. Jan.?

3. CYCADITES CORDAEI STERNBERG.

Caudices erecti, nunc excavati, aliisque plantarum exuviis repleti.

Syn. *Cycadites Cordaei* STERNBERG in *Verhandl. der Gesellsch. d. Naturl. Museums in Böhmen* 1835 et 1836 p. 25—26.

III. MACROZAMIA.

(*Zamiae* spec. SALISBURY — *Encephalarti* spec. LEHMANN — NOE, olim).

(Tab. IV et V).

Spadices antheriferi dense in conum imbricati, cuneiformes, apice sterili sursum flexo, corpore antherifero linea mediana in duas partes diviso, quarum utraque aream antherarum oblongam fert. *Antherae* dense confertae saepe quaternatim junctae. *Spadices ovariiferi* majores in majorem conum dense collecti, e basi stipitata in peltam quadrangularem crassam in longum et adscendens acumen excurrentem terminati, sub qua in foveis utrinque *ovarium* ovoidem inversum. Nucis *putamen* homogeneum parca pulpa inclusum.

Arbusculae humiliores vel Palmarum in modum procerae, succo gummoso scatentes. *Caudex* cylindricus, lapsarum frondium vestigiis squamatus, plerumque simplex. *Frondes* candicem coronantes numerosae, *stipite rhachique* crassis angulosis, illo inermi aut vix foliorum rudimentis utrinque spinoso, *foliolis* linearibus rigidis, vernatione circa rhachim subspiraliter tortam accumbentibus sibi invicem imbricatis.

Organa generationis in conos vel strobilos grandes collecta, qui solitarii vel geminati ex apice caudicis erumpunt, pedunculis brevibus et crassis suffulti.

Conus spadicum masculorum cylindraceus, elongatus, apice incrassato rotundato. *Spadices* dense imbricati secundum lineas spirales eleganter dispositi, numerosissimi, axi crassiuscule horizontaliter affixi, corpus exhibentes cuneiforme, crassum, cuius pagina inferior linea mediana in duas areas dividitur ac separatur, quac singulæ antheris obsoitæ sunt. Pagina superior serobiculata. *Spadix* in *acumen* elongatur sursum reflexum, sed non in omnibus spadicibus ejusdem longitudinis. Superiores enim in cono longiora, inferiores breviora et brevissima acumina habent. *Antherae* saepe quaternatim junctae, rima transverse dehiscentes.

Conus femineus crassior, magis robustus, e paucioribus spadicibus horizontaliter circa crassum axi secundum lineas spirales insertis, compositus. *Spadices* basi in stipitem hexagonum contracti, apice in corpus crassum peltatum tetragonum rhomboideum expansi, cuius margo inferior extus reflexus in

acumen sursum flexum extenditur. Margines transversi laterales intus flexi foveas tegunt. quibus utrinque ovarium innascitur. Ovaria inversa, ovata, angulata, apice apiculata, cicatrice semilunari foveis adhaerentia. Drupa carne parca putamen oblongum crassum laeve homogeneum includens.

Crescent Macrozamiac in *Nova Hollandia*, imprimis locis depresso maritimis, a 38° lat. merid. verisimiliter ultra 30°.

Medium tenet hoc genus inter *Cycadem* et *Encephalartum*; utroque quoad organa masculina simile, sed simul antherarum dispositione aliisque notis discrepans; huic affine spadicibus feminis, sed ab eo tamen diversum singulari forma corporis peltati et verisimiliter putamine homogeneo. — Habitu elevatiore *Cycadi* similior quam *Encephalarto*, sed frondium vernatione ad hunc proprius accedens.

1. MACROZAMIA SPIRALIS.

M. Caudice humiliore (aliquot pedum), frondibus circumscriptione lanceolatis apice rotundatis, stipe rhachique crassis trigonis vel trigono-cylindricis, antice planiusculis, foliolis oblique insertis oppositis alternis, linearibus vel linear-lanceolatis, subfalcatis, integrerrimis, in acumen spinosum terminatis; conis solitariis vel geminatis, mare clavato-cylindrico, femineo majori cylindrico.

Syn. *Zamia spiralis* SALISB. *Prodri.* p. 401. WILLDEA. *Spec. plant.* Tom. IV. p. 848. PERSOOR *Synops.* Tom. II. p. 631. SPRENG. *Syst. Vegetab.* Tom. III. p. 908. — Omnes aliquis cum dubitatione. — *Zamia spiralis* ROB. BROWN *Prodri. fl. Novae Hollandiae* p. 348. *edit. germ.* p. 204. *Encephalartos spiralis* LEM. *Pugill. sext.* p. 13. Haud Nov. in *Allgem. Gartenz.* 1838. p. 324. nec *Bullet. d. sc. phys. et nat.* 1838. p. 84. ICOR. FERD. BAUER *Illustr. Flor. Nov. Holl. ined.* Tab. 387—391. Tab. nostrae IV et V. (secundum icones BAUER. inedit.).

HABITAT in *Nova Hollandia*, teste R. BROWN in vicinitate Coloniae *Portus Jackson* caet.; num etiam ad Promontorium *Pelican-Point*, in regione fluvii *Cygnorum*, in planicie, cum aliis fruticibus? (CH. FRASER *Remarks on the Botany of the Banks of Swan River, Isle of Euache* caet. in HOOKER *Botanical Miscellany*, Vol. I. p. 227).

DESCRITIO secundum icones citatas FERD. BAUER. *Caudex*, teste R. BROWN, 2—4 pedes altus, cylindricus, 1 pedem et ultra crassus, cicatricibus rhomboideis. *Frondes numerosae*, 40 ad 50 in adultis, quarum exteriōres plus minus recurvatae, interiores rectae sunt. *Stipes* et *rhachis* crassi, rigidi, $1\frac{1}{2}$ metrum longi. *Frondis circumscriptio* lanceolata apice rotundata; stipitis longitudine varia, $\frac{1}{2}$ vel $\frac{1}{3}$ rhacheos longitudinem metiens: est crassus, trigonus vel trigono-cylindricus, antice planiusculus, utrinque spinulas 5 et plures gerens, nil nisi foliolorum mortuorum vel non evolutorum rudimenta. *Rhachis* etiam crassa, versus apicem non multum attenuatur, in universum ejusdem formae ac stipes. *Foliola* ejus anticae inserta, adscendentia et convergentia, oblique affixa, ut margo inferior deorsum aliquomodo juxta rhachin decurrit, dum superior in lobulum rotundatum desinat, ad anticam faciem rhacheos. Inferiora opposita, paullo distantiora (suam latitudinem distant), superiora multo magis approximata, imbricata et alterna. Sunt linearia vel lanceolato-linearia, paullo falciformia, elongata, integra, in acumen spinosum terminata. Infinis et supremis exceptis, quae omnium brevissima sunt, omnia fere ejusdem longitudinis, (18—29 centim.); diameter maximus vir $1\frac{1}{2}$ centim. Nervi in facie inferiore paralleli circiter 10. — *Iuvenilium* frondium rhachis spiraliter torta.

Coni ex apice caudicis inter frondium coronam erumpentes, solitarii vel geminati.

Musculus est clavato-cylindricus, apice obtusus, pedunculo brevi, cylindrico vel subcompresso, 6 centim. longo, 4—5 crasso affexus. *Spadices* iuxta spiras dispositi, arcte imbricati, superiores inferioribus maiores, remotiores: in genere iis Cycadum similes, corpus obserunt cuneiforme spathulatum horizon-

tale, in facie inferiore, utrinque ad lineam medianam, antheras gerens, atque partem elongatam triangularem sursum recurvata et in *acumen* terminatam. Haec pars in cono integro corpus subjacens antheriferum quasi obtagit. Corpus horizontale longum est 4 ad $4\frac{1}{2}$ centim., et superne $3\frac{1}{2}$ latum. Acumen fere $\frac{1}{2}$ longitudinis habet. Spadices inferiores sunt minores, acumine saepe brevissimo. — Antherae in duas areas collectae sunt, quae areae mediana linea separantur; nec valde confertae sunt; saepe quaternatim conjunctae; fissura qua aperiuntur, totam longitudinem occupat. — Conus totus absque pedunculo 42 centim. longus est.

Conus femineus est multo crassior, cylindricus, vel ovali-cylindricus, obtusus, pedunculo crasso, brevi, costato innexus; 6 centim. longo, 6—7 crasso. Axis coni etiam adeo crassus, angulosus, versus apicem parum angustatus. Longitude coni 42 centim., diameter 21. Spadices pauciores ac in mare, spiraliter affixi, ita ut 6 in sectione transversa appareant. Spadices sunt crassi, pedunculati, pedunculis sexangularibus, qui in corpus peltatum, rhomboideum, margine superiorius in longum ac adscendens *acumen* elongatum, incrassantur; corporis peltati margines laterales introrsum recurvati utrinque in fovea ovarium gerunt. Spadices 8 centim. longi, diameter pedunculi 1, corporis peltati 6—7 centim. Superiores spadices majores sunt et longius acuminati quam inferiores. Ovaria angulis oppositis transversalibus affixa sunt inversa, ovoidea, inaequalia, paulisper angulosa, pedunculi longitudinis. Nucleus ovoides, oblongus, 4 et $\frac{1}{2}$ centim. longus.

Embryonis structura similis videtur ac in genere *Cycadis* (conf. ROB. BROWN I. c. p. 347. (203).

ADNOTATIO. Omnes auctores post *SALISBURIUM*, excepto R. BROWN, foliola hujus speciei apice tri-vel quinquedentata vocant, quod autem nec cl. Brown descriptio confirmat, nec eximiae BAUERI icones. Quam ob rem credere posses, speciem ab his auctoribus recensitam a vera *Zamia spirali Salisb.* differre. Cum autem cl. Brown sue plantae hoc synonymon addat, hunc sequi consultius videbatur. — An planarum juvenilium foliola dentata? — An *Encephalartos tridentatus* LEHM. cum hac planta, cui similis, confusus? — Plantae enim, quas nomine *Zamiæ spiralis* vel *Encephalarti spiralis* in Hortis inveni, nunquam ad veram *Macrotamiam spiralem* pertinebant, sed ad *Encephalartum tridentatum* vel *E. pungentem*; saltem si comparatio instituatur cum iconibus Bauerianis.

2. MACROZAMIA FRASERI.

M. Caudice elato (30 pedum) squamis undique tecto, frondibus.... (fere ut in praecedente), conis.... spadicibus spiraliter insertis.

HABITAT in insula quadam ad ostium fluvii *Cygnorum Novae Hollandiae occidentalis* (FRASER I. c.).

DESCRIPTIO et ADNOTATIO. Prima hujus speciei notitia CAROLO FRASER debetur, qui confirmat quae ROBERTUS Brown de specie majore, praecedenti simillima dixit (*Prodrom. Flor. Novae Hollandiae edit. Londin. p. 347. edit. germ. p. 203*). Haec FRASERI verba sunt: «The islands on the flats are composed of a rich deposit carried down by the floods. Their margins are covered with *Metrosideros* and *Casuarina*, and their interior with sea-side succulent plants. On one of these islands I caught sight of a plant with an arborescent habit, which, on examination, proved to be a species of *Zamia*, with spiral fruit, differing only from *Zamia spiralis* in habit. Here the equatorial *Goodenia* disappears.» (FRASER I. c. p. 227). «One mile up the river, from the last point, is a small creek of fresh water issuing from an extensive lagoon clothed with arborescent species of *Metrosideros* of great beauty. The banks are covered with the most interesting plants.... The *Zamia*, seen from the islands, was here observed to attain the height of thirty feet. *Zanthorrhœa arborea*, too, was of equal size, and, associated with the splendid *Banksias*, imparted to the forest a character perfectly tropical» (I. c. p. 229). «It is worthy of remark, that in New South Wales, the presence of *Banksia*, *Zamia* and *Zanthorrhœa* are considered sure criterions of a bad soil» I. c. p. 230.

ROB. BROWN ad *Zamiam spiralem* SALISB. monet. « In Nova Hollandia duae forsitan species prove-
nient, altera in coloniae Portus Jackson vicinitate, humilior 2—4-pedalis; altera in ora meridionali,
saepe 10 pedes alta; in utraque amentum quandoque geminatum occurrit. »

E Museo Botanico Parisiensi partem frondis accepi, ab itineratoribus Gallicis ad oram occidentalem lectae, ad sinum geographorum (*baie de géographie*) in vicinitate fluvii Cygnorum, cui inscribitur *Cyclus* nomen, quo major altitudo equidem indicatur, sed quae evidentissime vel vera Macrozamia spiralis est vel, quod verisimilius habendum, ad *Macrozamiam Fraseri* pertinet. *Pars inferior* hujus frondis *rhachis* habet tetragonam, angulo postico valde prominente, antico inter foliola planiusculo. *Foliola* obliqua affixa, postice ad insertionis angulum gerentia callum semicircularem brunneum glandulaceum. *Foliola* ipsa linearia, aliquando lanceolata, extrosum falcata, in acumen spinosum terminata; basis contracta paullo tumida. Longitudo est fere 24 centim., latitudo 1 centimetro paullo major, superficies superior laevis, nitens; inferior pallidior, nervis circiter 10 percursa. Fragmentum superioris frondis partis etiam *rhachis* offert tetragonam, sed facies antica non est plana, verum in angulum rectum elevata; pars postica valde crassa. *Foliola* sunt alterna, valde approximata, basi non callosa, linearia, recta, breviora et angustiora quam infima, 18 centim. longa et 2 lata.

Diffrerit itaque a fronde *Macrozamiae spiralis*, quam ex iconе BAUERI descripsi, praesentia calli ad foliolorum basin, defectu lobuli superioris baseos, anticae faciei rhacheos imposito, foliolis brevioribus caet.

† IV. ZAMITES BRONGN.

(*Filicites Brongniart olim. — Zamiae sp. LINDLEY. — Zamites ENDLICHEN Gener. p. 72.*)

Frondes pinnatae, foliolorum approximatorum bases auriculatim expansae vel subcordatae, medio paullo incrassatae, supra rhachis imbricatae, apices acutae, nervi divergentes arcuati, interdum bifurcati.

OBSERVATIO. Quatuor hucusque species innotuerunt, effossae in terra oolithica *Galliae* et *Angliae*. A *Zamis* viventibus magnopere recedunt et genus sistunt perquam distinctum, propter foliolorum bases solummodo aliquatenus cum *Macrozamia* comparandum.

I. ZAMITES BECHEI BRONGN.

Z. Foliolis elongatis fere aequilongis obtusis, paullo curvatis.

Syn. Fahrer DE LA BÈCHE in *Geolog. Transact.* 1822. Tom. I. p. 45—46.

Filicites Bechii BRONGN. *Ann. d. sc. nat.* 1825. Tom. IV. p. 422.

Zamites Bechei EUSIN. *Prodri.* p. 94. — BRONGN. l. c. Tom. I. p. 226.

Icos. BRONGN. l. c. Tab. XIX. fig. 4. — DE LA BÈCHE l. c. Tab. VII. fig. 3. — BRONGN. l. c. Tab. XV. fig. 3.

EFFOSUS in *Gallia* apud *Mamers* et in *Anglia* prope *Axminster* apud *Lyme Regis*.

2. ZAMITES. Species.

ICON. SCHIMPER ET MONGEOT *Plant. fossil. Vog. Tab. XVIII. fig. 1.*

V. ENCEPHALARTOS LEHM.

(*Zamiae spec. LINN. fil.* — *Auctt.* — *Encephalartos LERMANI Pugillus VI. p. 3. (a. 1834.) exel. spec.* — *Tab. III.*)

(*Tab. I. fig. u** et *y-z* et *Tab. II. fig. f*, g*, h**).

Spadices antheriferi dense in conum imbricati, cuneiformes, apice sterili recto angustato vel rhomboideo-peltato vel conice pyramidato-elongato, corpore antherifero subtus undique antheris confertis tecto. *Antherae uniloculares.* *Spadices ovariifери* maiores in crassiorem conum collecti, e basi angusta stipitata in peltam rhomboideam quadrangularem planiusculam terminati, subtus utrinque e fovea ovariifera. *Ovarium* inversum oblongum, angulatum. *Drupa* colorata carnosa. *Nux ovata*, putamen e pluribus segmentis inter se coalitis. *Embryo* clavatus.

Arbusculae humiles longaevae (3 saeculorum), caudicibus crassis pro parte sub terra latentibus abbreviatis, ovatis, vel oblongo-cylindraceis, cylindricis, extus frondium lapsarum vestigiis squamosis locatis, glabris aut denso tomento vestitis, intus medullam amplam strato ligneo inclusam continentibus. *Frondes* quotannis evolutae (in cultis saepe per biennium) plus minus numerosae, rigidae, stipite inermi rhachique angulosis, tetragonis, angulo postico plus minus obtuso, antico planiusculo vel costa longitudinali percurso, utrinque canaliculis appositis quibus foliola continue affiguntur, alterna vel subopposita, spinose pungentia, rigida, linearia, lanceolata oblongave, integerrima, vel spinose dentata lobatave. *Vernatio* rhachidibus rectis et foliolis imbricatim sibi superpositis (ita ut pagina postica vel inferior tunc superior sit), rectis, ab utroque frondis latere sibi convergentibus, denso tomento, dein deciduo, tectis, obtinet.

Spadices masculini colorati glabri vel extus tomentosi, in conos cylindraceos oblongosve fere sessiles dense conferti, obferunt *corpus* cuneatum, in pagina inferiore omnino antheris tectum; sursum attenuatum in *partem brevem sterilem* aut rhomboideo-complanatam aut magis pyramidaliter protractam. *Antherae uniloculares* polline albescente repletac.

Spadices feminini colorati, crassiores breviores (subinde fere globos) conos efformant, iis *Macrozamiae* similes, sed ipsi diversi sunt apice peltato extus plano, glabro vel dense tomentoso, rhomboideo-quadrangulari, et nucis *putamine* ovato e pluribus segmentis coalitis formato. *Drupae* oblongae, angulatae, succosae, coloratae, glabrae. *Albumen* fere corneum, *embryonem* fovens unum perfectum album, clavatum, parte tenuiore foras adpamente et membranae interiori putaminis ope fili adhaerente. In foveis singulis *embryonum* abortivorum rudimenta.

Florent in solo natali *Junio* et *Julio*, sed strobili jam *Majo* progerminandi initium fecerunt, adeo ut duo tresve menses requirantur ad eorum evolutionem. *Januario* et *Februario* fructus maturescunt.

OBSERVATIO. LINNAEUS primum *Zamiae* genus condidit secundum speciem veram *Zamiac Americanam*. Huic postea LINNAEUS *filius*, THUNBERGUS et reliqui auctores species Austro-africanas adnumeraverunt, differentias graviores imprimis organorum generationis non perpendentes. Cel. ROB. BROWNS (*Prod. fl. Nov. Holl.* p. 348, edit. germ. p. 204.) monet: »Species Americanae quae *Zamiae genuinae*, a cop-

sibus et Novae Hollandiae forsan genere distinguendae, monente cel. DRIANDRO, propter squamas masculas peltatas, muticas, femineis conformes, et acervulos antherarum binos distinctos: in his porro pinnae cum rhacheos processu manifeste articulatae sunt, cum sint in reliquis vel obsoletissime articulatae vel omnino decurrentes."

SPRENGELIUS in *System. Veget.* Zamias L. divisit in veras seu Americanas et desciscentes seu Africae et Novae Hollandiae incolas, illis antheras biloculares, his uniloculares tribuens; divisio sanc laudanda, sed character jure merito a LEHMANNO (*Pugill. VI. p. 3.*) ad errores rejectus.

Cl. LEHMANN genus Encephalartos, species capenses et australasicas complectens, condidit (l. c.), et eximis characteribus ac iconibus illustravit. Omnes autores hodie hoc genus recipere non dubitaverunt. — Ab eo autem species Novae Hollandiae genere differre, probavi, quare Encephalartos nunc solummodo speciebus austro-africis compositus est.

DISTRIBUTIO GEOGRAPHICA. Errant autores qui has plantas in regione capensi crescere perhibent; occurunt enim solummodo in iis *Africae Australis* tractibus, ubi Flora Capensis finitur, scil. *Ericaceae*, *Proteaceae* caet. evanescunt et vegetatio incipit, cuius character potius tropicus est, calido aeri ex Africae arenosis campis stante exposita; est haec *Flora Cafferana*. Prima *Encephalartorum* vestigia ex ECKLONI et ZEPHERI testimoniis apud *Uitenhage* inveniuntur, ubi arborum panem promentium nomine, passim exiguis in locis montanarum partium terrae caffrae inveniuntur, diremti saepe plurimum milliariorum intervallis, ubi nulli existant. Magnam messem et rarissimorum illi viri legerunt in intimo ejus terrae sinu, quae ab *Amatymbis* seu *Tambookis* incolitur. Crescunt autem nequaquam in ampla planicie locorum campestrium, sed montuosas regiones adamant, alii solum saxosum, alii virgultis obsitum, alii terram humo divitem praefuerunt; non in glabris montibus nascentur, sed locis densis rarisse fruticibus undique circumscitis. Altissima exemplaria, 4—5 pedes alta, ibi reperta sunt. Montes quas incolunt 2000 pedes altae et continentur jugo 8—10,000 pedum, in *Tambookis* sito, quorum terra, inter orientem et septentrionem interjecta, a jugis montium nive ac procolla rigentium excurrat ad sinum *Delagoa*. Hi terrae tractus 1800 millaria anglica ab urbe capensi distant. Numquam magna specimenum frequentia est; aliquando tres vel plures proprieores, e seminibus unius matris delapsis forsan orti (conf. de his LEHMANN l. c. 4—7) (1).

Statuendum itaque videtur inde fere a Promontorio B. Spei ad 20° lat. merid. has plantas extendi, adeoque vegetationi tropicae fere annumerandas esse. »Flora, quam capensem dicere consuevimus, per hanc terram paullatim immutatur adeo, tantamque demum similitudinem cum insulae Madagascariac, Mascarenharum aliarumque terrarum magis remotarum floris adispicitur, ut in singulis sive differentiis, sive convenientiis eligendis haecream» (E. MEIER *Comment. de plant. Africæ austral.* Vol. I. fasc. I. p. XXVIII). — Idem auctor (l. c. p. XXIX.) monet in terra *Tambookorum* flumina frequatissime nec longe orta inter colles graminosos, alias vix ultra 500 ped., alias fere 3000 altos defluere. (Conf. *Floræ Africæ australioris Illustrat. monographicæ*; scripsit C. G. NEES AB ESENBECK. 1841. p. IX—XX)

Vix dubium videtur, plures adhuc hujus generis species in interioribus calidisque Africae australis regionibus ad orientem et septentrionem sitis occurrere.

Magni momenti esset, si quod e nomine unius speciei magna profecto cum dubitatione concludendum putavi, revera in *insula Mauritii* hujus generis civis cresceret.

USUS. Materiam, medullæ candicum insidentem torrente incolae, iostaque vesci solent, et quomodo panis exinde paretur, THUNBERGII exposuit (conf. infra *E. caffer*). Fructus *Eleutheratis* pluribus pabulum praebent, teste cl. LEHMANN.

Magna copia amyli e candicibus extrahi potest. MEIERES conformatiōnem granulorum amyloseorum delineavit (*Neueste Fortschritte* p. 305. Tab. VIII. fig. 2—3).

OBSERVATIO I. Plurimum bujus generis specierum organa generationis adhuc incognita sunt, quare omne dubium de iis hic referendis nondum sublatum est. Nec omnia, quae inspexi, omnino eam confor-

(1) Nonendum plures species ab iisperitoribus, longa itinera in interioribus regiones facientibus, detectas esse.

mationem exhibuerunt, quam cl. LEHMANN in hujus generis charactere indicavit, quamobrem hunc aliquomodo mutare coactus fui. Olim fortasse hoc genus in plura genera solvendum vel in subgenera dividendum. Tanquam horum typos nunc indicare placet *E. Friderici Guilielmi*, — *E. Lehmanni*, — *E. caffrum*, — *E. horridum* — *E. Altensteinii*.

OBSERVATIO II. *Plantae fossiles* quas auctores ad *Zamias* referre solent, ad hoc genus majore jure referendae videbantur, cum nullum vestigium insertionis foliorum articulatae reperiatur.

OBSERVATIO III. Species hujus generis omnes olim ad *Zamiae* genns relatae sunt, ante quam cl. LEHMANN genus *Encephalarti* condidisset. — Prima notitia cuiusdam hujus generis speciei inveniri videtur in *Indice plantarum Africanarum*, ad calcem *Thesauri Zeylanici Burmanniani* impresso, p. 10. nomine: »*Filix africana, pennarum lacinii in acumen desinentibus*“ caet. — A. VAN ROTEN plures species e Promontorio Bonae Spei accepit, quas KOLBE collegisse potuerit, qui gubernatoris jussu interiores illius terrae regiones peragravit (conf. THUNBERG *Flor. Capens. edit. Hafn. Praefat.* p. 4). ROTENUS autem nil de his plantis in publicum emisit et ita factum est, ut in ejus Herbario ad nostra usque tempora plantae rariores latuerint, quas nunc ab itineratoribus denuo detectas, a diligentissimis nostri aevi Botanicis descriptas cognovimus. ROTENUS eas omnes ad *Cycadis* genus retulit. (Conf. *Observat. nostras de Cycadeis Herb. Lugd. Batav. in Bullet. d. sc. phys. et natur. en Néerl.* 1838). Plures etiam species viventes sed non descriptae per longum jam temporis spatium in Hortis botanicis latuerunt. — THUNBERGIUS ad caput B. Sp. speciem detexit primusque descripsit, *Cycas caffra* dictam (*Act. Upsal.* Vol. 2), quam LINNAEUS fil. mox ad *Zamiae* genus retulit. — TILLIUS alteram speciem in *Horto Pisano* descripsit (*Z. pungens* Tab. 45). — JACQUINTUS quatuor species primus edidit: *Z. cycadifolium*, *Z. longifoliam*, *Z. lanuginosam* et *Z. horridam*. (*Fragment. botan.* — *Icon. rar.* — *Hort. Schoenbr.*) — His WILDEBOWIUS *Z. tridentata* addidit. (*Sp. plant. et Hort. Berol.*) SALISEURIUS *Zamiam spiralem* Novae Hollandiac descripsit, ad *Encephalartum* a cl. LEHMANN, nunc ad proprium genus a nobis relatum. — PERSOONIUS in *Synops.* Tom. II. p. 631. septem species enumerat, *Zamiam Cycadis* cum *Z. lanuginosa* conjugens. — SPRENGELIUS in *System. Veget.* Tom. III. p. 908. octo species habet, *Zamiam caffram* Thb., tanquam propriam speciem enumerans.

Postquam naturae scrutatores usque ad interiores Promontorii B. Speci regiones penetrare coepi, maiorem *Encephalartorum* messem legerunt. Cl. LEHMANN, cui species novas describendas tradiderant indefessi itineratores ECKLON et ZEEHER, generis characterem eruit, et novas species *E. Friderici Guilielmi* et *E. Altensteinii* fusius descripsit (*Pugill. VI*). Cl. ECKLON tertiac novae speciei *E. Lehmanni* nomen imposuit. — Ipse inter plantas Horti Roterodamensis novum *Encephalartum* reperi ac descripsi (*E. elongatus* in *Bull. d. sc. phys. et natur.* 1838). — E ditissima sua collectione LEHMANNUS plures cum cl. VRIESE communicavit, qui eorum definitiones publici juris fecit, addita *E. brachiphylli* LEHM. fusiore descriptione (*Tijdschr. v. Nat. Gesch. en Physiol.* Tom. IV). — Postea *E. Marumii* tanquam novam speciem descripsit. — Auctor autem levioribus notis et aetatis differentiis characteres specificos nobis superstruxisse videtur. — Totius generis synopsin ipse dedi in OTTO et DIETR. *Allgem. Gartenz.* 1838. N°. 41. et observationes in *Annal. d. sc. natur.* 2 serie Tom. X. p. 366.

CLAVIS SPECIERUM (viventium).

A. Foliola anguste linearia.

I. * integerrima.

a. plana. — *E. pungens*.

b. revoluta.

* rhachis semieteres — *E. cycadifolius*.

** " tetragona. — *E. Friderici Guilielmi*.

II. * plerumque tridentata. — *E. tridentatus*.

- B. Foliola latiora, lanceolata vel lineari-lanceolata.
- I. " integerrima.
 - a. longissime lanceolata. — *E. elongatus*.
 - b. lanceolata, glauco-pruinosa. — *E. Lehmanni*.
 - II. " plura dentata. — *E. mauritianus*.
- C. Foliola brevissime lanceolata, inversa. — *E. brachyphyllus*.
- D. " lanceolata vel elliptica, dentata.
- a. margine inferiore dentata, glauca. — *E. spinulosus*.
 - b. utrinque, raro uno margine dentata. — *E. Altensteinii*.
- E. Foliola lato-lanceolata, ovalia, integerrima.
- a. inaequilatera, acuta. — *E. caffer*.
 - b. inaequaliter subfalcatim lanceolata, longiora. — *E. longifolius*.
- F. Foliola lanceolata serrata, lobata.
- a. margine inferiore uni-vel bi-dentata. — *E. lanuginosus*.
 - b. " " " uni-tri-divaricata et grande dentata. — *E. horridus*.
- G. integra, vel margine inferiore bi-tridentata, vel apice bicuspidata, dentibus non divaricatis. — *E. nanus*.
-

1. ENCEPHALARTOS PUNGENS LERM.

E. Caudice rhachi stipiteque trigonis vel semitereti-tetragonis, foliolis alternis longe linearibus (trigesies fere longioribus quam latis) in acumen spinosum terminatis, basi postice et sursum callosis, integerrimis, planis, infra striatis, supra nitentibus, rigidis.

Syn. *Zamia pungens* AITON, Hort. Kew. SPRENG. System. Keg. Tom. III. p. 908. PERSOON Synops. Tom. II. p. 631. HABD BUCKLAND l. c. Tab. 59. nec *Hort. Parisin.*

Zamia cycadifolia et *Zamia spiralis plurium* HORTOR.

Encephalartos pungens LEEMANN Pugillue VI. p. 13. nob. in OTTO et DENTZ. Gartenz. Tom. cit. p. 324

ICOR. M. A. TRAVES Catalogus Plantarum Horti Pisani, Florent. 1723. p. 129. Tab. 45. (1).

HERBARI. WILLDENOW. N°. 18530. (frons a SIMON missa).

HABITAT in Promontorio Bonae Speci.

OBSERVATIO. Haec species plerumque cum *Encephalarto cycadifolio* et *Macrozamia spirali* ab anchoribus et Hortorum praefectis confunditur, qui ambo satis superque differunt. sed in quos bene quadrat brevis illa phrasis specifica qua haec species in systematibus circumscribitur.

DESCRIPTIO. WILLDENOWIUS specimini suo, quod frondis partem superiorem refert, inscripsit: »*Zamia pungens*, frondibus pinnatis foliolis linearibus multinerviis." — Haec frons circiter 35 centim. longa rhachin offert semitereti-tetragonam, trigonamve, glaberrimam, foliola alterna, conferta, erecta, linearia, sursum lanceolatim attenuata, in apicem spinosum pungentem sphacelatum terminata, basi constricta, antice ad angulum superiorem et (nec ita fortiter) postice callosa, verrucosa, verruca fuscescente; decem vel octo circiter nervi longitudinales, crassiusculi, in facie inferiore pallidiore quam perspicue observandi, dum superior facies est laevissima, glaberrima non nervosa; margines integerrimi, plani; compages dura, rigida. Maxima 16—19 centim. longa, 6—7 millim. lata; suprema foliola paullo breviora, sed bis terve angustiora.

Huc etiam pertinet planta, quam nomine *Zamiae cycadifoliae* Jacq. ex *Horto Gandavensi* benevolè misit cl. KROK. Hujus frons equidem a praecedente levius differt, habitu graciliiori, foliolis aliquid remotioribus et magis patentibus, sed alioquin certe est identica. Stipes 10 centim. longus, basi vix $\frac{1}{2}$

(1) Tullus Asiac ac Africac varias regiones peragravit, et ex ingenti collectarum plantarum numero plures ipse descripsit.

latus, sursum attenuatus, semiteres et antice profunde canaliculatus. *Rhachis* fere $\frac{1}{2}$ metrum longa; inferne 4 mill. crassa, semiteres, plane antice costa elevatore percurso, *foliola* utrinque 26—27, infima fere opposita, reliqua alterna, sed bina opposita semper plus minus approximata. *Omnia* longe linearia, recta vel aliquid falcata, maxima 13—14 centim. longa, 5—6 millim. lata, basi angustata non adeo callosa ac in praecedente specimine; *nervi* 6—7—8 in pagina inferiore pallida cernendi, in pagina superiore laevissima niente obscurioris coloris nequaquam conspicendi. *Margines* non omnes plani, sed quidam, imprimis versus folioli basin, paulisper revoluti.

Ab eodem amicissimo botanico accepi partem supremam frondis nondum omnino explicatae, foliolis adhuc imbricatis, nomine *Zamiae spiralis Salisb.-Hort. gandav.* Sed et hanc ab *E. pungente* non differre puto; nam praeter quod foliola paullatum breviora sint, nulla gravior differentia est. *Nervi* solummodo obsoletiores. Monendum autem, in fronde hac nascente nullum prorsus pilum observari, eamque ideo hac ratione a plurimis aliis speciebus differre, quibus nascentes frondes pilosae sunt. — Bases foliolorum imbricatorum juxta rhachis collocatorum, hanc convexe amplectuntur.

Majoris momenti videtur frons *Herbarii Lugd. Batavi* in *Horto Bogoriensi* (Buitenzorg) prope *Bataviam* culta, quam ad hanc speciem referre nullus dubito. Tota $\frac{1}{2}$ met. longa, quorum *stipes* 13 centim. metitur; hic semiteres est, antice canaliculatus; rhachis semiteres antice magis plana. *Foliola* alterna, exceptis supremis, utrinque 28, quorum infima mediis vix breviora; superiora sensim minora, unde frondis circumscriptio fere triangularis. *Omnia* linearia, recta, subfalcatae, ad basin paulisper torta sed obsolete tantum callosa, apices molliter pungentes. Pagina superior atroviridis subnitens non striata, inferior pallidior sex nervis striata. *Margines* omnino plani. Maxima 13—14 centim. longa, 4—5 mill. lata, compages mollis flexilis, sed crassior ac in specimine *Herbarii Willdenoviani*.

2. ENCEPHALARTOS CYCADIFOLIUS LEHM.

E. Caudice glabro, rhachi semiterete canaliculata pubescente, demum glabra (?), foliolis inferioribus fere oppositis, reliquis alternis, linearibus (plus quam trigesies longioribus quam latis) mucronatis glabriusculis, conis glabris.

Syn. *Zamia cycadifolia* JACQUIN *Fragment.* Tom. I. p. 27. N°. 91. *PERSOON* *Synops.* Tom. II. p. 631. SPRENG.
System. Veget. Tom. III. p. 908.

Encephalartos cycadifolius LEHMANN *Pugill.* VI. p. 14. — *nob.* I. c. p. 823. *excl. spec. Herb. Lugdun.*, reliq.
et *Zamiae Cycadis* LINN. fil.

Icon. JACQUIN I. c. Tab. 25 et 26. — Tab. nostra I. fig. y-z. (semen).

Herbar. WILLDENOV. N°. 18529 (specimen quod ex ipso *Horto Schœnbrunnensi* accepit WILLDENOWIUS).

HABITAT in *Promontorio Bonae Spei*.

ADNOTATIO. Haec species quam proxime ad *Enceph. Friderici Guilielmi* accedit, et vix inter frondem *Herb. Willdenov.*, profecto authenticam et frondes illius aliam differentiam video, ac *E. cycadifoli* staturam minorem graciliorum. *Frons* 60 centim. longa, *stipes* ac *rhacheos pars inferior* 5—4 millim. crassa, semiteres, antice canaliculata (an exsiccatione), superior *rhacheos pars tereti-tetragona*. Pili tomentosi sparsi. — *Foliola* utrinque fere 55, inferiora remotiora, superiora confertiora. Caetrum situs et habitus ac in *E. Friderici Guilielmi*; maxima 9—10 centim. longa, 3 millim. lata, sed nervis paucioribus, nec, saltem in pagina inferiore, fere sulcata.

An haec species *forma junior E. Friderici Guilielmi*?

Rhacheos forma antice canaliculata ad differentiam specificam stabilendam vis sufficere videtur, cum potius exsiccatione factum crediderim. — Conos non vidi.

Video in *Herb. LEHMANNI* juvenilem frondem a cl. OTTO ex *Horto Berolinensi* a. 1833. sine nomine

missam ei a cl. LEHMANN ad *E. cycadifolium* relatam quae statura minore a specimine *Herb. Willdenoviana* multum differt, adeo autem essentialibus characteribus congruit, ut de identitate dubium non sit. Ad quod profecto attendendum, cum ita, quod de arcio connubio inter hanc et sequentem speciem monui, confirmetur. — *Frons* fere $\frac{1}{2}$ metr. longa. *Stipes rhachisque* trigona, antice plana, glabra. *Foliola* omnia fere subopposita, utrinque 37, linearia, pungentia, marginibus revolutis, in pagina superiore nitentia, inferiore pallida nervosa; maxima 3—4 centim. longa, 2 millim. lata.

Nucem ex Promontorio B. Spei acceptam infra descriptam videas p. 14.

Uus. E caudice hujus etiam speciei simili ratione ac infra de *E. caffro* monui, materiam farinaceam extrahi ab incolis *Hottentotis*, refert DUGALD CARMICHAEL, Tribunus militum (1).

3. ENCEPHALARTOS FRIDERICI GUILIELMI LEHM.

E. Candice lanuginoso, rhachi tetragona lanuginosa, foliolis oppositis alternisve linearibus (vigesies longioribus quam latis) subfalcatis strictis rigidis acuminate sulcatis, conis solitariis, masculo cylindraceo, femineo oblongo-ovoideo, extus tomento triticeo dense obtectis.

Syn. *Encephalartos Friderici Guilielmi* LERMANI *Pugill.* VI. p. 8—11 et 13. (1834) (vidi specim. in ejus herbario). — *Nob.* in OTTO et DIETR. *Allg. Gartenzeit* I. c. p. 322.

Icon. LERMANI I. c. Tab. I, II et III, plantam integrum florentem magn. min. et frondes ac organa generationis nat. magn. exhibentes.

HABITAT in *Promontorii B. Spei* regionibus *Tambooko*, in collibus 800 millaria ab urbe capensi distantibus, supra regionem *Mimosearum*, inter frutices carnosos, *Rhamneas*, *Leguminosas*; rarius. (ECELON et ZETTER).

DESCRIPTIO. Splendida haec species, ab ECELONO ac ZETTERO detecta, et a cl. LERMANI descripta atque nomine insignita Regis optimi ac generosissimi, scientiarum promotoris ac patroni, qui in ditissimo Palmophylacio insulae Pavonum plures etiam Cycadeas coluit.

Caudex rectus est, cylindricus, tribus vel quinque pedibus altior, $1\frac{1}{2}$ crassus, totus denso tomento tectus, sub quo rhomboidales frondium delapsarum cicatrices latent. — *Frondes* circa ejus verticem rotundatum dispositae, quovis anno viginti vel viginti quinque efformantur, sed quia per plures annos persistant, tota *corona* sexaginta fert et plures. Longae sunt $2\frac{1}{2}$ ad 3 pedes. *Rhachis* $\frac{1}{2}$ pollicem crassa ad basin, est obtuse tetragona et tomento persistente brunneo tecta. *Foliola* utrinque 100 ad 120 ad rhacheos angulum obtusum posita, valde approximata, fere horizontalia, paullo arrecta, inferiora alterna, superiora opposita, basi tota affixa, linearia, cum aliis speciebus comparata brevia, acuminate, subfalcata, striata nervis longitudinalibus et postice pilis appressis griseis obtecta, qui provectione aetate evanescunt, quando epidermis saturate viridis in conspectum venit. *Stipes* ipse $\frac{1}{2}$ vel $\frac{1}{3}$ adaequal longitudinis totius frondis. *Foliola* versus apicem frondis magnitudine decrescent, sed infima medis una tercia parte minora sunt, quae 8 ad 9 centim. metiuntur, summa 2 tautum. Diameter transversus maximus 5 millim. *Tomentum* brunneum rhacheos singularem habitum exprimit.

Coni, tam mares quam feminei, non nisi solitarii adparent. *Conus* mas 8 ad 12 pollices longus, $2\frac{1}{2}$ —3 crassus; directione perpendiculari ex apice caudicis exsurgit; *pedunculus* 2—3 poll. longus, $\frac{1}{2}$ — $\frac{3}{4}$ crassus. *Spadices* spiraliter circa axem cylindricum $1\frac{1}{2}$ centim. crassum ita dispositi sunt ut in sectione transversa fere sex adpareant, valde approximati. Sunt crassi, cuneiformes, apice contracti in rhombum peltatum, tectum tomento brunneo 2 lineas crasso. Longi sunt 3, basi 1, sub apice 2 centim. crassi; diameter

(1) *Hooker Botanical Miscellany* Vol. II. p. 265. Formam caudicis comparat cum magno *Pinum stroibile*.

apicis peltati aequat illum baseos. *Facies superior* scrobiculata, *inferior*, excepto apice conico, duabus areis inter se confluentibus antherarum praedita, *antherae* valde confertae, sessiles, ovaliformes, uniloculares, longitudinaliter dehiscentes, grano miliario paululum minores.

Conus femineus ovoido-elongatus est, 10 ad 15 pollices longus, 5 ad 7 crassus, *pedunculus* breviori quam masculinus innexus. *Spadices* dispositi circa axem 2½ centim. crassum, majores sunt et in quavis spira numerosiores (ex. gr. novem in transversa coni sectione), corpus peltatum et pedunculatum referunt, cum tomento 5 centim. longum, quorum pedunculus 3 habet, qui angulosus est, costis acutis, medio contractus, et ibi 5 millim. crassus, sursum incrassatus et corpus formans 4 centim. crassum in diam. transverso, peltatum, quadrangulare, margine superiore majore, rhombiforme, utrinque compressum ac tectum denso tomento triticei coloris. *Rhombus* infra subrotunda obtusus est, et latera ejus compressa prolongantur in uncinos, qui in summis spadicibus, quorum basis latior est, prorsus evanescunt. *Superior* squamarum facies est inaequaliter sulcata; *inferior* utrinque sinu subrotundo condit *baccas carnosas* nubes ovatas includentes.

Frondem hujus speciei e *Palmophylacio insulae Pavonum* prope Potsdamum accepi, carpitam e specimine 2 pedes et 9 pollices alto, caudicis peripheria 3 pedes et 7 pollices metiente, et quinquaginta frondes gerente. Haec *frons* fere metrum metitur, est paucum curvata; *stipes* centimetro crassior, *rhachis* inferius hunc adaequans, tetragona et exsiccatione antice basi uni-, sursum bisulcata. *Foliola* utrinque fere 110; omnia rigidissima, tota basi cum rhachi articulata et faciliter solubilia, linearia, majora 9—10 centim. longa, in spinam duram pungentem terminata, fere 5 mill. lata, exsiccatione revoluta, *nervis* fere decem, et inter hos in utraque pagina profunde sulcata; sed profundius et grossius in pagina inferiore, quae glabra est; superior ad margines lanam majorem aequa ac rhachis et stipes gerens, dum reliqua superficies grisea et non splendens prodit, tenui pulvere furfuraceo tecta.

In *Herbar.* LEHMANNI frondes existant juveniles nascentes, foliolis nondum perfecte explicitis. *Stipes* rhachisque densissimo tomento fusco tecti. *Foliola* vernatione imbricata ita ut facies in adultis postica nunc superior sit; sed omnia secundum longitudinem rhachi accumbentia, pilosa, plerumque paullisper curvata.

4. ENCEPHALARTOS TRIDENTATUS LEHM.

E. Caudice cylindraceo glabro, rhachi stipiteque semiterete antice subcanaliculata, foliolis alternis, superioribus suboppositis, linearibus (riges quinque longioribus quam latis) rectis subsulcatis, apice inaequaliter inciso-tridentatis integerrimis, serratura unica subinde ad marginem inferiorem supra medium accedente, glabris, subsulcatis.

SIR. *Zamia tridentata* WILLDEK. *Spec. plant.* Tom. IV. p. 845. *Enumerat. Hort. Berol.* p. 1822. PERSOON
Synope. Tom. II. p. 681. SPRENGEL *Syst. Veget.* Tom. III. p. 908.

Encephalartos tridentatus LEHMANN *Pugill.* VI. p. 13. Nob. in OTTO et DIETR. *Gartenzeit.* 1838. p. 325.
Encephalartos spiralis *Hort. Roterod.* Nob. I. c. p. 324. (*Zamia*) *Herbar.* PERSOON. Nob. in *Bullet. d. sc. phys.*
et natur. en Néerl. 1838. p. 64.

ICON. *Tab. nostra VI.* frons Herbar. Willdenoviani.

HERBAR. WILLDENOV. N°. 18531. — HERBAR. PERSOON. nomine *Zamiae spiralis*.

HABITAT verisimiliter ad *Promontorium Bonae Spei* (WILLDENOW.). — Colebatur WILLDENOWII tempore in *Horto Berolinensi*.

DESCRIPTIO. *Frons* quae in *Herb. Willdenoviana* extat, est 55 centim. longa, quorum *stipes* fere dimidiam partem constituit; hic est gracilis, gracilior quam in congeneribus, diametro baseos 3 millim., glaber, laevis. *Rhachis* multo tenuior, 2 millim. crassa, antice planiuscula, in acumen exiguum supra suprema foliola producta. *Foliola* inferiora, exceptis infimis, sunt maxima; sequentia sensim diminu-

untur; sunt alterna, sed per paria approximata, superiora magis opposita. Compages siccalorum etiam flexilis, satis tenuis, ad instar *Zamiae* specierum; sunt omnia glabra, profunde colorata, in facie superiore magis splendentia quam in inferiore; linearia, imprimis inferiora curvata ad marginem inferiorem, hinc falcata, superiora potius recta. Ad basin et apicem contrahuntur, in medio, ubi latissima sunt, 4 mill. lata video. *Longitudo* maximorum 10—11 centim. Apex dividitur in tres serraturas, aut potius in duas, apicis acumini (tertiam serraturam efficienti) proximas. Serratura sunt spinosae, inaequales, divaricatae, serratura superior plerunque apici magis proxima est quam inferioris marginis. In plurimis foliolis praeter apicis serraturas ad marginem inferiorem una exstat non valde ab apice remota, semper supra medium folioli. *Margines* levissime revoluti sunt, nervi fere 4 vel 5 longitudinales, in utraque facie discernendi, sed in inferiore compages inter eos quasi depressa id efficit, quod *WILDENOWIUS* *suleatum* vocabat. Utrinque 21—22 foliola numerantur.

In *Herb. PERSOONII*, quod nunc in Museo botanico Lugduno-Batavo servatur, nomine *Zamiae spiralis* SALISB. frondem reperi, (cui Nova Hollandia, forte ab perversam definitionem, tanquam patria inscripta est) quam nunc, comparatione facta cum authentico specimine Willdenoviano, ad hanc speciem referre nullus dubito. Ejus foliola sunt linearia, subfalcata, omnia fere integerrima, quaedam superiorum bi-tridentata. Foliola 12 centim. longa, 5—6 mill. lata. (*Bull. d. sc. phys. et nat. en Néerl.* 1838. p. 84).

In *Caldario Horti botanici Roterodamensis* juvenilis Encephalartos colitur ex hortis belgicis nomine *Zamiae spiralis* introductus, quem nomine *E. spiralis* in *OTTO et DIETR. Gartenz.* l. c. commemoravi, sed quem nunc etiam *E. tridentatum* habeo, cultura calidiora paullo graciliorem factum: foliola plura integra sunt vel apice bidentata, raro tridentata. Dispositio autem foliolorum, forma, dentes nullatenus a specimine Willdenoviano differunt. Video utrinque 20 foliola, 12—13 centim. longa, 4—5 mill. lata, quinquenervia; color paginae inferioris pallescens. — Pili sparsi in fronde nascente.

In *Herbario LEHMANNI* vidi frondem ab exp. MACROT missam, quam hue referre nullus dubito, etsi quaedam differentiae inveniantur. Est $\frac{1}{2}$ metro longior, habitus robusti. *Stipes* brevis rhachisque semitereti-trigona, dimidio centimetro crassior. *Foliola* alterna suboppositave, utrinque circiter 44, valde approximata, superiora fere imbricata, *margini* inferiore subdecurrentia, rigida, in *pagina* superiore nitentia, inferiore fere octo-nervia, *marginibus* paullo revoluta, omnia linearia, non omnino recta, subfalcata, versus apicem valde attenuata, pungentia: inferiora omnia integerrima, superiorum quaedam apice tri-spinoso-serrata vel margine inferiore supra medium remote et valde obtuse bi-unidentata. Inferiora 17—19 centim. longa, 5—6 millim. lata.

Accedit statura fere ad *Macrozamiam spiralem*; videtur specimen magis adustum et frigidius cultum quam Willdenovianum et illud quod in *Hort. Roterod.* colitur.

5. ENCEPHALARTOS ELONGATUS LEM.

E. Caudice glabro, rhachi sursum recurva obtuse trigona, facie antica bicanaliculata, foliolis numerosis antrorsum convergentibus, inferioribus alternis remotioribus, superioribus magis approximatis suboppositis, mediis longissimis, longe lanceolatis (decies quater longioribus quam latis), basi contractis, apice spinoso-acuminatis, integerrimis, glaberrimis.

Syn. *Encephalartos procer nob. MSS.*

Encephalartos elongatus LEM. *MSS.* (vidi specim. in ejus Herbario) — *Nob. in Bull. d. sc. phys. et nat. en Néerl.*

1838. p. 11. *OTTO et DIETR. Gartenz.* 1838. p. 322. *Comment. phytogr.* p. 110—111.

Icon. *Commentar. photographici* l. c. Tab. XIII.

HABITAT in *Promontorii Bonae Spei* regionibus interioribus, unde cum *E. horrido* in *Hort. Roterodamensem* introductus est. Colitur etiam in *Horto PARMENTIERI*.

OBSERVATIO. Ab omnibus affinibus elegans haec species differt frondium ac longissimarum pinnarum directione. Caeferam *Encephalarto Lehmanni* propinqua; frondium apex in illa specie etiam aliquo modo recurvatus est (conf. OTTO et DIETR. *Allgem. Gartenzeitung* 1836, Tab. I).

In nostra *Caudex* uno quarto centimetro paullo altior est, cylindraceus, basi aliquomodo angustatus, apice obtuso subconico paulisper incrassatus, glaber. *Squamae* appressae, imbricatae, obtuse rhomboideae, latae, glabrae. *Frondes* plerumque post biennium verno tempore de novo protrusae, (v. c. Aprili), numero quinario vel septenario, cum iis anni praecedentis elegantem coronam componunt; *nascentes* (fusce viridis coloris) et juveniles pilis griseis vel griseo-fuscis sparsis patentibus at mox deciduis in rhachi et foliorum facie postica marginibusque tectae, ciliatae, adultae glaberrimae, graciles, elongatae, metrum et plus longae, erecto-patentes. *Stipes* brevis non valde crassus, *rhachis* gracilis, versus apicem recurvata, ut stipes obtuse trigona, angulo postico obtuso fortiore, facie antica paullo elevata bicanaliculata in rhachi, inter utrumque canalem elevata obtusumque dorsum subinde obsoletum exhibente, in ejus vicinio affiguntur *foliola* numerosa, utrinque 30, 35, imo 40, non flabellatum patentia, sed imprimis superiora antrorum convergentia, paulisper erecta, nec horizontaliter posita, inferiora alterna, sed tamen semper aliquatenus per paria approximata, superiora subopposita et in universum confertiora, infima et summa reliquis breviora, haec brevissima, omnia in universum valde elongata, longe lanceolata, angusta, recta aut rarius subfalcata, *margine* imprimis superiore plus minus incrassato, *basi* contracta, *apice* longe et spinose acuminate, dura, rigida, viridia, rarius pareo rore glauco (imprimis juvenilia) suffusa, glaberrima, in pagina superiore tuberculis verrucisve e matre gummosa in parenchymate accumulata ortis instructa, in pagina inferiore pallidiore non nitente nervoso-striata, nervis longitudinalibus fere viginti. Rarissime ad marginem inferiorem prope apicem exiguis deas invenitur, quasi naturae lusu. *Longitudo* foliorum infiorum 7—13, supremorum 5, maximorum 15—20—24, et haec 1½ centimet. lata.

6. ENCEPHALARTOS LEHMANNI ECKL.

E. Caudice ovato-cylindrico glabro, frondium apice recurvatarum stipite rhachique obtuse tetragonis, foliolis pruinoso-glaucis, linearis, sed lato-lanceolatis (decies longioribus quam latis), acutis, spinoso-pungentibus, omnibus suboppositis; cono mare oblongo glabro.

SIN. *Cycas glauca* VAN ROYEN MSS. in *Herbar.* (a. 1777).

Zamia Lehmanniana ECKLON et ZEYHER in OTTO et DIETR. *Allg. Gartenz.* 1833. N°. 20. p. 158. — *Botan. Zeit.* 1833. p. 479.

Encephalartos Lehmanni ECKLON in *Litteris*. — LEHMANN *Pugill.* VI. p. 14. — OTTO et DIETR. in *Allgem. Gartenzeit.* 1836. N°. 28. p. 217—218. *Nob.* ibid. a. 1838. N°. 41. p. 823.

ICON. OTTO et DIETR. l. c. Tab. I. integrum plantam minori forma exhibens.

HABITAT in *Promontorii Bonae Spei* regionibus interioribus, eligens tellurem humo copiosam collum montiumque *terrae cafferanae* (LEHMANN l. c.), ubi a. 1832 ab ECKLONO et ZEYHERO detectus. Sed jam longe antea specimen in *Hortis Batavis* et *Belgiois* colebantur, inter plantas anonymas et male nominatas. In *Herbar.* ROXENI specimen exstat jam a. 1777 adiectum.

DESCRIPTIO. Majora vidi et minora juvenilia specimen. In collectione insulae *Pavonum* exstat v. c. specimen 3 pedem et 2 pollices altum, et 3 p. et 1 poll. in ambitu, caudice glabro absque tomento, et aliud ab OTTO et DIETRICHIO commemoratum l. c. altum et 1—1½ pedem in diametro. *Caudex* est glaber et simili modo ac affines species squamis rhomboideis tectus. Numerus *frondium* a 10 ad 25 variat. *Nascentes* pilis sparsis deciduis obsitae. *Frondes* adulorum 3 pedes et ultra longae (in nostro 1 metrum). *Stipes* ac *rhachis* mox subteretes mox obtuse tetrageni. Rectae sunt vel plerumque versus apicem ele-

gantibus recurvatae. *Foliola* utrinque 24—30, omnia subopposita, vel fere omnia opposita, propemodum aequilonga, erecto-patentia, antrorsum aliquotmodo convergentia, rore glanco tota superecta, qui attactu deititur. Omnia sunt lanceolata, angusta, apice satis longe spinoso pungente, marginibus fere planis, basi contracta, pagina superiori laevi, inferiore nervorum decursum non nisi obscure commonstrante. *Compages* rigida. Maxima 14—16 centim. longa, 1½ centim. lata. Superiora aliquid angustiora et paullo breviora. — Perraro ad marginem inferiorem dens invenitur.

Ex *Horto Candavensi* frondem accepi foliolis utrinque 30 instructam, breviorem, minus luxuriose evolutam, foliolis paullo angustioribus, nec adeo perfecte oppositis, sed plurimis potius subalternis; 14 centim. longa, 1 centim. et 3 mill. lata.

Pulcherrimum specimen (masculinum) e longa jam annorum serie in *Horto Amstelaedamensi* colitur, cuius frons, quam coram habeo, non differt ab illa ex insula Pavonum, nisi majore rigiditate. Floruit hac aestate. Cl. VRIESE inflorescentiam pingendam curavit. *Juvenilis conus*, brevi pedunculo glabro viridi suffultus, oblongus, 20 centim. longus, 10 crassus, spadicum facies externa inaequaliter rhomboideo-quadrangularis, fusco-violacea et viridescens. *Adulti* coni pedunculus luteo-viridis, brevis; conus 31 centim. longus, 10 crassus; spadices magis a se invicem remoti ita ut *antherae* cernantur. Inferiores et superiores a reliquis dissimiles non rite evoluti; faciei externae violaceas transversus diameter maximus et area ipsa obtuse protracta. Facies inferior dimidia postica antherifera.

Juvenile exemplar in *Horto Roterodamensi* exstat, frondibus brevioribus, pauciore foliolorum numero instructis, quae plerumque rore glauco carent. In nascentibus tamen nunc exstat.

ADNOTATIO. In *Herbario ROYENI*, quod in *Museo Botanico Lugduno-Batavo* servatur, frons hujus plantae adest carpta e planta a. 1777 ex Africa allata (an eadem quae nunc Amstelaedami viget?), a ROYENO *Cycas glauca* dicta ob foliolorum colorem. (Conf. *Bullet. d. sc. phys. et nat.* 1838, p. 82—83). — In *Herbario PERSOON*, frons exstat nomine: *Zamia pungens*??

7. ENCEPHALARTOS MAURITIANUS.

E. Caudice.... stipite rhachique gracilibus tetragonis, postice subteretibus, antice costa elevatiore duos canales separante, foliolis inferioribus alternis, reliquis suboppositis, horizontalibus, viridibus, anguste lanceolatis (octies longioribus quam latis), versus apicem spinosum valde attenuatis, planis, margine superiore vix revoluto, inferiore integerrimo vel medio breviter uni-raro bi-dentato.

HABITAT. an nomen patriam insulae *Mauritii* indicat?

DESCRIPTIO. *Frons* gracilis, parum curvata, metro paullo brevior. *Stipitis* et *rhacheos* anticus angulus acutus in costam elevatus, posticus magis obtusus. *Foliola* utrinque 36, inferiora superioribus remotiora, 3—3½ centim. distantia, latiora; media longiora, at inferioribus angustiora. Omnia horizontaliter affixa, viridia, absque nitore. *Compages* non dura, nec rigida, sed flexilis. *pagina superior* attactu aliquam scabritiem prae se fert, *inferior* nitidula, pallida, laevis, nervis circiter 24 percursa. Omnia sunt lanceolata versus apicem acuminate attenuata, exceptis infimis omnia anguste lanceolata, suprema linearis-lanceolata dicenda. Quae integerrima sunt, recta et aequalia sunt, quae dentata, inferiore marginem paullo converiorem obferunt. *Dentes* ad medium vel paullo supra medium; sunt brevissimi, aliquot millimetrorum. — *Foliola* inferiora 8—9 centim. longa, 1 centim. et 8 millim. lata. Sequentia et media 11—fere 12 longa, 1½ lata; suprema 7 longa, et uno angustiora.

ADNOTATIO I. Hacc species ad *E. Lehmanni* accedit, sed differt foliolis viridibus, mollioribus, latioribus, apice magis attenuatis, caet. — Quodammodo etiam cum *E. nano* comparanda, angustifolia quasi *E. elongati* vel *E. lanuginosi* forma dici posset.

ADNOTATIO II. Specimini ex insula Pavonum adscriptum erat nomen: *E. mauritianus* LEHMANNI; mihi autem roganti, cl. LEHMANN litteris d. d. 30 Jun. hujus anni scripsit, se nunquam tale nomen alicui speciei imposuisse seque dubitare, an revera haec planta ex *insula Mauriti* advecta sit.

8. ENCEPHALARTOS BRACHYPHYLLUS LEHN.

E. Caudice glabro, rhachi subsemiterete, juniore lanuginosa, adulta glaberrima, foliolis approximatis alternis aut suboppositis, brevibus, linear-lanceolatis (quinquies longioribus quam latis), pungentibus, integerrimis aut apice bidenticulatis, junioribus basi et margine inferiore albo-lanatis, adultis glaberrimis, inversis.

SIN. *Cycas villosa* VAN ROYEN in *Herbar. MSS.*

Zamia cycadifolia in *Herb. Lugd. Batav.*

Encephalartos Royenii Nobis olim. *Encephalartos brachiphyllus* LEHMANN in *Catalog. plantar. Horti Hamburgensis* 1836. *Nob. in Bullet. d. sc. phys. et nat.* 1838. p. 83. *Encephalartos cycadifolius?* *Nob. in Herb. Lugd. Bat. et Bullet. d. sc. phys. et nat.* 1838. p. 83.

Icos. *Tijdschrift voor Natuuri. Geschied. en Physiol.* Tom. IV. Tab. VI. fig. A, B, C, D, E, et Tab. VII. fig. a-f.

HABITAT in *Promontorii Bonae Spei terra caffra*, ubi ad **HENRICO SWELLENGREBEL**, Archi-Capitulari Rheno-Trajectino, in itinere a. 1776 per terram Caffrorum usque ad fiumen *Fisch-rivier* facto detectus, in Europam introductus, Ultrajecti bis floruit a. 1833 et 1836. Colitur etiam in Horto Hamburgensi.

OBSEVATIO. Haec planta iam in *Herbario Royeni* nomine *Cycadis villosae*, et in *Herbario Lugduno-Batavo* nomine *Zamiae cycadifoliae* existans, ad nostra usque tempora incognita latuit. LEHMANNUS qui vivum exemplar in Horto Hamburgensi coluit, nomen dedit *E. brachiphylli*. Plantam nondum descriptam ROYEN in *Herb. Lugduno-Batavo* nomine *E. Royenii* designavi, nomen autem lubenter delivi, postquam e descriptione et icone Vrieseana l. c. nostram eandem speciem recognoveram.

Cum ea quae cl. VRIESE de hirsutie frondium refert in adultas non quadrant, quae omnino glabrescunt, olim glabram et adultam frondem Herbarii Lugduno-Batavi, *Zamiam cycadifoliam* vocatam, ad *E. cycadifolium* at cum dubitatione retuli (conf. *Bulletin.* 1838. p. 83. et OTTO et DIETR. *Allg. Gartenseit.* 1838. p. 324). Nunc autem omnino ad *E. brachiphyllum* pertinere, eductus sum comparatis frondibus glaberrimis ex eodem specimine carpiis, quod cl. VRIESE descripsit.

DESCRIPTIO. Caudex speciminis quod nunc *Ultrajecti* apud plantarum cultorem exstat, *diametrum transversum* 2 circa decimet. habet, *altitudinem* minorem, squamis glabris tectus; *frondes* fere 10—16, aut plures, *stipite* brevi, *rhachi* digitum crassa subterete vel semiterete, antice costa elevatiore percursa; frons est curvata, dimidum metrum longa. In nascentibus et junioribus facies antica *lanugine* tegitur cinereo-grisea, molli, floccosa, adpressa, imprimis versus basin copiosa; in adultis sensim diminuitur lanugo et tandem omnino evanescit; facies postica tenuissime striata, in nascentibus pilosula, dein glaberrima. *Foliola* alterna aut subopposita valde approximata, utrinque 50 et plura, brevia, infima et suprema reliquis paullo breviora, caeterum 5—6 centim. longa, lanceolata, vel linear-lanceolata, 8 mill. ad 1 centim. lata, basi et apice attenuata, apice paullo inaequali spinose et sphacelatim mucronato, integerrima, *marginibus* vix revolutis, *pagina inferior* nervis 8—10 striata, *superior* laevis; insertio cum rhachi continua. *Foliola juvenilia*, et per aliquot tempus adulta etiam, ad basin lanata sunt, quaedam hic illuc ciliata, caeterum glabra, perfecte adulta omnino glabra. Singularis autem est eorum ad basin torsio, adeo ut facies inferior nunc antica vel superior evadat et ejus superior superficies dorso sequentis accumbat, quo fit, ut dorsa pinnarum utriusque lateris sibi opponantur. Omnia etiam foliola antice convergent. — *Foliola* superiores aliquando uni- vix unquam bi-dentata.

Planta *Ultrajecti florens conum marem* e media frondium corona emisit, biennis fere evolutionis, erectum, frondium rudimentis circumdatum, sessilem, oblongum, 15 centim. longum, 5 crassum, cylindracum; circa ligneum durumque axem spiraliter spadices affiguntur, e basi angustiore apice rhomboideo-peltati, superna parte striato-rugosi, inferiore toti antheris unilocularibus longitudinaliter dehiscentibus tecti.

Duas vidi frondes in *Herbar.* LEHMANN omnino cum iis quas ipse vidi, congruentes. Major utrinque 50 foliola gerit.

9. ENCEPHALARTOS SPINULOSUS LEHM.

E. Caudice glabro, stipite teretiusculo, rhachi semiterete, antice planiuscula, foliolis alternis lanceolatis (octies longioribus quam latis), subpruinoso-glaucoscentibus, pungentibus, inferiore margine supra medium bi-tri-spinulose dentatis, juvenilibus superiore margine uni-bi-dentatis, adultis ibi integerrimis.

SYN. *Zamia spinosa Hortulan. teste* LEHMANN. l. c.

Encephalartos spinulosus LEHMANN in *Tijdschrift v. nat. Geschied. en Phisiol.* Tom. IV. p. 420. (vidi specim. in ejus Herbario). Nob. in OTTO et DIETR. *Allgem. Gartenz.* 1838. N°. 41. p. 324.

ICON. *Tijdschrift* l. c. Tab. VIII. fig. E. frons plantae juvenilis.

HABITAT in *Promontorii Bonae Spei* regionibus interioribus.

ADNOTATIO. nomine *Enc. pungentis* semina ab ECKLON accepta germinaverunt et hanc speciem exhibuerunt cujus nunc duo specimina quadriennia servamus. Quanta autem confusione obscurari potest scientia botanica, si specimina juvenilia ad characterem specificum describendum adhibentur constat e phrasi infra citata juxta frondem plantae fortasse annuae vel biennis confecta. Si iconem illam et phrasin comparas cum descriptione frondis plantae quadriennis, eas tanquam diversissimas plantas habere non dubitabis.

En descriptio nostri specimini quadriennis, quod adhuc omnes quas hucusque formavit, frondes servat.

Infima frons 12 centim. longa, foliola utrinque 5 alterna, lanceolata, margine inferiore supra medium prope apicem bi-tri-spinuloso, margine superiore vel potius apice 1—3-spinuloso, in duobus margo superior totus integerrimus; maxima 5 centim. longa, vix 1 lata. Stipes subteres; rhachis semiteretes (1).

Sequens 24 centim. longa, utrinque 9 foliola, omnia alterna, margine superiore integerrimo, inferiore inde a medio 1—2—4-spinuloso; maxima 8 cent. longa, 1 lata. Stipes ac rhachis ut in praecedente.

Tertia similis 35 centim. longa, at rhachis antice subcanaliculata; foliola utrinque 12, infima et suprema subopposita, omnia inferiore margine supra medium bispinulosa.

Quarta 38 centim. longa, foliola utrinque 15, alterna, suprema subopposita, infima margine inferiore prope apicem uni-spinulosa, sequentia a medio vel supra medium bi-tri-serrato-spinosa, apicibus spinulosis sphacelatis. *Longitudo* maxima 9 centim., 1 centim. et aliquot millim. lata.

Color laete viridis, saturatus, levissimo rore glauco suffusus. In inferiore pagina 18—19 nervi.

Specimina *Herbar.* LEHMANN a nostris nullatenus sunt diversa.

OBSERVATIO. In *Herbario PERSOONII*, quod nunc in Museo Lugduno-Batavo servatur, frons exstat, quem olim *Enceph. spinulosi* nomine exhibui (*Bullet. d. sc. phys. et natur. en Néerl.* 1838. p. 83. N°. 4),

(1) »rhachi brevissima, inferiore semitereti, superiori plana, foliolis oblongo-lanceolatis, subpruinoso-glaucoscentibus, exteriore latere superne apiceque inaequaliter dentato, dentibus spinosis 3—4, interiore 1—2 dentato." VRIESE l. c. — »A cacteris omnibus speciebus quam facilmente parvitate haec ab unoquoque distinguitur" VRIESE.

sed quae nunc comparatis speciminiis hujus speciei magis adultis, mihi dubia, ulteriori examini commendanda videtur. Ejus *rhachis* semicylindrica est, *foliola* approximata, utrinque fere 30, subopposita, in facie superiore laevia, inferiore striata, lanceolata, inferiora integerrima, superiora apice 2—6-dentata, dentibus spinosis.

10. ENCEPHALARTOS ALTENSTEINII LEHM.

E. Caudice glabro, rhachi subtetragona subcylindrica glabra, foliolis alternis lato-brevique lanceolatis ellipticis (ter longioribus quam latis), superioribus subfalcatis, utrinque remote et divaricatis dentato-serratis, dentibus apice spinosis.

SYN. *Zamia spinulosa* Hortul. querund. *Zamia spinosissima* Hortul. belgic. querund.

Encephalartos Altensteinii LEHMANN Pugill. VI. p. 11—13. (1834). Nob. in Otto et Dietr. *Allgem. Gartenz.* 1838. N°. 41. p. 324.

ICON. LEHMANN I. c. Tab. III et IV. plantam integrum magn. min. et frondes natur. magn. exhibentes. Anatonia caudicis eximie illustrata in LINN. *Icon. anat. botan.* fasc. II. Tab. IX. fig. 1 et 2. Tab. XV. fig. 1 et 3.

HABITAT in *Promontorii Bonae Spei* regionibus interioribus, *Tambooko* dictis, 800 milliaria ab urbe Capensi remotis, supra regionem Mimoscarum, in collibus, inter plantas succulentas, Leguminosas frutescentes (ECKLON et ZEHNER).

ADNOTATIO. Cl. LEHMANNO prima hujus speciei pulcherrimae descriptio debetur, cui ALTENSTEINII, regis Borussorum Cancellarii nobilissimi, eruditissimi scientiarum ac Botanices patroni, nomen impo-
suit ut immortale tanti viri inter plantas nomen servetur; attamen antea jam planta in Europae caldariis colebatur, non descripta, nomine *Z. spinulosa*. Pulcherrima specimina ECKLONIUS ac ZETHNERUS e *Capite Bonae Spei* in Hortum Hamburgensem attulerunt; eximia etiam in Horto Bruxellensi vidi pe-
dalia et ultra.

Caudex hujus speciei ex LEHMANNO rectus est, fere cylindricus, 4—5 pedes altus, 1—1½ crassus; adul-
tus nullo tomento tegitur, sed *squamis* glaberrimis rhomboideis seu superstribus frondium basibus
latis vestitus. *Candices* juveniles vidi, sparse tomentosos. In *insula Pavonum* specimen exstat
9 pedes altum, 3 pedes et 7 poll. in diametro, 32 frondes gerens. *Parisinus* Hortus aliud fovet 10 pe-
des et 6 poll. altum et in ambitu 3 pedum et 7 poll. — *Elegans* verticis corona non raro 20 *frondibus*
componitur, e tribus quatuorve annis superstribus. Sunt 4 vel 5 pedes longae (1½ metrum in nostro);
stipes basi valde crassus, *rhachis* fere cylindrica, sursum attenuata. *Foliola* plerumque alterna. al-
iquando opposita, utrinque 30 ad 40, imo 50 in nostro, in juvenilibus subinde numero multo minore.
Adulia, ut tota frons, glaberrima, dum nascens frons et juvenilis sparsis pilis deciduis vestita sit. *Fo-*
liola splendentia, vivide viridia, in superficie inferiore pallidiora, inferiora e basi lata breviter lanceo-
lata, aequalia, superiora angustiora, magis inaequalia, ad formam falcatam tendentia, margine su-
periore rectiusculo vel aliquomodo concavo. In quovis margine (qui paullo revoluti incrassati sunt)
exoriuntur tres vel quinque spinosi *dentes* divaricati, quorum plures ad partem medium inferiorem in-
veniuntur; hi dentes sunt alterni. *Basis* foliolorum contrahitur, apex in dentem spinosum termina-
tur. — *Foliola* inferiora magis a se invicem distant et breviora ac latiora sunt quam media, 6—9 cen-
tim. longa, 3 lata; media fere 11 centim. longa sunt.

Organa generationis nondum cognita.

Specimina hujus speciei a nobis observata omnia satis in iconem citatam quadrant, exceptis levioribus differentiis; foliola v. c. erant plerumque minus falcata, breviora, latiora, uti in specimine *Horti Ley-*
densis, *Roterodamensis*, *Gandavensis*, *Palnophylacii Regis*. — Major differentia pro varia actate ob-
tinet. Sic specimen junius ante plures annos in *Horte Roterodamensi* cultum et quod nunc cum reliquis
adultis bene congruit, *caudicem* habebat depresso-globosum, *squamis* amplis, duas *frondes* 14—18

centim. longas, utrinque 7—8 foliolis instructas, pilosis ut stipes ac rhachis, lanceolatis, basi cuneatim angustatis, serraturis 5—6 imprimis versus apicem sitis nec ita divaricatis. Quodsi hujus plantae ultiorum evolutionem non cognoveris, speciem propriam certe credidisses.

Radix albicans fusiformis tumida incrassata, ramis hic illinc tuberum ad instar tumentibus, longis, fibrillosis, omnibus aliquomodo complanatis.

Gemmas bulbiformes radicales m. Augusto 1838 tres observavi ad basin hypogaeam morbosici canaliculis ex axillis squamarum evolutas, ovatas, squamis carnosis tectas, includentes corpus carnosum albicans fere celulosum parvis vasis instructum; a materna planta solutae mox frondes ac radices protrudebant.

ENCEPHALARTOS ALTENSTEINII LEHM. *Varietas angustifolia.*

E. Foliolis omnibus fere oppositis, lanceolatis, fere rectis, elongatis, marginibus revolutis, singulis bi-vel quadri-spinuloso-dentatis, dentibus non ita divaricatis, plerumque alternis.

Syn. *Encephalartos glaber*; *nomen specim. culti in insula Pavonum.*

HABITAT in *Promontorio Bonae Spei.*

ADNOTATIO. Haec forma a vera specie non multum differt, *habitu* frondium paullo graciliore, *foliolis longioribus* caet., *colore pallidiore*. *Frondem* video 1½ metro longiore, rhachi stipiteque ejusdem quidem formae ac in specie, sed gracilioribus, foliolis utrinque 42, exceptis superioribus fere omnibus oppositis. Infima latiora 12 centim. longa, 2½ lata, media 14 longa, 2 lata, superiora 13—14 longa et 1½ lata. *Dentes*, qui in universum non adeo divaricati, video fere semper alternos, nec ab apice valde distantes.

ENCEPHALARTOS ALTENSTEINII LEHM. *Varietas semidentata.*

E. Caudice glabro, rhachi subterete, infra arachnoidea (?), foliolis lacte viridis, nitidis, saepe irregularibus, oblongo-lanceolatis, apice saepius sursum aut deorsum subfalcatis, mucronatis, margine superiore saepe integerrimis, inferiore plerumque 1—2—3-dentatis, dentibus brevioribus spinosis.

Syn. *Zamia spinosissima* quorund. *Hort. ex parte.*

Encephalartos Marumii FRIESE in *Tijdschrift v. Nat. Gesch. en Physiol.* Tom. V. p. 188.

Ipsa hic auctor haec habet: »Proxime accedit ad *E. Aliensteinii*, a quo differt: apice pinnarum subfalcato, pinnis plerisque inaequalibus, altero tantum margine dentatis.«

Specimen e collectione cel. VAN MARUM in Hortum Amstelaedamensem transiit.

Vidi specimen eximia *E. Aliensteinii* in *Hortis Belgicis*, ex. c. in *Horto Bruxellensi*, magna in *Palmophylacio Regio Hagae Comitis*, foliola plura margine superiore integerrima exhibitia. *Frondes* speciminis authentici in *Horto Amstelaedamensi* culti benevoli misit cl. FRIESE, quibus inspectis et cum specie typica comparatis nullum mihi dubium remansit, *E. Marumii* esse meram varietatem, margine superiore foliolorum integerrimo vel uni-aut bi-dentato diversam. Non solum etiam ad marginem superiorem, sed in quibusdam etiam ad inferiorem dentes desunt. Sic video frondem, cuius quaedam foliola margine superiore bi-dentata, inferiore uni-dentata vel integerrima sunt; alia utroque margine uni-dentata, alia margine inferiore bi-dentata, alia rudimentis tantum dentium obtusis munita. Magnitudo foliolorum varia; maxima 12—13 centim. longa.

OBSERVATIO. An hoc revocanda *Zamia repanda* LODDICES Catalog. (*Encephalartos repandus* STEVENS Nomenclat. ed. 2. p. 795)?

11. ENCEPHALARTOS CAFFER LERN.

E. Caudice glabro (an et tomentoso?), stipite rhachique obtuse tetragonis, foliolis plerumque alternis, oblongo-lanceolatis (quinquies longioribus quam latis), inaequilateris, acutis, facie superiore atroviridi scabriuscula, integerrimis, rarissime ad marginem inferiorem uni-denticulatis, omnibus fere aequilongis, conis glabris.

Syn. *Cycas caffra* THUNBERG in *Nov. Actis Societ. Reg. Scient. Upsal.* Tom. II. p. 283.

Zamia Cycadis LINN. *fl. Suppl. plant.* p. 443. *Zamia caffra* THUNB. *flor. Capense.* SPRENG. *System. Veget.* Tom. III. p. 908. *Zamia villosa* GAERTNER. (alii ad *Enc. cycadifolium* ducunt).

Encephalartos caffer LEHMANN *Pugill.* VI. p. 14. nob. in OTTO et BIETZ. *Allg. Gartenz.* 1838. p. 324.

Icox. THUNBERG in *Act. cit. Tab. V.* — An hoc GAERTNERI figura fructificationis Tab. III?

HABITAT in interioribus regionibus *Promontorii Bonae Spei*, in regionibus montuosis, solum saxosum et fruticosum eligens (conf. LEHMANN *Pugill. cit.*).

ADNOTATIO. Haec species primum descripta est a cel. THUNBERG, ad *Cycadis* genus autem ab eo referatur, affinitate probe perspecta. Sed postquam LINNAEUS *Zamiae* genus condidisset, LINNAEUS filius nomine *Zamiae Cycadis*, THUNBERGUS nomine *Zamiae caffrae* eam huic generi adscripsérunt. Eo autem THUNBERGUS meruit, quod partes fructificationis I. c. p. 283—288. accurate descripsérunt secundum specimina e Promontorio B. Spei d. 1 Maji 1774. in Hortum Upsaliensem missa. «*Cycas caffra*, foliis pinnatis, pinnis lanceolatis, petiolis enervibus. Crescit in declivibus montium collumque. Floret Augusto. Est planta diphyla. Mari calyx. Amentum strobiliforme, ovatum, grande, pedunculatum ex apice radicis vel trunci exrescens, erectum. Squamae subtriquetrae, antheris tectae. Corolla nulla. Filamenta nulla. Antherae sessiles, confertissimae, ovatae, supra rima longitudinali dehiscentes, uniloculares, glabrae, magnitudine Millii. Pollen album. — Femina. Calyx. Amentum ut in mare, sed grandius. Squamae pedicellatae, apice subtetragono, lateribus compressis, in hamum productis: hamis pedicello duplo breviores. Germina obtusissima, poris aliquot intrusis. Stylus et stigma desunt. Drupa simplex, intra singulam squamam libera, oblongo-ovata, septangularis, glabra, sensim inferne attenuata, carnosa, pulpa rubra, apice obtusissima carne denudata nucleum continens. Nux ovata, triangularis unilocularis. Nucleus albus solidus.”

Truncus arboris lignosus, sed fragilis. Medulla in eo continetur satis crassa, eaque, simulac extrusa fuerit, pelli involuta in humum defoditur, per mensis aut longius temporis spatium. Putrefacta deinde inter duos lapides pertunditur, et affusa aqua in massam subigitur, e qua placentae formantur, quas sub calente adhuc cinere coquunt. — Addit etiam, quibusdam populis in terra cafferana familiare esse, medullam e Palmae cuiusdam arbore elicitem ita tractare, ut panem quodammodo nanciscantur.

Post THUNBERGUM nomine *Zamiae caffrae* certio plures species confundebantur, nam paucis botanicis icon citata ad manus fuisse videtur et haec ipsa non satis accurata habenda est, ad speciei differentiam ab affinibus illustrandam. *Zamia* enim *longifolia* Jacq. et plures varietates *Z. lanuginosae* Jacq. ad nostram quam maxime accedunt, adeo ut non nisi diligentis plurimorum speciminum comparatione limites invenire exercitio quasi addiscas, ex habitu adhuc potius quam ex lucidis characteribus colligendas. Vix dubium mihi videtur, quin THUNBERGUS ipse, si *Z. longifolium* Jacq. vidisset, ad suam speciem illam retulerit. Specimen *Z. longifoliae* ex *Horto Schoenbrunnensi* in *Herb. WILDENOVI* extans, ad *E. caffrum* valde accedit, adeo ut dubitandi locus sit, an JACQUINTUS has species bene distinxerit. Quidquid autem sit, duas re vera species existere dubium non est, et ita ad synonymiam bene stabilendam conducit, unam ex THUNBERGII alteram ex JACQUINTI auctoritate enumerare. — Monendum tamen, in hortis botanicis saepe *E. longifolium* nomine *Z. caffrae* occurrere.

E. caffri specimina eximia viva vidi in *Palmophylacio Regis*, Hagae Comitis, et frondem accepi perelegantem e *Palmophylacio Regis Borussorum* in insula Pavonum prope Potsdamum.

Caudex cylindracens, aliquomodo oblongus, glaber, *vix* quandoquidem parca inter squamas lanugine. *Frondes* aliquando numero 30 vel 40, unum et dimidium metrum longitudine superantes, *foliolis* in universum latioribus et versus summam frondem longitudine non multum decrescentibus, habitum efficientibus singularem. *Stipes* obtuse tetragonous, $\frac{1}{2}$ metrum longus, $1\frac{1}{2}$ —2 cent. crassus. *Rhachis* similis, modo tenuior et ad costam anticam utrinque canalem offerens, cui *foliola* affiguntur. Haec utrinque circiter 33, alterna, exceptis infimis et summis, quae potius opposita vocanda. Inferiora superioribus remota, 4—5 $\frac{1}{2}$ centim. distantia. Infima minora breviter lanceolata vel oblongo-lanceolata. Reliqua omnia fere aequalis longitudinis, sed superiora angustiora. E basi lata, cum rhachi fere articulata, sunt ovato-vel oblongo-lanceolata, at versus apicem non contracta vel attenuata, sed fere ejusdem diametri ac basis ita ut non acuminata sed acuta sint. *Apex* acutus breviter mucronato-spinosus. *Margo* superior rectus vel subconcavus, inferior per totam longitudinem et saepe sub apice, convexus. *Longitudo* 17—18 centim. attingit, *latitudo* 3—3 $\frac{1}{2}$; *suprema* 10—15 centim. longa, $1\frac{1}{2}$ —2 lata. *Omnia* integerrima, in paucissimis exiguis dens ad inferiorem marginem. *Margines* subrevoluti. *Compages* firma, nec tamen adeo rigida videtur ac in *E. longifolio*. *Pagina* superior obscure viridis, glabra, nec tamen omnino laevis, sed attactu asperula, et sub lente inaequabilis; nervi in hac non cernuntur. *Pagina* inferior pallidior, nitens, laevis, nervis circiter 40 perspicuis percursa. In junioribus pili in hac pagina copiosiores dicuntur ac in *E. longifolio* teste cl. BOUCHE, autopta (in litt. ad cl. KLOTHSCH).

Nomine *Encephalartii caffri* ex *Horto Amstelaedamensi* frondem accepi, plantae ut videtur nondum adultae, cuius tamen *foliola* a forma mox descripta aliquatenus recedunt: omnia enim cam formam habent, quam *foliola* frondis infima in praecedente monstrant. Omnia sunt alterna, lati-lanceolata, fere aequalia, apice spinoso, marginibus revolutis, integerrimis, excepto uno foliolo basi unidentato. *Compages* rigida. *Facies* superior nitens, fere laevis, *inferior* nervis percursa; *longitudo* majorum 10—11 centim., *latitudo* nondum attingit 2 $\frac{1}{2}$.

In *Horto Roterodamensi* *E. caffri* specimen colitar, quibusdam notis insigne. *Caudex* ovatus, crassus, squamis glabris vestitus; frondes similes sed paullo grandiores ac praecedentis.

ADNOTATIO I. LINNAEUS fil. in *Supplement. plant.* p. 443 hanc plantam enumerans *caudicem* tomentosum praedicat et flores masculos eius iis Cycadis circinalis comparat. Specimen junius in *Herb. LEHMANNI* frondis basi tomentosam offert.

ADNOTATIO II. ZAMIA Cycadis LINN. fil., quae certe hoc pertinet, a quibusdam auctoribus ad *E. lanuginosum* relata est, ut a WILLDENOWIE, ad *E. cycadifolium* a POIRETIO.

12. ENCEPHALARTOS LONGIFOLIUS LEHM.

E. Caudice glabro, rhachi tetragona recta, antice crasse et obtuse costata, foliolis alternis suboppositis, breviter et plerumque inaequaliter (subfalcatim) lanceolatis (sexies longioribus quam latis), apice acuto plerumque mutico, marginibus subrevolutis integerrimis, inferiore rarius dente brevi obtuso, conis glabris.

SYN. Zamia longifolia JACQUIN *Fragment. botan.* Tom. I. p. 28. WILLDENOW. *Spec. plant.* Tom. IV. PERSOON *Synops.* Tom. II. p. 631. SPRENGEL *System. Veget.* Tom. III. p. 908. Zamia caffra plurimum Hortorum.

Zamia Cycadis *quorundam* Hort.

Encephalartos longifolius LEHMANN *Pugill.* VI. p. 14. (vidi specimen in ejus Herbario). Nob. in OTTO et DIETR. *Gartenz.* 1838. N°. 41. p. 323. Encephalartos pungens *quorundam* Hortor.

ICOR. JACQUIN I. c. Tab. 29.

HERBAR. WILLDENOW. N°. 18537. (specimen ex ipso *Horto Schoenbrunnensi*.)

HABITAT in Promontorio Bonae Spei.

ADNOTATIO. Haec species cum affinibus facile confundenda et certo confusa, a nobis secundum specimen *Horti Schoenbr.* describitur.

Habitus ut in *E. caffro* et *E. lamuginoso*. *Rhachis ac stipes* crassi, $1\frac{1}{2}$ centim.; *foliola* infima brevia elliptica, e basi lata spinosa acuta, 4—6 centim. longa, 2 lata; media lanceolata, sed nec longiter nec aequaliter; *margo enim superior* rectus vel subconvexus, *inferior* semper magis concavus; *apices* ut et dens qui subinde in media vel superiore marginis inferioris parte invenitur, mutie, obtuse et sphacelatum tumiduli; sed in hac proprietate character non quaerendus est, cum in foliolis infimis *apices* viderim vere spinosos pungentes. *Color* videtur obscure viridis, non glauco-pruinosus; *superficies superior* vix nervis longitudinalibus striata, sed e materie gummosa sub epidermide potius inaequabilis, in inferiore nervi 20—30 fortes cernuntur. *Compagae* crassa, dura. *Longitudo* 10— $11\frac{1}{2}$ centim.; *latitudo maxime* $2\frac{1}{2}$ — fere 3 centim. — *Infima foliola* fere abortiva. — *Suprema omnia* mutica et integerrima.

A specimine hoc authentico paulisper differunt ea quae nomine *E. longifolii* in variis hortis observavi; nec tamen differentiae adeo graves sunt, ut specifica ac constans differentia exinde peti posset; consistit enim pro maxima parte in foliorum majore longitudine et apicibus elongatioribus omnibus fere spinosae pungentibus.

Specimen in *insula Pavonum* cultum ex *Horto Ramburgensi* (et *Prom. B. Spei*) allatum teste cl. Otto 5 pedes altum, 3 pedes et 5 poll. in ambitu, fert 44 frondes; quarum *rhachis ac stipes* eandem formam habent ac praecedens specimen, sed paullo tenuiores ac gracilliores sunt. *Stipes* non canaliculatus 19 centim. longus, *rhachis* $1\frac{1}{2}$ metrum. *Foliola* utrinque 41, infima et suprema alterna, media fere opposita. Substantia non adeo crassa ac in praecedente; omnia lanceolata, et imprimis media et superiota inaequalia, praecedentibus longiora nec adeo lata; omnia integerrima, sed marginum ac superficiem eadem proprietates sunt; versus apicem autem sunt magis attenuata, magis vere lanceolata et in pungentem spinam producta. Media 14—15 centim. longa, $2\frac{1}{2}$ — fere 3 centim. lata. — Similis omnino frons est *Herbarii Lehmanniani*. Vix etiam differt specimen in *Horto Lugduno-Batavo* cultum.

Specimen ex *Horto Parisino* in *Hortum insulae Pavonum* introductum differt primo adspectu foliolis fere omnibus inermibus, et plurimis ad marginem inferiorem unidentatis. *Frons* tota metrum longitudo superat; *foliola* utrinque circiter 42, quorum infima tum apices tum, si adsumt, dentes marginis pungentes habent, superiota et media apices inermes, obtusos, incrassatos, subrevolutos obferunt, abortivis quasi spinis. In universum foliola sunt magis aequabiliter lanceolata. Media 15—16 centim. longa, vix $2\frac{1}{2}$ lata, superiota 14—15 longa et 2 lata. Suprema multo breviora, angustiora fere linearia.

Specimen nomine *Zamiae caffrae* ex *Hortis Belgicis* acceptum frondem offert in universum graciliorem, minus robustam, $1\frac{1}{2}$ metrum longam, *foliolis* fere omnibus suboppositis, utrinque circiter 31, remotioribus ac in specimine typico, omnibus lanceolatis, margine inferiore paullo convextiore, in paucis dente uno spinoso, apex satis longe spinosus. Compagae ac color ut in specie typica; superiota et suprema foliola multo minora, potius linearia. Maxima 14—15 centim. longa. $2\frac{1}{2}$ lata.

OBSERVATIO. Licet differentia inter *E. caffrum* et *E. longifolium* charactere difficile sit exprimenda, habitu specimina adulta facile distinguuntur.

Errore cl. STEUDEL in *Nomencl.* ed. 2 tanquam *E. longifolii* patriam laudat Americam australem.

ENCEPHALARTOS LONGIFOLIUS LEHM. *Varietas revoluta*.

E. *Foliolis lanceolatis, basi apiceque attenuatis, marginibus plerumque integerrimis revolutis.*

STR. Encephalartos revolutus; *nomen inter pl. insulae Pavonum*.

DESCRIPTIO. *Frons* ex *insula Pavonum* nobis missa, quibusdam levioribus notis a communi *E. longifolii* forma recedit, ut varietatis titulo nobis esumeranda videatur. *Frons* metrum circiter longa, sti-

pite rhachique non admodum orassis. *Foliola* utrinque 33 subopposita, lanceolata, plerumque plurima, recta, quaedam tamen obliqua, integerrimorum sell. margine inferiore, dentatorum superiore concavore. *Omnia* spinose pungentia. Supremorum quaedam margine inferiore medio unidentata. Maxima 18—19 centim. longa, 2—2½ lata. Basis contractior ac in specie. Sunt itaque foliola longiora et angustiora quam in hac. — *Frustum* frondis nomine *Zamiae villosae?* in *Herb. LEHMANNI* servatum ad hanc formam referendum videtur.

ENCEPHALARTOS LONGIFOLIUS LEHM. *Varietas angustifolia.*

E. Rhachi sursum recurvata, foliolis linear-lanceolatis, pungentibus, marginibus integerrimis vir revolutis.

SYN. *Zamia pungens* *Hort. Parisin.*

Frondem e specimine in *insula Pavonum* culto accepimus. Praeter rhachin curvatam et foliola angustiora nullam ego video differentiam. Longitudo metro minor juvenilem aetatem indicare videtur. *Foliola* media 13—14 centim. longa, 1½ vel 1 centim. et 7 mill. lata, non omnino recta, margo superior rectus; integerrima, antrorsum paullo convergentia.

13. ENCEPHALARTOS LANUGINOSUS LEHM.

E. Caudice glabro vel lanuginoso, rhachi stipiteque tetragona antice elevate costata, foliolis suboppositis vel alternis, viridibus, inaequaliter lanceolatis (sexies longioribus quam latis), plerumque in margine inferiore uni- vel bidentatis, dentibus apicibusque spinosis.

SYN. *Zamia lanuginosa* Jacq. *Fragmeni Botan.* Tom. I. p. 28. *WILDENOW. Spec. plant.* Tom. IV. *PERSOON. Synopt.* Tom. II. p. 681. except. syn. *Zamiae Cycadis* LINN. fil. *Suppl.* — *SPRENGEL System. Veget.* Tom. III. p. 988.

Encephalartos lanuginosus LEHMANN *Pugill.* VI. p. 14. nob. in OTTO et DIETR. *Gartenz.* 1838. p. 325. *Encephalartos horridus var. lanuginosa* nob. in *Annal. d. sc. natur.* 2. Série. Tom. X. p. 367. *Tijdschr. v. Natuurl. Geschied. en Physiol.* Tom. VI. p. 104.

ICON. JACQUIN I. c. Tab. 30 et 31.

HERBAR. WILDENOW. №. 18536. (specimen ex ipso *Horto Schoenbrunnensi* missum).

HABITAT in *Promontorio Bonae Spei.*

ADNOTATIO. Specimen authenticum in *Herbar. WILDENOW.* servatum tantam cum *E. longifolio* similitudinem offert, ut candide sit fatendum, exceptis levioribus differentiis, forsitan individualibus nullam aliam esse ac frequentior dentis unius vel duorum ad marginem superiore praesentia. En speciminis descriptionem. *Stipes* ac *rhachis* non differunt ab iis *E. longifolii*; idem *foliorum* situs; haec omnis lanceolata, sed plerumque inaequalia, in aliis nempe margo inferior, in aliis superior rectior vel concavus. *Apices* omnes spinose pungentes. *Dimidia* *foliorum* quantitas integerrima; in reliquis plerumque unus brevis ac pungens dens in margine inferiore, in medio vel magis versus apicem. — *Compages* eadem sed pagina superior nervos longitudinales quam evidentissime offeri. *Foliola* media 14—16, imo 18 centim. longa, 2—2½ lata.

Ex *Horto Gandavensi* nomine *Zamiae lanuginosae* Jacq. frondem accepi multo minorem, forte juviorem, gracilem, compagis in universum tenerioris; 22 utrinque foliola, quorum pagina superior etiam

evidentissime nervos cernendos offert. *Foliola* lanceolata, media 12—13 centim. longa, 2 lata; omnia fere opposita; plurima integerrima, alia dente uno, alia duobus pungentibus ad marginem inferiorem.

Cl. LEHMANN (in litt.) monuit, *tomentum* caudicum in hac specie semper manere, dum in reliquis provectione aetate evanesceret.

ENCEPHALARTOS LANUGINOSUS LEHM. *Var. tridens.*

E. Frondibus brevibus, foliolis lanceolatis spinoso-pungentibus, margine inferiore convexiore plerumque uni-bi-vel inaequaliter tri-dentatis, dentibus plerumque inermibus obtusis.

Syn. *Encephalartos tridentatus nomen inter plantas insulae Pavonum; haud* LEHM. *in Pugillo sexto.*

DESCRIPTIO. *Frons* metrum longa. *Stipes* et *rhachis* ut in specie. *Foliola* utrinque 35, inferiora remotiora, superiora confertiora fere imbricata, omnia lanceolata, superiora angustiora. *Omnia*, uno altero excepto, ad marginem inferiorem dentata. Si unus saltem dens adest, hic brevis ac plerumque spinosus est et in baseos vicinitate. Si duo tresve, hi magis versus apicem positi sunt, grandiores, et plerumque inermes ac obtusi. Color ac compages foliolorum ut in specie. *Foliola* maxima 14—15 et plura centim. longa, et 2½, imo fere 3 lata. *Dentium* magnitudo ab aliquot millimetris ad 2 centim. variat.

Haec forma quasi transitum struit ad *Encephalartum horridum*, et ab altera parte ad *E. longifolium*. Nomine *E. lanuginosi* LEHM. ex insula Pavonum frondem accepi 1½ metr. longam omnino *E. longifolii* habitum prae se ferentem. Foliola omnia inaequaliter lanceolata, et ipsa suprema, quae in *E. longifolio* plerumque linearia sunt. — Omnim fere margo inferior breviter spinoso-unidentatus. Maxima 14—16 centim. longa, 2½—3 lata.

14. ENCEPHALARTOS HORRIDUS LEHM.

E. Caudice glabro aut lanuginoso (1), rhachi stipiteque obtuse tetragonis glabris, foliolis oppositis alternis pruinoso-glaucis viridibusve, lanceolatis (quinquies — sexies longioribus quam latis), forma polymorphis, infimis (rarissime fere omnibus) integerrimis, vel margine inferiore unidentatis, superioribus uni-tridentatis vel uni-bidentatis apice bifido, rarius margine superiore breviter uni-dentato, dentibus omnibus spinoso-pungentibus, plerumque grandioribus divaricatis, conis solitariis glabris, maribus elongato-cylindraceis, feminis ovoideis.

Syn. *Zamia horrida* JACQUES. *PERSOON Synops.* Tom. II. p. 631. *SPRENG. Syst. Veget.* Tom. III. p. 908. *Zamia tricuspidata* HORTUL, *passim* (teste WENDELSTA ET SCHELHAS in *Verhand. z. Beförd. d. Gartenb. in Preussen* Tom. V. p. 186).

Encephalartos horridus LEHMANN *Pugill.* VI. pag. 14. (vidi specimen culta et spontanea in *Herbario Lehmanniano*).

HABITAT in *Promontorii Bonae Spei* regionibus interioribus, imprimis locis, virgultis, quae *Carroo* vocant, obsitis, in montosis, 2000 pedum. Copiose in hortos Europaeos introductus est.

FLORUIT aliquando in Hortis, sed tarde admodum flores evolvit, sic v. e. Augusto mense jam incipit evolutio nec prius quam m. Februario terminatur.

(1) Sectionem caudicis vid. apud BUCKLAND h. c. Tab. 59. fig. 2.

OBSERVATIO. Haec species verus inter Cycadeas Protens dici meretur, mira formae variabilitate insignis, quorum nexus vix nisi diligentem complurium speciminum comparatione intelligitur. Mihi felix haec occasio oblata est, et jam olim hanc rem fusi exponui (*Tijdschr. v. Natuuri. Geschied. en Physiol.* Tom. VI. p. 90. *Annal. d. sc. naturell. nouv. serie* Tom. X. p. 367. OTTO et DIETR. *Allgem. Gartenzeitung* 1838. N°. 41).

Vix duo hujus plantae specimina inveniuntur quibus caudicum, frondium ac foliorum similis omnino forma est. Formae latus ideo varietatum nomine insignire non valemus, sed praecipui tantummodo describendi sunt, tanquam variis latus formae typicae. Hinc facile intelligas, characteres et adumbrationes nunquam *omni ratione* posse quadrare in quodvis specimen.

A. ENCEPHALARTOS HORRIDUS, *Genuinus.*

E. Caudice non raro lanuginoso, frondibus apice recurvis, glaucis (nascentibus) aut viridibus, foliolis plerumque margine inferiore bi-aut tri-dentato-euspidatis, squarrosis, apice elongatis.

Syn. *Zamia horrida* JACQUIN *Fragm. botan.* Tom. I. p. 27. *pro maxima parte.* *Auctt. plur.*

Encephalartos horridus LEHMANN *Pugill.* VI. p. 14. *Encephalartos horridus genuinus* nob. in OTTO et DIETR. *Allgem. Gartenz.* 1838. N°. 41. p. 367. *Annal. d. sc. natur. 2. serie. Botanique.* Tom. X. p. 367. *Tijdschr. v. Natuuri. Geschied. en Physiol.* Tom. VI. p. 100.

Icon. JACQUIN I. c. Tab. 27 et 28. — Tab. nostra I. fig. u*. (putamen), II. fig. f*, h*, j. (coni et gemma).

Herbar. WILLDENOW. N°. 18539, specimen ex ipso *Horto Schoenbrunnensi* cum Willdenowio communicatum, et itaque authenticum.

Forma *caudicu*m variat; sunt cylindracei vel ovati; *squamae glabrae* vel aliquando tomento griseobrunneo tectae, quadrangulares, rhombiformes. Variat etiam longitudine frondium inter $\frac{1}{2}$ — $1\frac{1}{2}$ metra, sunt plerumque apice extorsum recurvatae; *foliola* inferiora sunt minuta, plerumque integra, lanceolata, in spinam acuminata; sequentia unum aut duos dentes ad marginem inferiorem habent; mox sunt potius bifida. Horum dentium magnitudo, directio, et imprimis apicis longitudine valdopere variant. Specimen Herb. Willdenowii *foliola* habet media $1\frac{1}{2}$ centim. longa, plerumque bidentata, sed alia etiam foliola in modum sequentium ferrinarum.

Pars *frondis spontaneae* superior in Herbar. LEHMANNI foliolis brevibus, rigidis, uni-vel bi-lobato-dentatis, squarrosis, glaucis insignis est. Cultae ex ejusdem Herbario foliola multo longiora et angustiora obfierunt.

B. ENCEPHALARTOS HORRIDUS, *Hallianus.*

E. Caudice frondibusque ut in forma praecedente, foliolis saepe etiam margine superiore breviter unidentatis.

Syn. *Zamia horrida* JACQUIN. L. c. quoad quaedam foliola.

Encephalartos horridus LEHM. *Encephalartos van Hallii* VRIESE in *Tijdschr. v. Nat. Gesch. en Phys.* IV. p. 422. *Encephalartos horridus Hallianus* nob. in OTTO et DIETR. *Allg. Gartenz.* 1838. p. 326. *Annal. d. sc. natur. 2. serie* Tom. X. p. 367. *Tijdschr. v. Nat. Gesch. en Physiol.* Tom. VI. p. 100—102.

Icon. *Tijdschrift v. Nat. Gesch. et Physiol.* Tom. IV. Tab. X. Tom. VI. Tab. III. frondem referens, quæ variae formae coniunguntur. — Huc referri posset etiam specimen Herbar. Willdenowii, foliolum gressus margine superiore unidentatum.

OBSERVATIO. Cl. VRIESE frondem *Zamiae horridae*, in calido Horti Groningani caldario cultae et compagis idcirco mollioris, accepit, in qua quaedam foliola in margine superiore dentem obferebant.

Speciem novam esse opinabatur et hoc titulo descripsit. — Conf. dissertationem meam de hoc argumento et Tabulam citatam quae dubium hac de re non relinquunt.

Situs dentium in universum variat; ad marginem inferiorem mox prope basin, mox altius locantur, quibus valde diversae foliolorum formae exoruntur.

C. ENCEPHALARTOS HORRIDUS, *Latifrons*.

E. Caudice plerumque glabro, frondibus glaucis viridibusve, foliolis infimis saepe integerrimis, sequentibus aut margine inferiore aut superiore uni-dentatis, reliquis margine inferiore uni-ant-bidentatis apicibus divaricato-bifidis aut margine inferiore grosse tridentatis vel tricuspidatis.

Syn. *Encephalartos horridus* LEMM. et alior. partim. *Encephalartos latifrons* LEHMANN in *Tijdschrift voor Natuurl. Geschied. en Physiol.* Tom. IV. p. 424. (vidi specimen in Herb. LEMMANNI). *Encephalartos horridus latifrons* nob. in OTTO et DIETR. *Allgem. Gartenz.* 1838. N°. 41, p. 326. *Ann. d. sc. natur.* 2. série Tom. X. p. 367. *Tijdschr. voor Nat. Geschied. en Physiol.* Tom. VI. p. 100.

Zamia latifolia LOBBIGER (*Encephalartos latifolius* STEUD. *Nomencl.* ed. 2. p. 795)?

Inscr. *Tijdschr. r. Nat. Geschied. en Physiol.* Tom. IV. Tab. IX. A et E. et Tom. VI. Tab. III. qua facilis transitus probatur.

Saepe haec forma in speciminibus adultis invenitur et luxuriose crescentibus, quando si characteres exoriri solent, quibus cl. VRIESSE *E. latifrondem* ab *E. horrido* distinguere voluit, scil. major foliolorum latitudo, color saturate viridis, quorum superiora duos tresve ad marginem inferiorem dentes gerunt. In universum monendum, in eadem planta, pre majori minorive vegetationis evagynas frondes mox copiose rore glanco superfusas esse, mox illo omnino carentes et perquam saturate virides. Haec omnia autem olim jam l. c. fusi exponui.

Cl. LEHMANN mihi nuper scripsit, *Euc. latifrondem* optimam sibi videri speciem, cuius eximia specimina in *Horto Hamburgensi* colantur. In ejus Herbario frondem video, foliolorum latitudine praesignem; foliola infima fere opposita, superiora alterna; exceptis infimis integris vel unidentatis, omnia ad marginem inferiorem tres quatuorve dentes spinosos gerunt, quorum supremus fere semper major est; in paucis ad superiorem etiam marginem dens minor exstat. *Foliola* sunt grandia et lata, fere plana, vix aliquid squarrosa, viridia, nec rore glauco teeta.

Integra autem ac salva viri amicissimi opinione meam olim expositam sententiam non possum non mittere, cum certas ac probatas differentias hucusque frustra quaevissem.

De omnibus his formis adhuc hoc monendum: numerum foliolorum pro aetate a 15 ad 30 et 40 variare; inferiora foliola remotiora, ac magis simplicia sunt. Dentes plerumque potius lobi vel cuspides spinosi vocari merentur; sic foliola 14 centim. longa dentes aliquando ferunt 5—6 centim. lanceolatos. Folium ipsum, ubi dentes oriuntur, in opposita parte reflecti solet. Nervi in pagina inferiore valde perspicui. Margines subrevoluto-incrassati. Compages rigida, elastica, dura. Pagina superior ablato rore, nitens.

Organæ generationis *Enc. horridi* tam feminea quam masculina in *Horto Roterodamensi* observata, in plantis recenter e *Promontorio Bonae Spei* advectis. Frondes cediderant. *Conus mas* fere sessilis frondium lapsarum basibus et squamis basi munitus, erectus, oblongus (cylindraceus utrinque attenuatus) 25 centim. circiter longus, in medio 9 centim. crassus, numerosissimi spadices horizontales paulo deflexi, glabri, extus sordide lutescentes fuscescentes, spathulati, versus apicem attenuati, quasi fusce cicatriscati, 2½ centim. circiter longi, vix 2 lati, subtus parte dimidia inferiore tota antherifera. *Antheræ* fusce luteæ. — *Conus feminus* pedunculatus, pedunculo sursum incrassato, longitudinaliter costulato, magis globosus, 14 centim. crassus, spadicibus extus aurantiacis, singulorum pelta tetragono-rhomboidea, in medio area obscuriore cicatriscata notata. *Fructus* maturi rubicundi, angulati.

15. ENCEPHALARTOS NANUS LERH.

E. Caudice glabro, frondium rhachi teretiuscula, foliolis alternis, pruinoso-glaucis, oblongo-lanceolatis vel ellipticis, apice spinoso-mucronatis, integris, apiceve bilobis vel bicupidatis, aut margine inferiore bi-raro-tri-dentatis, rarissime margine superiore uni-dentatis.

Syn. *Zamia nana Hortulan. germanica*. *Zamia aurea Hortulan. belgior.* *Zamia gleina aliquorum Hortor.*
(subinde *E. horridum spectans*).

Encephalartos nanus LERHANN in *Tijdschr. voor Natuurl. Geschied. en Physiol.* Tom. IV. p. 421.

Icos. *Tijdschrift* I. c. Tab. VIII. fig. C. frondem juvenilem cultam exhibens.

HABITAT in *Promontorio Bonae Spei*.

Similitudine quadam facile invenienda ad *E. horridum* accedit, *statura* multo *minor*, foliola minus profunde divisa, *nec dentes* *divaricati*. Singularis est in siccis speciminibus, detrito rore glaucescente, *nitor pallidus aureus* in superiore foliolorum pagina. Olim *E. horridum* juvenilem e semine enatum credidi, nunc autem propriam speciem habere malo (1). *Frons* ex *Horto Gandavensi* nomne *Z. muricatae?* missa 35 centim. longa, leviter curvata, rhachi subtetragona; *foliola* alterna, quorum inferiora remotiora. *Omnia elliptico-lanceolata* vel *lanceolata*, apice acuto subito in tenuem et pungentem fuscumque spinam contracto. Non omnino aequalia dici possunt, nisi integerrima. *Color* paginae superioris glaucescens e roro superfuso; detrito in siccos *nitor* pallide aureus adparet. *Margo* superior aliquando revolutus; *pagina inferior* pallida, non nitens, 12 fere nervos offert. *Compages* parum rigida, flexilis. Inferiora, quae 4—5 centim. distant, integerrima; sequentia ad marginem inferiorem prope apicem dentem vel cuspidem obferunt, ita ut apex fere bilobus vel inaequaliter bicuspitatus vocandus sit; aliud in medio margine dentem offert. Inter superiora quaedam duos dentes habent, unum majorem prope apicem, aliud minorem in medio. — *Foliola* media 5—7 centim. longa, 1½ lata. — *Foliola* utrinque 13—14.

Frons icona citata depicta 12 fere centim. longa, utrinque 6—8 *foliola* gerens, alterna, elliptica vel elliptico-lanceolata, plerumque margine inferiore breviter bidentata, prope apicem, hinc plerumque quasi bifidum. Rare uni-vel tridentata sunt, et rarissime exignus dens ad marginem superiorem; 4—4½ centim. longa, 1½ lata.

In *Herbar.* LERHANNI vidi tres frondes diversae aetatis a descriptis non recedentes.

Appendix. SPECIES FOSSILES.

a. ENCEPHALARTOS BUCKLANDII.

Caudices fossiles subsphaeroidei apice impressi, axi indistincto, cicatricibus frondium rhomboideis.

Syn. *Cycadeoidea megalophylla* BUCKLAND *Geolog. Transact. nov. ser.* Tom. II. 3. 1828. p. 397.

Mantellia nidiformis BRONGE. *Predr.* p. 92. *Mantellia megalophylla* BRONGE *Lethaea* Tom. 2. p. 227.

Icos. BUCKL. I. c. Tab. XLVII et XLVIII. BRONGE I. c. Tab. XV. fig. 2. a, b, c.

OBSERVATIO. *Caudices* omnino iis Enc. horridi et similiū comparandi, 10 poll. alti, 15 lati, *cicatricibus* 1"—2" latis, ½—1 longis; petioli 1"—3" longi. *Structura* caudicis satis cum iis *Encephalartorum* congruit.

(1) Vidi non raro frondes juveniles e geminis radicalibus *E. horridi* enatas, ad hanc speciem accidentes; deesi tunc saepe foliolorum dentium squarrosa dispositio.

ZAMIAE FOSSILES BRONG. (PALAEZAMIA ENDL. I. c.) huc omnes fere referendae videntur.

Frondes pinnatae. pinnis approximatis, sessilibus, basi subconstrictis callosis non articulatis, nec imbricatis, apice acutis denticulatis, nervis tenuibus, aequalibus, parallelis vel subdivergentibus. Coni fere ignorantur.

Hucusque duodecim species innotuere, effossae e terra oolithica *Angliae* (*Stonesfield, Whitby*) et jurassica *Galliae*; unica in *India orientali*. Conf. PHILIPPS *Illustrations of the geol. of Yorkshire* et LINDL. et HUTTON *fossil Flora* imprimis *conos* in Tab. 136, e formatione *Wealden* dicta ex insula *Wight*. Harum sequentes indicare sufficiat.

b. ENCEPHALARTOS PECTINATUS.

Syr. Polypodiolithes pectiniformis STEENE. *Flora d. Vorwelt.* Tom. III. p. 44.

Zamia pectinata BRONG. *Prodri.* p. 94 et 199. LINDL. *Fossil Flora* 1835. Octob. Zamia pectiniformis BRONG. I. c. p. 225

IGOR. SPERME. I. c. Tab. XXXIII. fig. 1. BROWN Tab. XIV. fig. 16.

Effossus in terra jurassica *Angliae* ad *Stonesfield*.

c. ENCEPHALARTOS TAXINUS.

Syr. Zamia taxina LINDL. *Fossil Flora* 1835. Octob.

d. ENCEPHALARTOS GIGAS.

Syr. Zamia Gigas LINDL. *Fossil Flora* 1835. Jul.

ADNOTATIO. Structura anatomica caudicum illorum fossilium ulterius examinanda et dijudicanda est gravissima quaestio, an re vera omnes nunc enumerati ad hoc genus aut ad *Zamias* genuinas pertineant, uti imprimis ROBERTO BROWN placere videtur.

† VI. HISINGERA.

(Cycadites MANTELL. — Nilssoniae spec. BROWN I. c.).

Frondes pinnatae, foliolis oppositis alternis, brevi-lanceolatis acutis, nervis pluribus validis, singulis cum tenui unico alternantibus.

I. HISINGERA MANTELLII.

SYN. et ICOR. Cycadites Brongniarti MANTELL. *Geolog. S. Engl.* p. 238. cum icoⁿe.
Nilssonia Brongniarti BRONN *Lethaea*. Tom. II. p. 576. Tab. XXVIII. fig. 14.

Species unica hucusque cognita in formatione cretacea ad *Rietgate* in *Sussex* effossa (in stratis *Wealden*).

† VII. NILSSONIA BRONGN.

(Nilssonia BRONGNIART *Ann. d. sc. nat.* TOUL. IV. p. 211. *Prodrom.* p. 95).

Frondes pinnatae, vernatione circinatae, *foliolis* approximatis, oblongis, nervis parallelis, nonnullis validioribus.

Duae memorabiles hujus generis species hucusque innotuere, effossae in terra *Lias* apud *Hoer* in insula *Schoonen*. — *Frondium* vernatione hoc genus quodammodo ad Cycadem accedit.

I. NILSSONIA BEEVIS BRONGN.

SYN. Nilssonia brevis BRONGN. in *Annal. d. sc. natur.* Tom. IV. p. 218. — BRONN *Lethaea* Tom. I. p. 152. — HISINGER *Eskizze* l. c.
ICOR. BRONGN. l. c. Tab. XII. fig. 4. — BRONN l. c. Tab. XIII. fig. 3.

2. NILSSONIA ELONGATA BRONGN.

SYN. Nilssonia elongata BRONGN. l. c. p. 218. — *Prodr.* p. 95.
ICOR. BRONGN. *Ann. l. c.* Tab. XII. fig. 3.

3. NILSSONIA. Species mihi incognita.

ICOR. SCHIMPER et MONGEOT *Plant. fossil. Vogt.* Tab. XVIII. fig. 2.

VIII. ZAMIA LINN.

(*Zamia* LINN. *Gener. plant.* N°. 1227. et *Suppl. plant.* p. 68. *excl. specieb.* RICHARD l. c. p. 198. LERHANN *Pugill.* VI. p. 3. ENGLICH. *Gener. plant.* p. 71).

(Tab. I. fig. v-x et II. fig. b*, b**, f. h.).

Spadices antheriferi in conos cylindraceos vel subglobosos pedunculatos collecti, rhachi communi inserti, e stipite angustiore in apicem peltatum subbilobum incrassati, utrinque acervulo antherarum infra munitum. *Antherae varie conjunctae.* *Spadices ovariferae* in conos crassiores aggregati, e basi stipitata in peltam hexagonam utrinque ovarium unicum inversum gerentem incrassati. *Ovaria viridia glabra.* *Putamen homogeneum.* *Embryo cylindricus.*

Arbusculae humiles, rarius aliquot pedum altitudinem attingentes. *Caudex* crassus, subglobosus vel subcylindricus, delapsarum frondium cicatricibus squamosus, non raro inter cicatrices tomentosus, simplicissimus, vel subinde gemmis lateralibus tuberculiformibus e squamarum axillis protrusis munitus, at non in ramos evolutis, in parte hypogaea novellas planta sefformantibus. *Medulla* ampla. *Vasa striata* in stratum collecta. *Radix* crassa, perpendicularis, fusiformis, ramosa, albicans, medullosa, strato ligneo e vasis striatis rectis formato medullam includente vasis similibus sed dense intertextis et flexuosis repletam. — *Frondes* pinnatae apicem caudicis coronantes, per annum (?) formatae, basi *squamis* crassis munitae, rhachi *vernatione* incurvo-circinatim involuta, foliolis strictis faciebus anticis convergentibus imbricatis, nascentes rarioribus *pilis* deciduis obtectae, glaberrimae vel pilosofurfuraceae, laete virides; *stipes* parum tumefactus, inermis, subinde ut *rhachis* aculeolatus, subteres vel angulatus, antice bicanaliculatus aut fere planus, *foliola* alterna vel subopposita, basi tumefacta articulata, linearia, lanceolata, oblonga, ovalia (basi et apice semper plus minus inaequalia (1)), apice plerumque irregulariter serrulata, *nervis* plurimis parallelis, molliora, flexilia, non spinosa.

Organa genitalia jam in junioribus plantis efformata, dein satis copiose per annum protrusa, at lentâ admodum evolutione simul cum frondibus incrementa: plerumque ex apice sed et e latere evoluta, itaque tanquam axes laterales habenda. *Coni* solitarii vel plerumque plures, unus post alterum evoluti. *Coni mares* feminis tenuiores, cylindracei vel ovales, spadicibus dense imbricatis, maturis paulisper a se invicem recedentibus, extus fusce vel griseo-tomentosi, *pedunculis* subinde paullo latera liter deflexis. *Spadices* pedicellati, apice incrassati, lanuginosi, infra verticis protuberantiam transverse dilatati, superna facie nudi, inferna duos gerunt antherarum acervulos, *antheris* flavidis, subglobosis, unilocularibus, bivalvibus, rima ex apice non semper ad fundum extensa, solitariis vel saepe nexu basiliari binatis aut ternatis, et tunc radiatim divergentibus, *pollen* copiosum pallidum inidentibus; pili non inter antheras dispositi. — *Feminei coni* crassiores, tomentosi, erecti, pedunculati, spadices minori numero in singula spirâ, primo presso contigui, dein magis recedentes, inaequaliter transverse hexagoni, crasso-coriacei, stipitati. Supremi steriles corpus acuminatum in apice strobili sistunt. *Ovaria* versus acutiores peltae angulos subtus affixa, viridia, glabra, inversa, ovoideo-angulata, apiculata; singula stipitem inter se premunt. *Ovariorum pericarpium* carnosum, apiculo (sed non ut in *Cycade* tubuloso) perforato, foramine angustissimo; basis excavata (secundum RICHARD); *ovulum* ovarie conforme, pro majore parte cum eo coailitum. *Fructus* baccaeformis, glaber, coloratus, rubescens vel

(1) Latera fololi opposita ita inaequalia, ut v. c. sinistrum latus ad basin, dextrum versus apicem maius vel angustius sit ac opposita latera. — Foliolum supremum sequale.

flavicans, pressione angulosus, carnosus, pulpa colorata putamen tenui, ovoideum, obtuse-angulatum, basi mucronulatum, apice angustato bi-tri-foratum, continuum, laeve, ininclude. *Albumen* durissimum albicans, *embryo* inversus, albumine paullo brevior, rectus, cylindraceus, vel subclavatus, utrinque obtusus, cotyledonibus basi exigua fissura separatis, in corpus oblongum coalitis; gemmula minima, conico-acuta, compressa; radicula subrotunda in filum continua, quod materiei spongiosae aperturam cavi embryoniferi claudenti adhaeret.

ADNOTATIO. Cel. RICHARD (*Mémoire p. 193*) incompletos steriles *fructus Zamiae* descriptis, in nostris vaporariis efformatos. »Nux iis inest subglobosa, cartilaginea, ad verticem molliuscula. — *Albumen* quoad molem substantiamque absolutum, in vertice etiam pertusum est foramine, adusque fere axis illius quadrantem oblongiuscula ducto. Teguminis seminis apex papillatus intus incrassatur materie carnosso-mucilaginosa; quae processu molliore in albuminis foramen penetrat idque obturat, contenta quasi sacculo tenuissime membranaceo, pariete foraminis adglutinato. Is autem sacculus videtur processus cuticulae teguminis seminalis internae.“

Zamiae in *Novi orbis* regionibus tropicis erescunt, imprimis *Indiae occidentalis insulis*, regno *Mexicano*, in *Floridam* et *Carolinam* usque extensae, (circiter inde 35° lat. bor.; limites australes dubii), terras rupestres praecoptantes. In regno *Mexicano*, ut cl. GALEOTTI mihi retulit, ab eo *Zamiae* repertae sunt in vicinitate maris pacifici, (16° 30' lat. bor.) usque ad altit. 5000 ped. Paris., imprimis in terris vulcanicis, basalticis, non crebro in calcareis. Una species (*Z. pygmaea*) in *Savanis* vel *planiis terrae* vegetabilis prope *Vera Cruz*, inter Gramineas copiose notata (2000—3000 alt.). *Z. muricata* in *America meridionali* ad 80 hexap. altitudinem crescit.

OBSERVATIO I. Primus qui *Zamiae* speciem observavit, JOANNES LERIO fuisse videtur, qui *Ayri* nomine fortasse ejusmodi plantam intellexit (*Histoire d'un voyage fait au Brésil*. 1576. 8^a p. 202). SPRENGELIUS *Zamiam furfuraceam* putat (*Histor. rei herb. Tom. I.* p. 375). Hanc postea TREWIUS accuratius descriptis (1760). — COMMELINUS in *Hort. Amstelaed.* Tom. I. p. 111. Tab. 58. speciem descriptis, ex India occidentali allatam, scil. *Zamiam debilem*. — LINNAEUS in *System. Veget. ed. 14.* p. 778. *Zamiam pumilam* descriptis et *Zamiae* genus constituebat, imprimis iuxta iconem TREWIL. — AFFONIUS *Zamiam integrifoliam* determinavit (*Hort. Kew.*) — JACQUINUS *Zamiam medium* et *Z. angustifoliam* (*Plant. rar.*) iconibus et descriptionibus illustravit. — SIMSIUS *Z. pygmaeum* (*Botan. Magaz.*), WILLDENOWIUS *Z. tenuem* (*Hort. Berol.*) et *Z. muricatam*, ab HUMBOLDTIO detectam, (*Spec. pl.*) descripsit.

Species autem ab auctoribus vario modo confusae sunt, ob definitiones nimis breves et icones in rario-ribus libris dispersas. — PERSOONIUS in *Synops.* Tom. II. p. 631. septem species enumerat, *Z. pumilam* cum *Z. integrifolia* jungens. SPRENGELIUS (*System. Veget. Tom. III.* p. 907.) novem habet, *Z. pumilam* restitucis, et addita *Z. pygmaea*.

Ad species quas nomine tantum novi, pertinet *Zamia integrerrima* (an *Encephalartos cycadifolius* aut *similis*?) in insula Pavonum culta; nec non *Zamia prunifera* LODDICES, a cl. STEUDEL nescio quo jure *Encephalartos pruniferus* dicta.

LINNAEUS primus hoc genus condidit, et affinitatem cum Cycade intellexit. GAERTNERUS hanc affinitatem, perperam intellecta embryonis structura, negare voluit (*de fruct. et sem. I.* p. 15).

OBSERVATIO II. Quid cl. REICHENBACH in *Conspicci. p. 40.* nomine *Arthrozamiae* intellexerit, nec ipse exprimit nec e vocis etymo divinari potest. Ad *Zamiam* LEHM. referri posse, ii crediderint, qui foliorum in hoc genere articulationem cum rhachi cum vocis etymologia comparaverint. Miror virum alioquin in re herbaria versatum, nudum illud et ideo silentio praeterendum vocabulum, ad LEHMANNI *Encephalartum* nunc referre et improbe castigare viros doctos, qui sua merita in aliorum detrimen-tum extellere non consuevere (cf. *Handb. d. Natür. Pflanzensystems* p. 60. in nota).

CLAVIS SPECIERUM.

- A. Foliola majora latiora, oblonga, ovata, serrata.
1. Stipes muricatus, foliola oblonga acuminata. — *Z. muricata*.
 2. " foliolaque infra furfuracea. — *Z. furfuracea*.
 3. " inermis, foliolaque glaberrima, lato-lanceolata, apice rotundata. — *Z. integrifolia*.
- B. Foliola lanceolata, serrulata. — *Z. media*.
- C. " spathulato-lanceolata integerrima. — *Z. pumila*.
- D. " minora lanceolata vel ovalia.
1. a medio serrulata. — *Z. pygmaea*.
 2. apice serrulata. — *Z. Kickxii*.
 3. obsolete serrulata. — *Z. debilis*.
- E. Foliola linearia integerrima.
1. " elongata, basi attenuata. — *Z. tenuis*.
 2. anguste linearia obtusa — *Z. angustifolia*.
-

1. ZAMIA MURICATA WILLDEN.

Z. Caudice stipite muricato, rhachi subsemiterete antice bicanaliculatis, foliolis suboppositis e basi contracta inaequaliter oblongis acuminatis, a medio inaequaliter argute spinulose serratis.

SYN. *Zamia muricata* WILLDEN. *Spec. plantar.* Tom. IV. p. 847. KUNTE *Synops. pl. aequinoct.* Tom. I. p. 349.

PERSOON *Synops.* Tom. II. p. 631. SPRENG. *System. Veget.* Tom. III. p. 907.

ICON. Tabula nostra VII. specimen ab HUMBOLDTIS lectum.

HERBAR. WILLDENOW. №. 18536.

HABITAT in humidis umbrosis Provinciae *Feneruelae*, inter *Santa Barbara* et *Porto Cabello Novae Granadae*, alt. 80. hexap. (HUMBOLDT).

DESCRIPTIO. E grandioribus speciebus elegantissima. *Frons* in nostro specimine paucifoliolata; *stipes* *rhachisque* 32 centim. longi, quorum rhachis 7 habet; haec laevis, non crassa, in secco anlice bicanaliculata, postice semiteres, hic ac illic exiguo aculeolos gerens, breves, paulo curvatos, acutissimos, 1—2 mill. longos; inter supra foliola in acumen siccum breve excurrit. Utrinque 4 foliola, non approximata, inferiora longius remota quam superiora et paulo majora; tamen infimum par paulo minus quam sequentia. Sunt oblonga, subobliqua, margine inferiore convexiore. *Basis* evidentissime cum rhachi articulata, brevis petioli ad instar contracta. *Apex* acuminatus. Serraturae versus apicem sensim magis approximatae; in margine inferiore serraturae a medio inde vel infra medium incipiunt, in superiori supra medium. Hic illic serraturae duplicatae sunt. Compages membranaceo-coriacea, facies superior lacivissima magis splendens quam inferior; nervi numerosissimi, quorum quidam bifurcati. Longitudo folioli maximi 17 centimetra, latitudo 4½ metitur.

Accedit haec species ad *Zamiam furfuraceam*, quae differt: basi foliolorum minus contracta, apice non acuminate, serraturis minus profundis, habitu, *indumento* caet. In nulla etiam alia hujus generis specie serraturae adeo durae sunt et eas *Encephalartorum* imitantur.

ZAMIA MURICATA WILD. *Var. angustifolia.*

Z. Caudice . . . stipite elongato subterete multi-aculeolato, rhachi subsemiterete antice bicanaliculata, foliolis suboppositis alternisve subhorizontalibus, e basi contracta lanceolatis aliquid inaequalibus, acuminatis, glaberrimis ac nitidissimis, a medio argute et minute serratis.

Syn. *Zamia muricata?* in A. VAN DER HOOF *Hort. Spaarn-Bergense.* (*Indice plant.*).

HABITAT in America. In Hortum Spaarnbergensem ex Hortis anglis introducebatur.

DESCRIPTIO. *Frons* mihi est metrum fere longa, elegantissima, versus apicem recurvata, et foliorum arcuatim pendentium alis perquam formosa. *Stipes* longus 60 centim., rectus, basi fere centimeter crassus, cylindricus, hic illic obsolete angulatus, obscure viridis, nitens, sed non omnino laevis, epidermide ad lentem verruculosa, creberrimis *aculeolis* pallide viridibus, rectis vel curvulis, obtusiusculis, brevibus (maximis 2 millim. longis) absque ordine obtectus. *Rhachis* multo tenuior curvata laevior, non nisi rarissimo aculeolo obsita, postice semiteres pallide viridis, antice obsolete bicanaliculata, apice inter ultima foliola mucronatim exerto. *Foliola* utrinque 15, praeter infima breviora, ejusdem fere longitudinis, subopposita, superiora (praeter summa) alterna, subhorizontaliter sita, ob flexilem nec rigidam compagem paullo dependentia, supra laete viridia glaberrima, laevissima, nitentia, nervis vix striata, basi evidentissime articulata pallida, infra pallide viridia, non multum nitentia, nervis 45 et pluribus parallelis eleganter striata; omnia lanceolata, 21 circiter centim. longa, 3 lata, basi attenuata, apice longe et plus minus inaequaliter acuminata; margines paullo revoluti, inde a medio (sed plerumque jam paullo inferius) spinulose serrulati, serraturis paullo deflexis inaequalibus et inaequaliter distantibus, in ipso apice paullo majoribus, sub lente obtusiusculis; substantia coriacea flexilis.

ADNOTATIO. Haec planta tanquam nova species in Hortum Spaarnbergensem introducta et mecum benebole a Nobil. VAN DER HOOF e ditissimo illo horto communicata, a *Zamia muricata* W. (specimine authentico) differt quidem, nec tamen sufficientes mihi differentiae videbantur ad speciem inter congeneres variabilitate formarum summa insigne novam condendam. Foliola in nostra multo longiora et multo angustiora ac in planta Humboldtiiana. Hujus autem frons quam descripsi, junioris plantae videtur et parum evolutae, deficientibus etiam fere aculeolis. Latitudo et longitudo foliorum in reliquis etiam speciebus ludunt, constans tamen forma generalis; marginum autem, nervorum, superficie, brevitate ac indolis foliorum in utraque eadem ratio.

2. ZAMIA FURFURACEA AIT.

Z. Caudice crasso, stipite subterete antice subcanaliculato aculeolato, rhachi subtetragone-teretiuscula, foliolis alternis suboppositis elliptico-lanceolatis (quater longioribus quam latis), basi inaequaliter attenuatis, ad apicem obtusiusculum repando-lobulatis, vix a medio inaequaliter serratis, imprimis subtus furfuraceis, cono femineo ovali in apicem conicum sterilem producto.

Syn. *Palmifolia* fructu elevato polyspermo TREW. *Plant. select.*, pinx. ENAERT. *Deciria* III. 1752.

Palma americana foliis Polygonati brevioribus leviter serratis et nonnihil spinosis, trunco crasso PLUKER. *Alm.* p. 276.

Palma americana crassis rigidisque foliis HORN. *Parad. Batav.* ed. Sherard. p. 210?

Palma pumila MILL. *Dicot.*

Zamia furfuracea WILD. *Spec. plant.* Tom. IV. p. 848. *Act. Hort. Kew.* ed. 1. Tom. III. p. 477. ed. 2. Tom. V. p. 471.

PERSOON *Synops.* Tom. II. p. 631. SIMS *Botan. Magaz.* Tab. 1969. SPENG. *Syst. Veget.* Tom. III. p. 907.

LOC. TREW. I. c. Tab. 26. PLUKR. I. c. Tab. 103. Fig. 2. Tab. 309. Fig. 5. *Bot. Magaz.* L c. (*pl. femina*).

HABITAT in India occidentali et in Americae continente, ex. e. prope Vera-Cruz.

DESCRIPTIO. *Caudex* crassus, 2 pedum altitudinem attingens. *Frondes* magnae, elegantes, 1 metri, cuius *stipes* 25 centim. metitur, semicylindricus, antice imprimis aculeolis vestitus, irregulariter dispositis, conicis, obtusis, rectis vel curvatis, 2 millim. longis. *Rhachis* stipite multo tenuior, etiam aliquot aculeolos gerens, apice inter duo foliola suprema breviter producta: utrinque (in nostro specime) 13 foliola, subopposita, inferioribus et superioribus magis remotis, minoribus, angustioribus. Media 16—17 centim. longa, 4—5 lata, oblonga, spatulata, basi subinaequalia, *margo superior* magis convexus, *inferior* rectiusculus; *apex* dilatatus, plus minus obtusus, raro acutus, inaequalis, subinde, in majoribus foliolis, lobulatus. Raro foliola omnino aequalia sunt. Substantia coriacea; margines aliquomodo revoluti; ab apice inde ad $\frac{1}{3}$ vel $\frac{1}{2}$ longitudinem inaequaliter serrati, in superiore plerumque magis versus basin quam in inferiore. In superficie superiore ut et in rhachi ac stipite operantis pili furfuracei tenues conspicuntur, inferior superficies pulvere furfuraceo griseo, intermixtis brunneis pilis, obtecta. Quodsi specimen in insula Pavonum cultum ex Horto PARMENTIERI, quod mox descripsi, comparo cum descriptione et iconе plantae *Diarii Anglici*, haec minor fuisse videtur; foliola 9—11 centim. longa, 2—3 lata, potius lanceolata, 10 paria, infra medium integerrima, supra medium serrulata. *Stipes* aculeolatus. *Conus* pedunculatus, ovalis, in apicem conicum productus, tomentosus, flavi brunnei et aequalis coloris. — MILLER observavit specimen maturos fructus gerentia, frondibus omnibus deciduis.

ADNOTATIO. Haec a sequente praeter singulare prorsus indumentum, toto habitu et foliorum forma facile distinguitur. — Raro in caldariis nostris occurrit, eti elegantissima species sit.

3. ZAMIA INTEGRIFOLIA AIT.

Z. Caudice subgloboso glabro, stipite subtetragono, rhachi semiterete-tetragona, foliolis inferioribus alternis, superioribus subalternis, e basi cuneatim attenuata lato-lanceolatis oblongisve, (octies longioribus quam latis), apice rotundato-obtusis serrulatis.

Syn. *Zamia integrifolia* Aitox. *Hort. Kew.* Tom. III. p. 478. edit. 2. Tom. V. p. 40. WILLDENOW. *Spec. pl.* Tom. IV. p. 847. *Hort. Berol.* p. 1022. exol. syn. *Zamiae pumilae* L. — PERSOON *Synops.* Tom. II. p. 631. exol. *codem syn.* JACQVARD *Collect.* Tom. III. p. 261. Sims *Botan. Magaz.* I. c. PERSI *Flora Americæ septent.* Tom. II. p. 648. SPARRNG. *System. Veget.* Tom. III. p. 907. — An hoc pertinet *Palma americana* foliis *Polygonati* brevioribus, leviter serratis et nonnihil spinosis, trunco crasso BLEVYS. *Phytogr.*?

Icon. JACQUARD *Icon. rario.* Tom. III. Tab. 635. *Botan. Magaz.* Tab. 1851. — PLUCKS. *Almag. botan. London* 1698. Tab. 309. fig. 5.

Herbar. WILLDENOW. №. 18535, specimen Humboldianum feminine, culto humilius, minus.

HABITAT in insula Domingo (HUMROLDT. WILLDENOW); *Florida orientali* (PURSH I. e.) caet. (1).

DESCRIPTIO. Una e majoribus speciebus, *Zamiae* mediae affinis, frequentius in Hortorum caldariis culta. Specimen authenticum *Herbarii Willdenoviani* omnino cultas plantas refert, ea saltem differentia, ut hae luxuriosius evolutae longiores frondes ac majora foliola ferant. In *caudicibus* plantarum cultarum saepe vidi gemmas laterales tuberculiformes ex axillis squamarum se evolentes, tum infra tum supra terram. Iliae in juveniles plantas efformatae a caudice solvuntur, hae mox pereunt. — *Radix* fusiformis, albicans, ramosa, satis magna. — *Frondes* omni anno novae ex crescunt; non raro metri longitudinem attingunt; earum stipes est satis crassus tetragonus, facies postica convexa, antica bicanaliculata. An subinde unus alterve aculeolus inveniatur? — Ejus longitudine variat a 5 ad 25

(1) "This species of palm is only found in Florida, as I have made all inquiries to find it in Georgia, but without success" PURSH. I. c.

centim. *Rhachis*, ejusdem fere formae at multo tenuior, utrinque 6, 8 vel 9 *foliola* fert, in universum alterna, vix hic illic per paria subapproximata. Inferiora plerumque minora quam superiora, nec tamen magnitudo multum differt. In specimine Humboldtiano 14 centim. longa, 2½ lata in diam. maximo; in cultis specimibus 22 centim. longa, 3 lata. Nulla autem alia differentia est. Foliola evidentissime cum rhachi articulata, et moribunda faciliter exarticulata. Foliola antice non convergentia, lanceolata, lata, versus apicem latiora, inaequaliter rotundata, subinde leviter biloba, et in cultis plerumque dilacerata; versus basin contracta; margines integerrimi, apice serrulati vel denticulati, sed paullo magis (per longiore extensionem) in inferiore quam in superiore. Nervi 50—60. Color laete et pulchre viridis, pallidior in pagina inferiore.

Specimina saltem feminea vidi. Haec suos conos omni fere anni tempore efformant, sed admodum tarde, evolutione fere per annum continuata. — Ejusmodi *conus* perquam crassus pedunculo crasso (2 centim.) et 4—5 centim. longo innexus, conice acuminatus, ad 10 centim. longus, et 2 centim. crassus. Singuli *spadices* pedicellis 1½ longis instructi, angulatis, tri-tetragonis, pelta obtuse quadrangulari, quadrisinuata. *Ovaria* viridia, glabra, ovoideo-elongata, apertura manifesta tanquam foramine instructa, sed nihil producta. — *Coni* extus tomento brunneo-fusco, dein magis in griseum vergente, vestiti. — *Conos* in plantae patria majores excrescere, autoptae mihi retulerunt.

ADNOTATIO. Planta, quam beatus RICHARD in *Comment. cit.* nomine *Zamiae integrifoliae* descriptis, profecto hoc non pertinet, et ad *Zamiam debilem* vel *Z. pumilam* melius referri potest, etsi non sine dubitatione, cum imprimis frondes non magna cura botanice delineatae sint.

Omnis fere auctores (auctoritate WILLDENOWII) tamquam *Z. integrifoliae* synonymen laudant *Z. pumilam* Linn. sp. pl. 1659. excol. synon., cuius rei ratio mihi non omnino liquet. Profecto LINNAEUS plures affines species hoc nomine collegisse videtur, si autem descriptionem conferas (v. c. adhuc in *Suppl. plant.*) haec non nisi in *Z. pumilam* (conf. infra) quadrat, minime in hanc speciem. Canonem a cel. FRIES sancitum hic itaque sequendum esse puto, in synonymis LINNAEI dubiis extricandis potius diagnosin, quam icones citatas et specimina herbarii, computanda esse.

4. ZAMIA MEDIA WILLDEN.

Z. Caudice . . . stipite tereti-subtriquetro, foliolis suboppositis, summis majoribus, linear-lanceolatis (fere decies quater longioribus quam latis), obtusiusculis, sub apice ad marginem inferiorem vix ad superiorem obsolete serrulatis, planis, marginibus vix revolutis.

Syn. *Zamia* stipite tereti inermi JACQUIN *Hort. Schoenb.* Tom. III. p. 77.

Zamia media WILLDENOW. *Spec. plant.* Tom. IV. p. 846. PERSOON *Synops.* Tom. II. p. 631. SPRENG. *Syst. Veget.* Tom. III. p. 907. HAUD *Botan. Magaz.* Tab. 1838, quae est *Z. pumila*, et nob. in *Bullet. d. sc. phys. et nat. en Néerl.* 1838. p. 84. (*dubia*).

Herbar. WILLDENOW. N° 18534. specimen Humboldtianum.

Icon. JACQUIN l. c. Tabb. 397 et 398.

HABITAT — locum natalem WILLDENOWIES non accurate indicavit.

ADNOTATIO. Haec species variis dubiis diu obnoxia erat, cum plures auctores in scriptis botanicis et Catalogis Hortorum eam commutaverint cum *Zamia pumila* aliisque affinibus. Magni itaque feci benevolē oblatam occasionem authenticum ex *Herbario* WILLDENOWII examinandi, a cel. HUMBOLDT lectum. *Frondis* hujus *stipes* 15, *rhachis* 17 centim. longi; horum facies postica (quantum e sicco erit potest) convexa, antica plus minus planiuscula videtur. *Stipes* non valde crassus. *Habitus singularis*, ob foliola suprema multo longiora quam inferiora; haec opposita sunt, superiora potius alternantia.

Infama metiuntur longitudine 8—12—14 centim., 6 millim. ad 1 centim. latitudine. Suprema *foliola* 15—17 centim. longa, 1 centim. vel 1, 4 mill. lata. Paria distant circiter 2 centim. Color, compages, nervi similes ac in *Z. integrifolia*, forma autem tantopere differt, ut nullum de vera differentia dubium sit. Sunt lanceolata sed angusta et elongata et sic ad formam linearem transeuntia. Inferiora magis recta, superiora paulisper curvata, leviter falcata, margine superiore convextior. Basis est contracta, et apex, qui vero ipse obtusus, est aliquomodo inaequalis, subinde plus minus sphacelatus. *Margines* integerrimi, levissime revoluti. In margine inferiore proxime ad apicem et in apice ipso quaedam leviores serraturae inaequales observantur, tres ad quinque, raro plures. *Nervi* simplices 17—20. — In nostro specimine utrinque novem foliorum paria sunt.

5. ZAMIA PUMILA LINN.

Z. Caudice humili, frondium brevium stipite rhachique semiteretibus antice bicanaliculatis, foliolis suboppositis spathulato-vel oblongo-linearibus (decies longioribus quam latis), integerrimis, apice obtuso plerumque inaequali integerrimo aut quam subtilissime serrulato, subsericeo-splendentibus, cono masculo oblongo, obtuso, femineo multo majore oblongo-cylindrico obtuso.

Syn. *Zamia pumila* Linn. *System. Vegetab. edit.* 14. p. 778. *Suppl. pl.* p. 443. (phrasis). *Ordin. natur. edit.* GISEK, *nomen nec descriptio nec synon.* — REICHARD *System. pl.* Tom. IV. p. 875. *excl. synonym.* *Siss Botan. Magaz.* Tab. 1838. (nomine *Z. mediae*, *pl. femin.*) et Tab. 2006. (*mas*). — MICHAES *Fior. Amer. bor.* Tom. II. p. 242. — SPRENG. *System. Vegetab.* Tom. III. p. 908.
Icon. *Botan. Magaz.* I. c.

HABITAT in *India occidentali*, in *Florida* et *Carolina*, ubi baccae comeduntur.

ADNOTATIO. Haec species a LINNAEO primum descripta, postea ab eo ipso aliisque botanicis cum plurimis affinibus confusa est, adeo ut synonyma plura ei adscripta excludenda sint. Satis frequens in caldariis tum planta femina tum masculina invenitur, variis nominibus insignita: *Z. pumila*, *Z. media*, *Z. debilis* caet. Quae ego specimina vidi bene quadrant cum iconibus in Dario anglico pictis et nullus dubito, quin planta ibi Tab. 1838. nomine *Z. mediae* picta ad nostram speciem referenda sit.

Planta in universum *humilis* ac parva videtur, *caudice* vix supra terram elevato (in speciminibus cultis). *Stipes* basi subfurfuraceus est, caeterum ut tota frons, glaberrimus. *Foliola* omnia subopposita, 1 centim. fere a se invicem distantia, quodammodo horizontalia, antice aliquid convergentia, basi evidentissime articulata; utrinque circiter 14 ad 20, magnitudine non multum diversa: media in universum maxima; sunt lato-linearia, basi angustata, versus apicem latiora, proxime ad apicem deinceps angustiora, apice obtuso vel obtusiusculo, integerrima, marginibus paulo revolutis; in apice ope lenti primis in quibusdam subtilissimae serraturae observantur, vel crenaturae obsoletissimae, ita ut rectius foliola omnino integerrima dicenda sint. *Nervi* longitudinales circa 20 et plures. Color atro-viridis. *Pagina* superior splendens quasi sericea, sed tamen tota glaberrima; inferior pallidior minus splendens. *Margines* in siccis paulisper incrassati. *Stipes* 9 centim., rhachis 14 longa. *Foliola* media 9—11 centim. longa; latitude maxima 6 millim. ad 1 centim. — *Conus* *femineus* *pedunculo* 4 centim. longo et $1\frac{1}{2}$ crasse affixus, cylindricus, obtusissimus, nequaquam in acumen productus, 10 centim. longus, $5\frac{1}{2}$ crassus, *spadicibus* crassis, petitis hexagonalibus medio atrofuscis, in ambitu pallidioribus, tomentosis. *Mas* multo minor, ejus pedunculus $1\frac{1}{2}$ centim., conus 5 longus, 3 ad $3\frac{1}{2}$ crassus. — *Inter semina* ex insula *Cuba* missa reperi bacca, *Zamiae pumilae* nomine insignitas, corrugatas, sed aquae impositas denno turgidas, coloris fuscescentis, 2 centim. longas; cute splendente; pruniformes, pulpa coloris ochracei; putamen laeve, uniforme, griseum, oblique ovatum, subangulatum, in parte superiori prominente tres fosulas vel foraminula monstrans, inaequalis magnitudinis, parte opposita in mucronem brevem durum

producta. Intus investitur *membrana arida* splendente subdiaphana, in qua albumen durum jacet. Illa membrana in basi crassior est; versus cavum reflexa, in *filum* tenue tortum dein abit, quod cum apice *radiculae* embryonis conjungitur: haec scil. e cavo *albuminis* longitudinali et centrali embryo-nifero prominet, tangit membranam, dum *filum* suspensorium valde contortum ac complicatum est. *Embryo* cylindricus, apice tumidulus, inferne umbonatus. (Conf. p. 15).

Conus mas, olim in *Horto Roterodamensi* efformatus, cylindraceus, fusce tomentosus, peltis tetragonis, antherarum fasciculi fere confluentes.

Zamia pumila differt:

1. a *Z. media* foliolis integerrimis, *lineari-spathulatis*, brevioribus, minore statura.
2. a *Z. debili* foliolis linearibus integerrimis; in hac brevioribus, brevi-lanceolatis, obsolete serrulatis.
3. a *Z. tenui* longe recedit; hujus foliola multo angustiora, versus apicem angustata, acuta rel.

OBSERVATIO. Quid synomon a cl. STEUDEL *Nomencl.* ed. 2. p. 795. laudatum: *Zamia (Encephalartos) pumila* SWEET?

6. ZAMIA PYGMAEA Sims.

Z. Caudice exiguo, frondium brevium stipite rhachique antice bicanaliculatis, teretibus, foliolis fere decemjugis approximatis suboppositis ovali-oblongis (ter longioribus quam latis), basi subobliquis fere cuneatis, apice obtusiusculis, a medio serrulatis, cono masculo ovato-subgloboso longe pedunculato.

SIR. *Zamia pygmaea* J. Sims in *Botan. Magaz.* Vol. XLI. London 1815. Tab. 1741. SPRENG. *System. Veget.*

Tom. III. p. 907.

Icon. *Botan. Magaz.* l. c. (specimen masculinum).

HABITAT in *India occidentali* (Sims); *Americae continente*?

DESCRIPTIO. Species hujus generis et totius familiae *minima*, elegans; siccum ejus frondem accepit ex *Horto Botanico Bonnensi*, a Doct. VOGEL benevole missam, quae satis bene cum icona citata convenit; solummodo paullo minor est, foliolaque paulisper obtusiora fert. Specimen in diario anglico pictum, cultum in caldaris Dominorum LOBBIGES, frondes gerit spithameas *stipite cylindrico*, *foliolis* non omnino oppositis, ovalibus, margine superiore magis recto, ab apice ad $\frac{1}{2}$ longitudinem serrulatis; margo inferior magis convexus ad medium usque serrulatus; porro sunt nittentia, articulationibus cartilagineis cum rhachi juncta; paria 10, approximata, quaedam fere imbricata. Frondes 19 centim. longae, quorum stipes 7 habet. Foliola inferiora sequentibus breviora, sed superioribus latiora. Media 3 centim. longa et 1 ad $1\frac{1}{2}$ lata. — *Conus mas* ovato-subglobosus, $2\frac{1}{2}$ centim. longus, pedunculo affixus flexo divergens, 4 centim. longo. *Spadices* apice fere hexagoni, antheris globosis albicantibus. — Frons plantae Horti Bonnensis 7—8 centim. longa, 7 paribus foliorum, quae in universum sunt magis spathulata, media 3 centim. longa, $1\frac{1}{2}$ lata.

Specimina etiam viva in *Horto Bruxellensi* vidi.

OESERVATIO. Accedit haec species ad *Zamiam Kickxii*, sed differt statura multo minore, foliolis multo latioribus, per longius marginum spatium serrulatis, dum in *Zamia Kickxii* sunt lanceolata apice tantum serrulata. *Conus* magis globosus, in illa cylindricus.

7. ZAMIA KICKXII.

Z. Caudice frondium gracilium rhachi tenui subterete glabra, foliolis alternis suboppositis, horizontalibus, membranaceis, e basi contracta brevi-lanceolatis (quater vel quinques longioribus quam latis), integerrimis, apicis inaequalis obtusiusculi margine imprimis inferiore serrulato, cono masculo longius pedunculato cylindrico, pedunculum aequante.

Icon. Tabula VIII. fig. 1.

HABITAT in insula *Cuba*, unde in *Hortum Gandavensem* introducta.

In specimine mare, a cl. KICKI nomine *Zamiae pygmaeae*? misso haec video: *Frons* tenuis, flexilis, 31 centim. longa; *rhachis* in sicco compressa canaliculata, vix omnino teres fuisse videtur, sed potius antrorsum canaliculata, supra suprema foliola paullo producta, laevis, splendens. *Foliola* utrinque 24, alterna, suprema subopposita, omnia fere horizontalia, infima brevissima, 2 centim. longa, media longissima, 5 centim., suprema mediis fere una tertia parte breviora, 3½ centim.; in medio 1 centim. fere lata. Suprema reliquis magis approximata. Omnia fere brevi-lanceolata, e basi contracta dein fere cuneata, sursum sensim latiora, adeo ut diameter maximus transversus supra medium folioli partem obtineat. *Apex* fere obtusus, inferne obliquus, cum margo folioli superior sit magis rectus, inferior convexus. *Serratura* argutac inaequales, inferioris marginis fere unam tertiam folioli longitudinem occupant; in superiore margine tenuiores serraturae tantummodo in apice adsunt. *Color* pallide viridis, luci obversa foliola translucida sunt. *Pagina* inferior pallidior, evidenter nervis striulata. — *Conus masculus* cylindricus elongatus acutus, 5 centim. longus, 1 crassus. *Spadices* tomento brunneo vestiti. *Pedunculus* laevis, sursum incrassatus, flexuosus (conf. p. 16).

8. ZAMIA DEBILIS WILDER.

Z. Caudice.... stipite rhachique semiterete-subtriangulis, foliolis remotiusculis, inferioribus alternis, supremis fere oppositis, mediis maximis, inferioribus minimis, omnibus lanceolatis (septics longioribus quam latis), integerrimis, apice obtusiusculo, subinde subemarginato subbilobo, obsolete serrulato, ad marginem inferiorem profundius versus basin quam ad superiorem.

SYN. Palma prunifera humilis non spinosa insulae Hispaniolae, fructui jujubino similis, osseculo triangulo COMMELIN *Horti medicis Amstelae. rario. plant. Descriptio et icones. fasc. I.* 1697. p. 111.

Palma americana, foliis Polygonati brevibus leviter serratis etc. PLUENET *Phyt.* p. 103 et 309?

Zamia debilis WILDER. *Spec. plant.* Tom. IV. p. 846. PEASOON *Synops.* Tom. II. p. 631. SPRENG. *Syst. Veget.* Tom. III. p. 907.

Zamia pumila POM? ex STRUB. *Nomencl. ed. 2.* p. 795. *Zamia integrifolia* RICHARD *Comment. Conif. et Cycad.* Tab. 27?

Icon. COMMELIN I. c. Tab. 58. (*rudis*). PLUENET I. c. fig. 2 et 5? — Tabula nostra VIII. fig. 2.

HABITAT teste COMMELINO in insula *Hispaniola*, verisimiliter et alibi in terris americanis.

OBSERVATIO. Auctores in citando synonymo COMMELINI dissentierunt, quod tum e rudiore icone COMMELINI explicandum tum ex incerta et parum accurata Zamiarum cognitione in universum. WILLDENOWIUS primus synonymon COMMELINI stabilivit, *Zamiae debili* illud adscribens. Nec tamen icon accurate plantam exprimit, ex. gr. foliolorum serraturae nimis aequales (ut numquam in hoc genere occurunt), nimis magnae caet. Ex *Horto insulae Pavonum* prope Potsdamum frondem accepi, inscriptam »*Zamia media* Jacq. — *Hort. Dresd.*» quam veram Z. debilem haheo, et mox describam.

Hac COMMELINI verba: »Anno MDCXC Chirurgus BATENBURG me donavit hujus plantae seminibus ut et fructu, quos ex *Hispaniola* attulerat, hanc addita descriptione brevissima: folia e solo exsurgunt septem, octave, inter quae fructus rubicundus partim terrâ emergens, partim sole impactus, sese offert, ex multis fructibus, jujubas referentibus sibi invicem impositis, Frumenti Peruviani ad exemplum, compositus et saporis gratissimi.“

»Anno MDCXCI hosce fructus examinavi, deprehendique, quoad saporem et colorem hujusce fructus cum jujubo convenire, quamvis paullo essent sicciores: hi plures sirovit juncti, emergebant e vagina membranacea, erantque suave rubentes, ossiculo oblongo duro, triangulo, albicante praediti.“

»Haec ossicula solo convenienti commisi, et supra finum equinum entrivit, quae quinos caules (verius foliorum costas) produxere spithamam fecerunt longos, quibus adhaeribant foliola pinnata, glabra, longiuscula, angusta, nitentia, rigida, margine versus extremum minutissimis crenulis serrata, non exacte ex adverso respondentia, nulloque impari alam claudente: haec foliola partialia in utroque latere alae quinque, sex, septemve inveniuntur numero, palmae dactyliferae aemula, verum pauciora et multis numeris minora.“ l. c. p. 111—112.

In nostro specimine haec inviatio: *Frons magna, glaberrima. Stipes* 24 centim. longus, trigono-semiteres, antice costatus, *rhachis* circiter 40 centim. longa, similis, paullo tenuior, vix inter duo suprema foliola producta. *Foliola* utrinque 13—14, inferiora alterna, superiora subopposita; illa minora, 6 centim. longa, 1 lata, media maxima, 10—11—12 centim. longa, 1½ circiter lata; omnia longe lanceolata, linearis-lanceolata, basi contracta perspicue articulata, integrerrima, *marginibus* vix aliquid revolutis, apice obtusiusculo rarius emarginato subbilobata levissime serrulata, plerumque ad marginem inferiorem paullo profundius; saturate viridia. *Nervi longitudinales* tenues circiter 25. Situs foliorum plus minus horizontalis. — *Utraque pagina subnitens. Foliola* suprema omnium latissima.

ADNOTATIO. Si hanc speciem cum *Zamia media* aut cum *Z. pumila* comparas, solis descriptionibus brevioribus computatis, facilis esset commutatio. Distinctio autem facillima si specimina ipsa et fusiores adumbrationes comparaveris.

9. ZAMIA TENUIS WILLDEN.

Z. Candice . . . frondium stipite triquetro (?), teretiusculo, antice rhachique bicanaliculato, foliis alternatim approximatis, adscendentibus, elongatis, linearibus falcatim inaequalibus basi attenuatis (yigesies longioribus quam latis), apice obtuso caloso obsolete verrucoso-nni-bidentato, margine imprimis superiore subrevolute, cono mare cylindracee hirsuto.

Sys. *Zamia tenuis* WILLDEN. *Spec. plant.* Tom. IV. p. 846. *Enumerat. Hort. Berol.* p. 1200. *Praecox Synops.* Tom. II. p. 631. SPRENG. *System. Veget.* Tom. III. p. 908.

Zamia dentata VOIGT.

HERBAR. WILLDENOW. N°. 18532, specimen cultum.

HABITAT in insulis Bahamensis (WILLDENOW.).

DESCRIPTIO. Herbarium Willdenovianum servat hodie nihil aliud nisi inferiorem frondis partem et conum masculinum plantae in Horto botanico Berolinensi cultae. *Rhachis* 22 centim. longa, vix triqueta dicenda, potius tereti-trigona, antice canaliculata, canaliculis acuta costa diremitis; sed nunc nimis rhachis compressa est. *Foliola* sunt alterna; quamvis quodammodo per paria approximata; antice convergentia videntur. Inferiora multo minora sunt quam media, 7 centim. longa, 4 mill. lata, media 16—17 centim. longa, 8—9 millim. lata. Omnia cum rhachi articulata, linearia, lanceolata, parum ad basin contracta, apice obtuso decolora et ibi imprimis ad marginem incrassata; vix ibi perexiguas denticulationes gerentia, de quibus WILLDENOWIUS loquitur. Fortasse foliola superiora, quae in nostro specimine desunt,

denticulata sunt; in nostris nil nisi tubercula peregrina in incrassato apice cernuntur. *Utraque pagina glabra, imprimis superior splendens, in inferiore nervi 13—15 observantur, et plures. Margines, imprimis superior, paulisper revoluti.* — Plurima foliola quodammodo falciformia. — *Conus masculus cylindraceus; peltae spadicum quadrangulares, in medio brunneo tomento, ad marginem griseo, tectae. Duae areae antheriferac utrinque infra peltam; antherae citrinae, pallidae, globosae, paullo compressae, aliae apertae, densae.*

ADNOTATIO. Species singularis, cum nulla fere comparanda, *Encephalarti cycadifolii, tridentati aut Macrozamiae spiralis* fere habitum aemulans; foliolis linearibus aut falcatis et lanceolate linearibus, longis, tum a praecedentibus tum a sequente, multo tenuiore, facile distingueda.

10. ZAMIA ANGUSTIFOLIA Jacq.

Z. Caudice.... stipite terciuscule villoso (an semper??), rhachi compresso-terete, foliolis (superioribus) alternis remotiusculis anguste linearibus (trigesies longioribus quam latis), integerrimis, apice obtuso cartilagineo subserrulato-verruculosis, cono masculo griseo-hirsuto, spadicibus fuscis.

Syr. *Zamia angustifolia* Jacq. *Collect.* Tom. III. p. 263. *Personn. Synops.* Tom. II. p. 631. *WILDEN. Spec. plant.* Tom. IV. p. 847. *SPRENG. System. Veget.* Tom. III. Tab. 636.

Icon. *JACQUIN Icon. rar.* Tom. III. Tab. 636.

Herbar. *WILDEROW. N°. 18532* (frondis pars superior, a FINTELMANNO communicata, verisimiliter culta).

HABITAT in *insulis Bahamensis* (WILDEROW.).

DESCRIPTIO speciminis Willdenoviani. *Rhachis* videtur semiteres, est glabra, laevis. Quae WILLDENOWIUS de hirsutie stipitis refert, fortasse frondem nascentem spectant. — *Foliola* alterna sed per paria aliquomodo approximata, patentia, distantia, linearia, integerrima, marginibus vix aliquid revolutis. Sex ad octo nervi longitudinales. *Substantia* coriacca. *Apex* obtusus, cartilagineus, peregrina tubercula, verrucosulas quasi denticulationes, offerens. *Foliola* maxima 10 centim. longa, 3 mill. lata.

Conus masculus pedunculatus, griseo-tomentosus, cylindricus. *Discus* peltae spadicum fusce tomentosus, margines grisei. *Antherae* omnes apertae, pallidissime flavae, citrinae.

ADNOTATIO. Species exigua ut videtur, omnium angustissima foliola gerens.

† IX. PTEROPHYLLUM BRONGN.

(*Algacites SCHLOTE.* — *Osmundites JAEGER.* — *Aspleniopteris STERNI.* — *Pterophyllum BRONGNIART Ann. d. sc. nat.* Tom. IV. p. 211. *Prodrom.* p. 94).

Frondes pinnatae (vernatione, ut videtur, strictae), foliolis basi tota latitudine insertis, marginibus parallelis, apice truncatis, nervis tenuibus, aequalibus, simplicibus, parallelis.

Octo pluresque hucusque hujus generis species innotuerunt probe cognitae, in terra oolithica imprimis effossac. Quaedam alias adhuc dubiae, monente cl. BRONN in *Lethaea geogn.* Tom. I. p. 152. Hunc auctorem secutus in duas sectiones genus dividendum puto, quibus fortasse olim generis dignitas tribuenda erit. -- Inter viventes Cycadeas prae reliquis Zamiae genus huic aliquomodo affine videtur.

a. Foliolis angustis elongatis.

I. PTEROPHYLLUM JAEGERI BRONGN.

Pt. Fronde pede longiore, stipite elongato, foliolis $1\frac{1}{2}$ poll. longis, 2 lineas latis, approximatis vel magis remotis.

Syn. et Icô. Osmundites pectinatus JAEGER *Pflanzenversteinerungen* p. 29 et 37. Tab. V. fig. 6. Tab. VII. fig. 1—5.

Pterophyllum Jaegeri BRONGN. *Prodri.* p. 95 et 195. — BRONN *Lethaea* Tom. I. p. 152. Tab. XII. fig. 1. PET. MERIAN *Verhandl. d. Naturf. Gesellschaft zu Basel.* Tom. I. p. 37.

Effossum in terra »Schilf-Sandstein» prope *Studigardiam* et alibi.
Prope *Basileam* cl. MERIAN adhuc reperit in formatione »*Keuper*.»

2. PTEROPHYLLUM LONGIFOLIUM MERIAN.

Syn. Pterophyllum longifolium MERIAN. l. c.

3. PTEROPHYLLUM MERIANI MERIAN.

Syn. Pterophyllum Meriani MERIAN. l. c.

Hoc cum praecedente Effossum apud *Basileam* in eadem formatione.

b. Pinnis latis.

4. PTEROPHYLLUM MINUS BRONGN.

Pt. Foliolis brevi-lanceolatis, longitudine latitudinem superante.

Syn. Asplenium Nilssonii STERNBERG *Flora d. Vorwelt* Tom. IV. p. 40. Tab. XLIII. fig. 3, 5.

Aspleniopteris Nilssonii STERNB. l. c. p. XXII.

Pterophyllum minus BRONGNIART *Annal. d. scienc. nat.* Tom. IV. Tab. XII. fig. 8. *Prodrom.* p. 95 et 195.
BRONN *Lethaea* Tom. I. p. 153 Tab. XIII. fig. 4.

Effossum apud Hoer in insula Schoonen.

5. PTEROPHYLLUM MAJUS BRONGN.

Pt. Foliorum latitudine longitudinem superante.

Syn. *Pterophyllum majus* BRONGN. i. c. fig. 7. *Prod. p. 95.*

EFOSSUM cum praecedente.

6. PTEROPHYLLUM DUBIUM BRONGN.

Syn. *Pterophyllum dubium* BRONGN. *Prodrom. p. 95.* — *Nilssonia? aequalis* EJUSM. in *Annal. d. sc. natur.* Tom. IV. p. 219. Tab. XII. fig. 6.

EFOSSUM cum praecedente.

7. PTEROPHYLLUM ENERVE MERIAN.

Syn. *Pterophyllum enerve* MERIAN. i. c.

EFOSSUM cum speciebus 2 et 3.

8. PTEROPHYLLUM CRETOSUM Rossm.

Syn. *Pterophyllum cretosum* Rossm. i. c.

† X. ZAMIOSTROBUS ENDL.

(*Zamiae spec.* HENSLOW. *Zamiostrobus* ENDLICHER. *Gener. plant.* p. 72).

Conus subcylindricus, utrinque obtusiusculus, spadicibus rhachi communi spiraliter insertis, oblongo-spathulatis, apice incrassato inflexis, imbricatis, facie superiore infra medium fructu unico, inverso, foetis.

1. ZAMIOSTROBUS HENSLOWII.

Syn. *Zamia macrocephala* HENSLOW in LINDLEY *fossil Flora.* Tab. 125.

Strobilus in Anglia effossus, magna cum veri specie ad extinctum Cycadearum genus a cel. ENDLICHER refertur, quod Cycadi et Macrozamiae affine, ad finem tamen totius ordinis a nobis relatum est ob spadices unifloros.

Appendix.

[†] STIGMARIA BRONGN., planta fossilis admodum memorabilis, de cuius affinitate acriter inter viros doctos disputatum est, nuper diligentissimo examini subjecta est a cel. A. BRONNIART (*Archives du Muséum d'Histoire Naturelle* Tom. I. Tab. XXIX.) et cl. GEERPRT (die Gattungen der foss. Pflanzen. Bonn 1841. Tab. VIII—XV). Hic auctor *Stigmariearum* ordinem condidit, Lycopodiaceis, Lepidodendris et Cycadensis affinem, cuius genera sunt: *Stigmaria BRONGN.*, *Ancistrophyllum GOEPP.*, *Didymophyllum GOEPP.* Primum genus, cuius species *Stigmaria ficoides* BRONGN. eximie jam explorata est, nobis, anatomicam structuram perpendentibus, nihil aliud esse videtur ac radices Cycadearum et quod auctores pro foliorum teretium lapsorum cicatricibus habuerunt, in radicibus illis hodie reperitur, e lapsu radicularum. Radicellae Cycadearum etiam saepe tereti-subcompressae, crassae, bifurcatae sunt. Alio loco haec fusius exponam (I.). (Conf. p. 6. et ENDLICHER Enchiridion botan. p. 46).

EFFOSA in formatione transitionis (*Grauwacke*) Germaniac variis locis, *Galliae*, *Belgii*, *Angliae*, *Americae*.

EXCERPTA DE CYCADERARUM USC OECONOMICO ET
VIRTUTIBUS MEDICIS.

Materies gummosa quae majori copia in truncis *Cycadis* specierum ac aliis etiam earum organis continetur, vario usui apud Indos inservit. Gummi quod ita e truncis et petiolis sudant plurimae species, populare est Indorum alexipharmacum. Fusus de *Cycadis circinalis* usu RHEEDE loquitur autopta, indigenis medicis et sacerdotibus eductus. »Fructibus vescuntur Malabarenses cum saccaro thomaso, alioquin alvum relinquunt adstrictam. *Succus* e novellis foliorum surculis expressus atque exhibitus intestinorum cruciatus compescit, stomachi ardorem sedat et vomitui eruento medetur. *Fructigerus cornu* contusus et in cataplasmais formam redactus, lumbisque applicatus, dolorem nephriticum tollit, involuntarium seminis in gonorrhoea effluxum mitigat. At vero e fructibus *teneroribus* in aqua decoctis medicamentum paratur, quod vomitum ciendo ventriculum egregie purgat. Ipsius arboris *gummi assumptum* quibuscumque venenis resistit atque cum gallinae stercore mixtum et foris applicatum viperarum morsus mirifice sanat. Ex arboris trunko Japonenses *farinam* ex caue panem conficiunt, *Sagou ipsi dietam* (RHEEDE l. c.). (Haec certo *C. revolutam* spectant, de qua conf. supra p. 25). In Malabarica australi *nuces Cycadis*, quae ibi in hortis abundat, teste HAMILTON, collectae, per mensem solis radiis exsiccatae, in mortario teruntur, et *Indum Podi* vocatae, a pauperibus eduntur, qui a 14. Junii usque ad 13. Septembris famis periculo expositi sunt. — Grana Sagou ex hac arbore praeparari, post RHEEDIUM omnes fere auctores scripserunt, sed perperam ut videtur, in errorem ducti, confusa Cycadeum alias Palmarum fariniferarum speciebus. *Cycadem inermem* in Cochinchina tali etiam usui inseruire. LOUREIRO auctor est (conf. p. 32).

Similia de Cycadis specie mollucana RUMPHIUS tradit (Herb. Amb. l. c. p. 88). Juniores frondes coctae incolis gratum olus praebent (2). Nuclei etiam edules sunt, crudi autem nimis alvum movent, imo, ut quidam dicunt, lethalem alvi fluxum excitare valent. RUMPHIO ipso teste saporis amaricantis sunt sed minime acris. Per noctem in aqua macerari aut coqui oportet, antequam comedantur. Incolae Ari et Key majore cum diligentia eos praeparant, artificio singulari in foveis in terram fossis igni eos expONENTES. — Nuclei recentes rasi ulcerationibus imponuntur et maligna pedum ulcera sanare valent. Caro etiam coni maris (quorum maximi aliquando 9 libras ponderant teste RUMPHIO) in similem usum adhuc

(1) *Stigmaria ficoides* BRONGN. et alior. ENDL. Gener. p. 69. — Icônes existant plures: LINBL. et HUTTON fossil. Flora Tom. I. Tabb. 31—36.

(2) Idee fortasse c.) WURST. (*Act. Batav.* Tom. III.) Cycadæ vocat *palmam* *eleraceam*.

betur. *Cortex molliusque lignum* cum *Pinanga* masticatum et tumidis artubus illinitum optime valet. — *Drupas Cycadis revolutae* a Japonensibus comedti, THUNBERGII auctor est (l. c. p. 231).

Singularis itaque fructuum crudorum et juvenilium efficacia in ventriculum vel intestina videtur, purgans vel emetica. — Exsiccatos tales fructus juniores gustans, amarorem revera expertus sum. Matrices igitur singularis efficax iis contineri videtur. — Anne comparanda cum materiebus acribus venenatis quarundam Coniferarum, Taxinearum?

Speciebus australasicis vis haec deleterea major adhuc inesse videtur. FLINDERSII scil. in periplo socii *seminum* vim emeticam vehementissimam experti sunt.

Usus sacer non parum divulgatus. «Malabarenses, qui a D. THOMA conversos se profitentur, atque ideo Thomistae vulgo nuncupantur, templa sua diebus festis foliosis hujusmodi ramis exornant, quia non facile exarescunt atque hanc ob causam arbor haec *Palma d'igresia* seu *armatoria das igresias a Lusitanis nuncupatur*» (RHEEDE). — HOEKERTS similem usum in Gallia vidi. — *Judeaei* apud nos frondes Cycadis magni faciunt ad exornanda festiva aedificia — RUMPHIUS narrat, usum sacrum apud Tambocanenses invaluisse, qui Cycadis fructus edere debeant, si mortuum lugeant. — Anne immortalitatis imaginem Indi contemplarent in semine, demortuis sub velamentis novae vitae gerumen includente? — Javanis Cycas *Pakis Rady* vocatur, «cum Papae Aethiopes eam multum et lubenter ad sepulchre plantent» RUMPHIUS.

Encephalartorum trunci materiam gummosam ac amyloseam continent, Caffris panisoi usui inservientem, unde hae arbores *Artodendra* (Broodboom) illis in terris appellari solent. THUNBERGII præparandi methodum descriptsit (conf. p. 53). Nec tamen solummodo *Enc. caffer*, quem ille landavit, huic usui inservit, sed certo etiam reliquac species. Conf. p. 44.

De *Zamiac* speciei *baccis edulibus* conf. p. 89.

A D D E N D A.

Organa generationis. Dissertatio de floribus masculinis Coniferarum sub Praesidio cel. HUC. MOHL defensa a. 1837, mihi non nisi e METENI *Jahresbericht* 1837, p. 152 et WIKSTROEM *Jahresbericht ed.* BEILSCHMIED a. 1837, p. 82 innotuit. — *Conum* etiam Cycadearum tanquam florem considerat, vel potius tanquam transitum floris simplicis ad inflorescentiam. — Quare autem eundem metamorphoseos gradum non etiam in cono femineo statuat, non perspicio. — Axem vegetativum formatione foliorum carpelli-
rium non esse finitum monet, et recte. Sed idem apud Cycadem marem obtinet.

A. DOWNING observationes de fructibus Cycadearum a cl. BEILSCHMIED commemoratae mihi ignotae.

Cycadeac fossiles. — Opus cl. HISINGER *Lethaea suecia* seu *Petrifacta Sueciae* sequentes continet: 1. Cycadites Nilssonii BRONGN. (nob. p. 34.) Tab. 33. fig. 4. — 2. Cycadites giganteus His., effossus apud Hoer, Tab. 33. fig. 5. — 3. Pterophyllum majus BRONGN. (nob. p. 75.) fig. 6. — 4. Pt. minus BRONGN. (nob. p. 74.) fig. 7. — 5. Pt. dubium BRONGN. (nob. p. 75.) fig. 8. — 6. Nilssonia brevis BRONGN. (nob. p. 62.) Tab. 34. fig. 1. — 7. N. elongata BRONGN. (nob. p. 62.) fig. 2.

EXPLICATIO TABULARUM.

TABULA PRIMA.

Organa generationis.

- Fig. a.* Spadix femineus fractifer *Cycadis mediae*; secundum iconem FERD. BAUER (*Illustr. fl. Nov. Holl. ined.* Tab. 386), nat. magn.
- Fig. b.* Ovarium apertum cum semine inclusio, parillo aucta magn.
- Fig. c.* Idem, nat. magn., ita apertum ut vasa apparent ex hilo adscendentia, et *apex* seminis, qui non coauit cum textu placentari, cernatur.
- Fig. d.* Semen integrum e pericarpio solutum.
- Fig. e.* Semen in pericarpio situm, resecta parte superiore libera spermodermidis, ad vasorum umbilicalium decursum ad chalazam cernendum.
- Fig. f.* Semen, in quo vas majus umbilicalium sinistrorum observatur.
- Fig. g.* Idem, resecta testa ad aream porosam in apice seminis cernendam, cuius pori ad canales ducunt.
- Fig. h.* Albumen junius longitudinaliter apertum, in apice cavum obferens majus cum embryoblastano convoluto et duobus ad apicem minoribus cavis embryones abortivos continentibus.
- Fig. i.* Area in apice seminis in endopleura exculta, poris pertusa, qui ad canales ducunt; aucta magn.
- Fig. j.* Canales steriles duo cum subjacente embryoblastano, aucta magn.
- Fig. k.* Canales iidem, in quo una membrana propria investiens cernitur; altera e cavo soluta separatim exhibita; embryoblastanum in situ naturali; ex ejus apice inferiore dein embryo excrescere videtur.
- Fig. l.* Albumen matrum cum uno embryone fertili, cuius radicula in embryoblastanum seu filum suspensorium excurrit; nat. magu.
- Fig. m.* Embryo; cotyledones due inaequales coailae.
- Fig. n.* Idem, longitudinaliter sectus, ad gerumulam inter cotyledones inclusam cernendam.
- Fig. o.* Pars praecedentis aucta.
- Fig. p.* Gemmula sese explicans, aucta magn. — Haec omnia secundum icones Bauerianas depicta.
- Fig. q.* Pars spadicis *Cycadis revolutae* (in Horto Maeleni Bruxellis cultae), longitudinaliter secta, ad ovarii insertionem et ortum explicandum; fibrae vasculares e spadice progressae ovarii putamen formant, semen centrum occupat, textu placentari innixum.
- Fig. r.* Simile ovarium paulo majus, auct. magn. Basis pericarpii carnosí amyli gravis scatet (*a*); superiorius ducti gummiferi adsunt; pericarpii tubulus ad basin jam clausus; *b.* putamen tenué; *c.* placenta; *d.* ovulum, exostomio aperto; endopleura, tanquam textus cellularis membranaceus, includit acervulum textus compactioris amylieri: *nucleum*.
- Fig. s.* Ovulum ipsum valde auctum (250 vices); incunabul et pro maiore parte circumdatur textu placentari; membrana externa crassior; *a.* endopleura; *p.* nucleus.
- Fig. t.* Ovarium *Cycadis circinalis var. javanae*, in insula Java lectum (p. 13. descriptum), aucta magnitudine. Tubulus pericarpii adhuc apertus. Exostomium ovuli adhuc pervium.
- Fig. u.* Pars superior ovuli longitudinaliter secta, valde aucta. Membrana externa ibi crassissima exostomio angusto forata, in quod aliquatenus penetrat albicans et tenuissima endopleura. Reliquum omnino vacuum.
- Fig. u^{*}.* Putamen *Encephalarti horridi*, nat. magn.
- Fig. v.* Putamen *Zamiae pumilae*, nat. magn.
- Fig. v^{*}.* Ejus apex cum tribus foraminibus; auct. mago.
- Fig. w.* Albumen cum embryone, nat. magu.

- Fig. x.* Embryo aucta magn. cum filo suspensorio, quod in singularem substantiam excurrit.
Fig. y. Albumen *Encephalarti cycadifoliae*, nat. magna. cum radicula emergente.
*Fig. y**. Idem apertum cum embryone.
*Fig. y**.* Embryo, nat. magn.
Fig. z. Albumen, cum cavo embryonifero majore, ad cuius apicem minus carum sterilem embryonem includens.
-

TABULA SECUNDA.

Organæ generationis. Germinatio. Gemma radicalis.

- Fig. a.* Conus mas *Cycadis angulatae*, secundum iconem BAUERI, magno. multo diminuta.
Fig. b. Ejus spadices a facie inferiore et superiore, nat. magn.
*Fig. b**. Spadices *Zamiae* speciei mares, auct. magn., a facie utraque; ex RICHARD opere.
*Fig. b**.* Spadices ejusdem feminæ axi coni affixi.
Fig. c. Antheræ *Cycadis angulatae* varie connatae; apertæ; aucta magn.
Fig. d. Ejusdem conus feminæ, minore magnitudine.
Fig. e. Ejus spadix florens nat. magn.
*Fig. e**. Spadix *Cycadis circinalis* var. *javanæ*, secundum specimen javanicum nat. magn.
Fig. f. Granula pollinis in massas globosas cohaerentia *Zamiae Kickxii*, auct. magn., appositis granulis humectatis adhuc magis auctis.
*Fig. f**. Conus mas *Encephalarti horridi*, dim. magn.; fig. g*. ejus spadices nat. magn., a parte superiori et inferiore, secundum specimen florens Horti Roterodamensis.
Fig. g. Pollinis grana *Cycadis Wallichii*, quorum unum tubulum pollinicum emittit.
*Fig. h**. Conus *Encephal. horridi* feminæ, dim. magn., secundum specimen florens Horti Roterodamensis.
Fig. i. Semen germinans *Cycadis madagascariensis* (ex RICHARD opere mutuata); fructus cum testa bivalvi; gemmula squammosa, prima frons.
Fig. j. Bulbus subterraneus seu gemma *Encephalarti horridi*, dim. magn.
-

TABULA TERTIA.

Cycas media ROB. BROWN, arbor feminea adulta florens, dim. magn., secundum iconem FERN. BAUER (*Illustr. Fl. Nov. Holl. ined.* Tab. 382); adjectus apex frondis, pars stipitis et rhacheos, nat. magn. secundum ejusdem Tab. 383.

TABULA QUARTA.

Macrozamia spiralis, femina, secundum icones F. BAUER (*Illustr. cit. Tab. 387.*) dimidiat magna, ac pars frondis secundum ejus Tabulam 388.

TABULA QUINTA.

- Macrozamia spiralis organa generationis*, depicta secundum BAUER: Tabulam 388. et Tab. 391.
Fig. A. Pars inferior coni feminæ; spadix resessus a parte superiori cum duobus ovariis; alter a parte inferiore cum duabus ovariis sejunctis, unius situ servato, alterius inverso; nat. magn.
Fig. B. Spadices mares quatuor a diversis faciebus conspecti, nat. magn., cum antheris nat. magn. atque auctis.
-

TABULA SEXTA.

Encephalartos tridentatus Linn., frons secundum specimen Herbarii Willdenoviani, supra descripta; nat. magn.

TABULA SEPTIMA.

Zamia muricata W., secundum specimen Herbarii Willdenoviani ab HUMBOLDTIO lectum.

TABULA OCTAVA.

Fig. 1. *Zamia Kickxii*, frons in Horto Gandavensi culta, magu. natur.

Fig. 2. *Zamia debilis* W., pars frondis in insula Pavonum prope Potsdamum culta.

INDEX GENERUM ET SPECIERUM.

Algacites Schloth. pag. 73.

Arbor calappoides chinensis Rumph. 23.

Aspleniopteris Sternb. 73.

» *Nilssonii* Sternb. 74.

Cycadeoidea Buckl. 34.

» *megalophylla* Buckl. 60.

» *pygmaea* Lindl. 35.

Cycadites Brongn. 34. 61.

» *Brongniarti* Mant. 34.

» *Bucklandii*. 34.

» *Cordaci* Sternb. 35.

» *giganteus* Iüs. 77.

» *microphyllus* Buckl. 34.

» *Nilssoniana* Brongn. 34.

Cycas Linn. 21.

» *angulata* R. Br. 26.

» *caffra* Thunb. 53.

» *celebica*. 31.

» *circinalis* L. 27.

» » *ancit.* pl. 29, 33.

» » var. *angustifolia* Mq. 32.

» » var. *javana*. 28.

» *frondibus pinnatis* Linn. 27.

» *glauca* Bort. 30.

» *glauca* Royen. 47.

» *incrimis* Loure. 31.

» *madagascariensis*. 32.

» *revoluta* Thunb. 21.

» » var. *pianifolia* 25.

» *Rumphii*. 29.

» » var. *timorensis*. 30.

» *sphaerica* Hortul. 33.

» *squarrosa* Leddig. 33.

» *villoso* Royen. 49.

» *Wallichii*. 32.

Encephalartos Lehm. 39.

» *Altensteinii* Lehm. 51.

» » var. *angustifolia*. 52.

» » » *semidentata*. 52.

» *brachyphyllum* Lehm. 49.

» *Bucklandii*. 60.

» *caffer* Lehm. 53.

» *cycadiformis* Lehm. 43.

» *elongatus* Lehm. 46.

» *Friderici* Guilielmi Lehm. 44.

» *gigas*. 61.

Encephalartos glaber Hortul. 52.

» *horridus* Lehm. 57.

» » forma *gennina*. 58.

» » *Hallianus*. 58.

» » *lanuginosus* Mq. 56.

» » *latifrons*. 59.

» *lanuginosus* Lehm. 56.

» » var. *tridens*. 57.

» *latifolius* Steud. 59.

» *latifrons* Lehm. 59.

» *Lehraanni* Eckl. 47.

» *longifolius* Lehm. 54.

» » var. *angustifolia*. 56.

» » » *revoluta*. 55.

» *Mauritius* Fries. 52.

» *mauritanus*. 48.

» *nanus* Lehm. 60.

» *pectinatus*. 61.

» *procera* Mq. MSS. 46.

» *prunifera* Steud. 64.

» *pungens* Lehm. 42.

» *pungens* Hort. 54.

» *repandus* Steud. 53.

» *revolutus* Hortul. 55.

» *Royeni* Mq. 49.

» *spinosus* Lehm. 50.

» *spiralis* Lehm. 36.

» » *Hort. Roter.* 45.

» *taxinus*. 61.

» *tridentatus* Lehm. 45.

» *tridentatus* Hortul. 57.

» » *Van Hallii* Fries. 58.

Fahren de la Bèche. 38.

Felicites Brongn. 38.

» *Bechei* Brongn. 38.

Hisingera. 61.

» *Mantellii*. 62.

Macrozamia. 35.

» *Fraseri*. 37.

» *spiralis*. 36.

Mantellia Brongn. 34.

» *cylindrica* Brongn. 34.

» *megalophylla* Brongn. 68.

» *nidiiformis* Brongn. 60.


Nilssonia Brongn. 62.

» *aequalis* Brongn. 75.


- | | |
|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p><i>Nilssonia brevis</i> Brongn. 62.</p> <ul style="list-style-type: none"> " <i>Brongniarti</i> Brongn. 62. " <i>elongata</i> Brongn. 62. " <i>species</i> Schimp. et Mong. 62. <p><i>Olus Calappaoides</i> Rumph. 31, 29.</p> <p><i>Osmundites</i> Jaeger. 73.</p> <ul style="list-style-type: none"> " <i>pectinatus</i> Jaeg. 74. <p><i>Palaeozamia</i> Endl. 61.</p> <p><i>Palma americ. fol. Polygonati</i> brevior, oest. Pluk. 66, 71. — <i>Breyn.</i> 67.</p> <ul style="list-style-type: none"> " " <i>erassis rigidisque foliis</i> Herm. 66. " <i>furcifera japonica</i> Breyn. 23. " <i>japonica</i> Parad. bat. 23. " <i>indica caudice in annulos</i> oest. Ray. 27. " <i>prunifera humilis</i> Commel. 71. " <i>pumila</i> Mill. 66. <p><i>Palmifolia</i> Trec. 66.</p> <p><i>Phyllites</i> Nilsson. 34.</p> <p><i>Polypodiolithes pectiniformis</i> Sturm. 61.</p> <p><i>Pterophyllum</i> Brongn. 73.</p> <ul style="list-style-type: none"> " <i>erectosum</i> Rossm. 75. " <i>dubium</i> Brongn. 75. " <i>exerve</i> Merian. 75. " <i>Jaegeri</i> Brongn. 74. " <i>longifolium</i> Merian. 74. " <i>majus</i> Brongn. 75. " <i>Meriani</i>. 74. " <i>minus</i> Brongn. 73. <p><i>Soitson</i> Breyn. 23.</p> <p><i>Stigmaria</i> Brongn. 76.</p> <ul style="list-style-type: none"> " <i>ficoides</i> Brongn. 76. <p><i>Tessia vulgo</i> Soitson Kaempf. 23.</p> <p><i>Todda Parva</i> Rheede. 21, 27.</p> <p><i>Vera Japonenium</i> Palma prantifera Herm. 23.</p> <p><i>Zamia</i> Linn. 63.</p> <ul style="list-style-type: none"> " <i>angustifolia</i> Jacq. 73. " <i>aurea</i> Hortui. 63. " <i>caffra</i> Thunb. 53, 54. " <i>cycadifolia</i> Hort. 42. " " <i>Jacq.</i> 43. " " <i>Herb. L. B.</i> 42. " <i>Cycadic</i> Linn. fil. 43, 53, 54. " <i>debilis</i> W. 71. " <i>denudata</i> Voigt. 72. " <i>furfuracea</i> Ait. 66. | <p><i>Zamia gigas</i> Lindl. 61.</p> <ul style="list-style-type: none"> " <i>gleina</i> Hort. 60. " <i>horrida</i> Jacq. 57. " <i>integerrima</i> Hort. 64. " <i>integrifolia</i> Ait. 67. " <i>integrifolia</i> Rick. 68, 71. " <i>Kickii</i>. 71. " <i>lanuginosa</i> Jacq. 56. " <i>latifolia</i> Loddig. 59. " <i>Lehmanniiana</i> Eckl. Zeyh. 47. " <i>longifolia</i> Jacq. 54. " <i>macrocephala</i> Hensl. 75. " <i>media</i> Bot. Mag. 69. " <i>media</i> W. 68. " <i>muricata</i> W. 65. " " var. <i>angustifolia</i>. 66. " <i>nana</i> Hort. 60. " <i>pectinata</i> Brongn. 61. " <i>pectiniformis</i> Brongn. 61. " <i>prunifera</i> Lodd. 64. " <i>pumila</i> L. 69. " <i>pumila</i> Poir. 71. " " <i>Sweet.</i> 70. " <i>pungens</i> Ait. 42. " " <i>Hort. Paris.</i> 56. " <i>pygmaea</i> Sims. 70. " <i>repanda</i> Lodd. 53. " <i>species</i>. 38, 39. " <i>spinosa</i> Hort. 58. " <i>spinosissima</i> Hort. 51, 52. " <i>spinulosa</i> Hortul. 51. " <i>spiralis</i> Salisb. 36. " " <i>Hortul.</i> 42, 45. " <i>tazina</i> Lindl. 61. " <i>teunis</i> W. 72. " <i>tricuspidata</i> Hort. 57. " <i>tridentata</i> W. 45. " <i>villosa</i> Gaertn. 53. <p><i>Zamiostrobus</i> Endl. 75.</p> <ul style="list-style-type: none"> " <i>Henslowii</i>. 75. <p><i>Zamites</i> Brongn. 38.</p> <ul style="list-style-type: none"> " <i>Bechei</i> Brongn. 38. " <i>species</i>. 39. |
|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|




GENERATIO.




GENERATIO.GERMINATIO.




CYCAS MEDIA R. BROWN



MACROZAMIA SPIRALIS FEMINA




MACROZAMIA SPIRALIS . GENERATIO .



ENCEPHALARTOS TRIDENTATUS LEHM.

O. M. Verdoorn del.


A. Arn. & C° Litho-Inst. Lith.



ZAMIA MURICATA WILLD.

G. M. R. Forstall del'd

A. Grav. & C. Lithogr. Inst. Lith.



A. ZAMIA KICKXII. B. ZAMIA DEBILIS W.